

2
JOANNIS PHILIPPI BURGGRAVII, Jun.
Doct̃oris Medici Francofurti ad Mœnum

DE

EXISTENTIA
SPIRITUUM
NERVOSORUM

*EORUMQUE VERA ORIGINE INDOLE
MOTU EFFECIIBUS ET AFFECTIBUS IN CORPORE
HUMANO VIVO SANO ET ÆGRO.*

COMMENTATIO MEDICA

Viro Clarissimo

ANDR. OTTOM. GOELICKE
inprimis opposita.



FRANCOFURTI ad MOENUM,
Apud JOAN. FRIDER. FLEISCHER,
M DCC XXV.





P R Æ F A T I O.

LECTORI BENEVOLO SALUTEM.

PRæterquam quod in primo prolegomenorum articulo, rationem præsentis instituti fufius indicaverim; decreveram nihilominus plura ad Te, Amice Lector! præfari ex notionibus generalioribus philofophicis & medicis ad præfens opusculum fpectantibus. Verum cum ea, quæ dicenda mihi fumeram, partim anguftioribus præfationis cujusdam cancellis fe coercere haud paterentur, Bibliopola etiam opusculi abfolurionem urgeret, hisce cedere circumftantiis placuit. Hoc tamen adhuc habeo, de quo Te moneam; quod in citandis Tabulis & Figuris anatomicis, litera T. abfolute pofita ante numerum arithmeticum, Tabulam; & litera F. vel f. fimiliter exfcripta Figuram; numeri vero arithmetici fubjuncti, tabularum vel figurarum iftarum numeris partive refpondeant: quod pofterius etiam literæ alphabeticæ fæpius indigitant. Neque Te in limine ftatim nefcire volui, neutiquam inanem aut verbalem hic controverfiam Te lecturum, iniquis verborum & fensus illorum diftortionibus occupatam; quod Tibi rædiofum moleftumque, mihi met vero indecorum fore, arbitratus fûm: ad rem potius ipfam quam objectiones refpicere malui. Hac enim ratione, fuo & quidem eximio *Controverfia Literarie* haud carent ufui: modo diffidenties Veritatem unice & candide quærant: potius quid dicatur, quam quis dicat, ferio attendant: controverfam thefîm accurate rimentur, atque, quousque illam perfcutati fuerint fincere proponant: non vero, nifi abfoluto prælio Victoriâ quis canat, tropæumque erigere tentet. Sic tandem fpes affulget, Veritatem fe nobis nudaturam. Egregium eft Magni Hippocratis Libro de Arte, in hanc rem effatum: *Invenire aliquid eorum, quæ nondum inventa funt, quod ipfum notum,*

P R Æ F A T I O.

quam occultum esse præstet ; scientia votum & opus esse videtur : similiter, que & semiperfecta ad finem perducere & absolvere. Verborum vero inhonestorum arte, ad ea qua ab aliis inventa sunt, confundenda promptum esse, nihil quidem corrigendo : eorum vero qui aliquid sciunt inventa, apud ignaros calumniando ; non sane scientia votum aut opus esse videtur, sed proditio magis natura sua, aut ignorantia artis. Veritatem hinc indagare sustinui, quam Tu B. L. unicam mecum & simplicem quoque veneraris : sed in diversa, imo quod dolendum contraria scindi hominum studia solent : opposita vero juxta se posita magis elucescunt. Lege igitur, si placet, & confer cum illa *Spiritus Animalis è foro Medico Relegatione*, præsentem quam Tibi offero *Eorundem Spirituum Vindicationem* & jure Tuo utere ;


Judica!

Vale! sique me dignum judicas, Fave!

Scribebam Francofurti ad Moenum

Nundinis Autumnalibus,

1725.



DISPO.



DISPOSITIO OPUSCULI.

PROLEGOMENA.

I. Ratio Instituti.

II. In genere desideranda in Scripto Gœlickiano.

SECT. I. DE EXISTENTIA SPIRITUUM NERVOSORUM EORUMQUE VERA ORIGINE INDOLE ET MOTU.

MEMBR. I. ANATOMIE CEREBRI ET NERVORUM.

Artic. I. Integumenta Cerebri.

II. Vasa Integumentorum Cerebri,

III. Cortex Cerebri.

IV. Medulla Cerebri.

V. Medulla Spinalis.

VI. Origines & Insertiones Nervorum.

VII. Distributio Nervorum uti omnes C. H. partes solidas componunt.

VIII. Structura Nervorum tubulosa.

MEMBR. II. PHYSIOLOGIA HUMORUM.

Artic. I. Indoles habitus materialis C. H. in genere.

II. Natura Sanguinis Humani,

III. Circulatio Sanguinis.

IV. Effectus Circulationis Sanguinis.

V. Secretio Humorum in genere.

VI. Secretio Spirituum Nervosorum in Specie.

VII. Indoles Spirituum Nervosorum.

VIII. Motus Spirituum Nervosorum.

SECT. II. DE EFFECTIBUS SPIRITUUM NERVOSORUM IN CORPO RE HUMANO VIVO ET SANO.

MEMBR. I. EFFECTUS SPIRITUUM NERVOSORUM IN GRATIAM CORPORIS,

Artic. I. Usus Spirit. Nervosor. pro Tensione partium naturalī,

II. Usus Spirit. Nerv. pro Motibus Automaticis.

III. Usus Spirit. Nerv. pro Motibus Voluntariis & Mixtis.

IV. Usus Spirit. Nerv. pro Nutritione Partium Solidarum.

MEMBR. II. EFFECTUS SPIRIT. NERVOS. IN GRATIAM ANIMÆ.

Artic. I. Usus Spirit. Nerv. pro Sensibus externis.

II. Usus Spirit. Nerv. pro Operationibus Animæ.

**MEMBR. III. EFFECTUS SPIR. NERV. IN GRATIAM ANIMÆ ET
CORPORIS SIMUL.**

Artic. I. Usus Spir. Nerv. pro Vigiliis & Somno, eorumque effectus in In-
somniais.

II. Usus Spir. Nerv. pro Commercio Mentis & Corporis.

**SECT. III. AFFECTUS SPIRIT. NERV. IN CORPORE HUMANO VIVO
ET ÆGRO.**

**MEMBR. I. SPIRITUUM NERV. AUCTIONIS ET IMMINUTIONIS MOTUS
MORBIFICI A PROPRIO CORPORE ET REBUS
CORPOREIS EXCITATI.**

Artic. I. Morbi ab aucto Spir. Nerv. motu à rebus corporeis & proprio
corpore excitato, oriundi.

II. Morbi ab imminuto Spir. Nerv. motu ab iisdem causis orto, in-
ducti.

**MEMBR. II. SPIRITUUM NERVOS. AUCTIONIS ET IMMINUTIONIS MO-
TUS MORBIFICI AB ANIMA PROFICISCENTES.**

Artic. I. Morbi ab aucto & imminuto Spirituum Nerv. motu à Passionibus
Animæ orti.

II. Morbi ab aucto & imminuto Spir. Nerv. motu per Imaginationes.

**MEMBR. III. MORBI A VITIATA CRASI SPIRITUUM NERV. ORTI
EPILOGUS.**



COMMENTATIO MEDICA
DE
SPIRITIBUS NERVOSIS.

* *
PROLEGOMENA.

I. Ratio Instituti.

§. 1.

Suscipio hac vice, universam de *Spiritibus Nervosis* doctrinam, ex experimentis & observationibus, tum medicis, tum philosophicis, eruere; ut huic doctrinæ, præsentæ seculo adeo agitatæ, ab aliis exornatæ, ab aliis vero vanitatis; falsitatisque crimine accusatæ, tandem aliquando, suus verus valor constet, suæque ex merito dignitas & laus maneat.

§. 2. Occasionem imprimis huic negotio dedit *Vir Celeb.* ANDR. OTTOM. GOELICKE edita præteritis nundinis paschalibus *Disquisitionum physiologico-pathologicarum triade*, inscripta: *Spiritus animalis ex foro medico relegatus*. Mirabar, fateor, quam primum opusculum paulisper perlustraveram, qua demum ratione fieri potuerit, ut postquam *profunde indaginis & incomparabilis doctrina laude celeberrimus BOERHAAVE* (a) existentiam horum *spirituum*, adeo solide, adeo concinne jam pridem vindicaverit, quam unquam factum fuit, quisquam hos in dubium sit vocaturus, vel plane systema doctrinæ de *Spiritibus nervosis ex foro medico relegaturus*. Perlegebam hinc totum scriptum, debita animi attentione vel applicatione, verum enim vero, præter omnem spem atque expectationem experiebar, in toto hoc criminali processu de *spiritibus nervosis*, revulsionem actorum revelaturam Lectori à præjudiciis vacuo, longe aliam ferendam sententiam fuisse, quam revera à laudato viro factum fuerat.

A

§. 3.

(a) Institut. med. cap. de cortice cerebri §. 236-312,

§. 3. Deceveram hinc mecum, tadiofumi hocce revisionis actorum onus, in me sumere; verum mutato consilio, quod cognoscebam, non tantum jucundæ utilitatis, quantum optaram, ex præsentis opusculi lectione, in studiosam juventutem, cujus quippe gratia, hocce negotium suscepturus eram, ne ejusmodi supra commemorato scripto perturbaretur, redundaturum, constitui, prævia sedula meditatione quicquid ad doctrinam de *spiritibus nervosis* pertineat, sive eorum originem, indolem, motum, sive eorundem effectus & affectus in corpore humano vivo, tum sano tum ægro concerneret, in unum systema, ichnographice tamen, fundere, nihilque prorsus admittere, quod non fide dignissimis experimentis & observationibus, ad suas ubique revocata causas, dilucidatum fuerit.

§. 4. Ut autem eo certius meum, absque ulla in quemquam, minime in Clariss. GOELICKE, quem pro meritis & dignitate utique æstimo, injuria, præfixum scopum (§. 3.) ad publici, etiam hac humanarum scientiarum parte, commodum promovendum collimantem, consequar; hocce inii consilium, totum hocce systema, à primis hujus doctrinæ notionibus evolvere, quo negotio hancce dispositionem sequar, hasque mihimetipsum præfixi leges:

1. *Postquam in genere, merito in scripto Gælickiano desiderandæ indicavero,*
2. *Strukturam cerebri, cerebelli, medulla oblongata & spinalis, nec non nervorum, omnium tubulosam, ex indubitatibus rationibus & experimentis evincam.*
3. *Ex habitu materiali corporis humani, speciatim sanguinis, ex rationibus motuum in corpore humano occurrentium, horumque in habitum materiale corporis, effectuum, existentiam, originem, indolem & motum spirituum nervosorum demonstrabo.*
4. *Ex hisce præmissis, effectus & affectus horum spirituum in corpore humano vivo sano & ægro derivabo pronissime, ita tamen ut Lector inprimis ipsemet convictus, judicet, rem ita ac demonstratum fuit, nentiquam vero aliter sese habere: fusius vero procedam in demonstranda existentia horum spirituum, quum hac firmissime stabilita, cætera pronissime sequantur.*
5. *Hisce ita evidentissime demonstratis Clariss. GOELICKII objectiones ubique subjungam, ne Lector statim intelligat, quo jure Clariss. vir spiritus nervosos, ex foro medico relegare annisus fueris, sicque magis per thesin quam per antithesin procedam.*
6. *Cumque multa in anatomicis occurrant, quæ non adeo distincto calamo exprimi possunt, ubique in tyronum commodum accuratissimas figuras vel tabulas optimorum anatomicorum indicabo; reliquosque probatissimos auctores, quorum experimentis vel observationibus usus sum, fidelissime citabo: cæterum brevissime expediam, ita tamen, ne brevitate obscurus fiam; calami volubilitatem*

non observabo, sed momenta phenomenon occurrentium, utique sejungenda, caute discernendo considerabo: flumen enim orationis oras & superficies doctrinarum, ne plurimum lambis, reliqua intacta relinquit.

II. In genere desideranda in scripto Gælickiano.

§. 5. Equidem interim gratiæ debentur magnæ *Celeb. Viro*, quod Medicinam à multorum minus distinctis, imo confusis conceptibus, vel inanibus etiam commentis, quibus doctrina de spiritibus nervosis conspurcata fuit, purgare tentaverit; displicet vero, quod zelo hoc medico, alias justissimo, & omni laude dignissimo, eo adductus fuerit, ut plane *hosce spiritus ex foro medico relegatos* voluerit: idque eo magis me, & omnes simplicem veritatem studiose quærentes, male habet, quod in pertractanda hacce controversia

1. In genere statum controversiæ non rite formaverit,

2. Discrepantes auctorum sententias, plane erroneas cum confusis, imo etiam distinctis de hisce spiritibus, omnes invicem æquaraverit, ac tanquam unius ejusdemque valoris relegaverit.

3. Potissima a gumenta pro spirituum nervosorum existentia &c. vel non omnia, eaque conveniente ordine & connexionem allegaverit, plurima vero plane omiserit, sicque indicta causa, *hosce spiritus per. etno exilio multaverit*.

§. 6. Ne autem *Viro Clarissimo* aliquid imputasse videar, quod cum veritate haud convenit, singula membra probabo: quoad 1. igitur leges bonæ methodi suadent: ut si hypotheseſin quamdam, de qua auctores conceptus invicem à se diversos foverunt, in perpetuum exilium relegare quis audeat, is prius generatim, sed distincte, indicet, quid auctores hac sibi hypotheseſi velint, vel quid per illam intelligant; postea vero, in specie, interpretationes auctorum de eadem theſi, prout inter se vel conveniunt vel discrepant, in classes dividat, singulas hinc distincte proponat, quod *status controversiæ formationem appellamus*; demum ad eorum argumenta respondeat, ut Lector theſin, & quomodo antitheseſis illam feriat, capere possit: alias, hac neglecta cautela, ejusmodi Auctor, cum hypotheseſin, quam destruere aggreditur, risui saltem exponere studet, suspicionem haud inanem incurrit, quod unius alteriusve incauti Lectoris animum voluerit præoccupare, quod signum malæ causæ habetur. Attentione hinc decente adhibita in perlectione scripti *Viri Clariss.* nullibi statum controversiæ formatum invenire potui: promittit (a) se ostensurum totius doctrina de spiritibus animalibus vanitatem, & à Physiologia integra capita de spirituum animalium existentia, indole atque natura, eorundem generatione, organo secretionis & collectionis, de eorum dispensatione in universo corpore organico, officiis atque munitis, quæ æconomia animali exhibere

dicuntur, nec non de eorundem affectionibus morboſis, illiſque opponenda medela &c. reſciſſurum, poſt (b) reſutat illos, qui aſſerunt HIPPOCRATEM *primum aſſeritorem & propugnatoſem ſpirituum fuiſſe*: hinc commemorat (c) non nullos auctoſes, qui contra ſpirituum horum exiſtentiam pugnaverint; & (d) quasdam phraſes de indole *ſpirituum animalium* in WILLISII, MAYOWII, BORELLI, PASCALII &c. ſcriptis obvias allegat, quas ſecundæ iterum diſſertationi inſeruit: tandem unum alterumque argumentum pro *ſpirituum animalium* exiſtentia proponit, quod reſutare allaborat, in medio vero circiter ſcripti (d) demum indicat per modum definitionis vel deſcriptionis, quid auctoſes per ſpiritus animales intellectum velint; methodus quidem eſt arbitraria, uti etiam in diſſerium abiit, verum eſt; ſed alia methodus naturæ rei & inſtituto quadrat, hinc bona, & laudem meretur, alia vero non.

§. 7. Pro 2. memori mente tenendum, quemcunque ſcriptorem pro genio ſui temporis eſſe aſtimandum, cum ſolum tempus ſit veritatis parens, & quod antiquiores obſcurius cognoverunt, recentiores vero, experimentis & rationibus ſuffulti, clare & diſtincte propoſuerunt, non unius ejusdemque valoris eſſe, cenſendum eſt; æquum eſſe decet in veteres, ſed non injurium in recentiores. Imo argumenta Auctoſum, qui uno eodemque tempore, de nno eodemque themate, ſed diſpari ingenii acumine ſcripſerunt, caute in reſutando ſunt diſcernenda, & potiora inprimis validioraque argumenta ſunt deſtruenda, ſic reliqua minoris momenti ſponte ſua corrueant. Quo jure igitur Celeb. GOELICKE ſententiam GALENI (a) WILLISII de indole ſpirituum animalium inſtar radiorum lucis, ex vitali ſanguinis flammula, diu apud recentiores Medicos, & uti *Cl. Vir* loqui amat, ſpirituum Patronos extincta, emanantium, item MAYOWII, BORELLI, PASCALII, *Re'i, iſoſ ejusdam S. Mauri*, WIRDIGII (b) erroneos conceptus cum BOHNII, BERGERI, HOFFMANNI, BOERHAAVII argumentis, pro eorundem ſpirituum exiſtentia & indole militantibus, æquiparaverit, cum hi poſteriores Viri Celeberrimi ipſimet, illos priores conſutaverint, *Vir Clariff.* ipſe videat, æqui verique ſtudioſus Lector judicet. Qualem, quaſo! exiſtimat *Cl. GOELICKE* gratiam ille initurus ſit in foro Medico, qui cum quatuor humoribus, quos Medici Arabes finxere, quorumque primus dicebatur innominatus, ſecundus ros, tertius gluren, quartus cambiun; doctrinam recentiorum, de chylo, ſanguine, ſero, & lymphæ: vel cum facultatibus veterum, attractrice, expultrice, retentrice; recentiorum dogmata de ſecretione & excretionem humorum, falſitatis, vanitatis, mendacique (c) argneret? ſane nullam! minimum, otioſi ingenii luſum, (ne quid pejus) quis

(b) Id. ibid. §. 2. (c) Id. ibid. §. 3. (d) Id. ibid. §. 4.

(a) Id. Diſſ. II. §. 12. (b) Id. ibid. §. 17 & 18. (c) Id. Diſſ. I. §. 3.

quis reputaret; ejus laudis nequidem dignum, ac JULII CÆSARIS SCALIGERI *de verbo inepti oratio*, vel MARTINI SCHOOCKII, *encomium fumi fuit*.

§. 8. Qui 3. licentiam sibi sumit, sententias receptas, experimentis & rationibus confirmatas, è republica literaria profligare! relegare! sapienter ageret, si argumenta pro illis militantia, quæque ab auctoribus firmissima habentur, distincte proponeret, & solide confutaret: Qui vero argumentorum vel demonstrationum connexionem dilacerat, confectaria, ex illis pronissime quidem fluentia, quæ vero non quilibet extra connexionem capere valet, Lectori obrudit, vel quæstiones ex demonstratis elicitas, omiſſa responsione, in contrarium allegat, is speciem præ se fert, ac si argumentis suis, quibus istam theſin destruere allaborat, ipſemet non multum fidat: quærerem hinc à Cl. GOELICKE, cur (a) confectaria quadam ex BOERHAAVIO (b) saltem alleget, istis vero destruendis *neutiquam velit immorari*? cur reliqua quæ BOERHAAVIUS de spiritibus nervosis docuit, & quæ utique certissima habentur, sicco pede tranſeat? cur ex eodem significantissimo viro (c) sequentes quæstiones alleget: (d) *An vero probabilius videtur humorem hunc ultimo in viis cæcis ſiſi? an potius crederes reſſuere in primam, unde effluxit ſcaturiginem? an tandem putabis exhalare ex corpore?* cur autem reſponſionem Clariff. BOERHAAVII omittat? Sicque incauto cuidam Lectori perſuadere cupiat, BOERHAAVIUM ipſum parum fiducia in ſua demonſtratione de ſpirituum nervoſorum exiſtentia collocare, cum tamen iſte expreſſis verbis ita reſpondeat: *Sane vix hæc verosiſſima ſiunt*. An hoc ſignificat candide agere? Quod ſi *Excellentiſſimus* BOERHAAVE in nova aliqua ſuarum inſtitutionum editione, capiti de cortice cerebri quæſtiones ſubjungeret: *Anne probable videtur C. GOELICKE, Medicum Profeſſorem atque Phyſicum Provinciale Regium Francoſiurſiſis Viadrinæ ſpirituum animale e ſoro medico in perpetuum exitum ſolide relegaſſe? an credis Apollinem, ob egregium hocce facinus Cl. GOELICKE elogio: Vir omni laude major, condecoraturum? an tandem putas ſpiritus animales ad GOELICKIUM ſupplices venturos, ut illos in ſorum medicum recipiat?* verum adderet etiam reſponſionem: *Sane vix hæc verosiſſima ſiunt!* & non nemo, qui ejusmodi GOELICKIANA diſputandi ſtratagemata itidem caller, in quadam diſputatione hanc quæſtionem, tanquam affirmativam, omiſſa vero reſponſione contra BOERHAAVIUM citaret, anne probable videtur, Opponentem herculeo huic argumento ex ipſa BOERHAAVII conſeſſione deſumpto ceſſuros? *Sane vix hoc verosiſſime fit*. Non habebit Clariff. GOELICKE quod excipiat in prima Clariff. BOERHAAVII inſtitutionum editione (e) iſtam reſponſionem omiſſam

A 3.

ſuiſſe

(a) Diſſert. II. §. 10. (b) Inſtitut. Med: § 275, 276. (c) Ibid. §. 293. (d) Diſſ. II. §. 34.
(e) Anno MDCCVIII. Lugd. Batav. edit.

fuisse (f) verba enim BOERHAAVII ibidem longe aliter sonant, sic quidem: *Hujusliquidifluens copia an functâ suo munere lymphâ reduci, cruro, & inde cordi redditur? an sistitur in viâ cæcis? an refluit in scaturiginem? an exhalat cerâ vis?* verba autem, quæ Cl. GOELICKE allegavit (g) ex BOERHAAVIO sunt eadem, quæ in ejusdem institutionum editionibus postremis (h) reperiuntur. Et quanvis in prima editione ista responsio ommissa fuit, connexio tamen docuit, quod ex antecedentibus negative respondendum fuerit. Quas demum observationes, quæ experimenta, *spirituum animalium* existentiam vindicantia, Clariss. GOELICKE plane omiserit, quanquam fortissima, quæque omnino scire potuit, imo, dubio procul optime scit, in sequentibus apparebit.

§. 9. Hæc in antecessum & in genere monuisse sufficiant; non in me jam sumo *meritissimos & excellentissimos* viros, BOHNIUM, BERGERUM, HOFFMANNUM, BOERHAAVIUM, aliosque phrasi Goelickiana *spirituum animalium* Patronos, quos, quia horum *spirituum* existentiam docuerunt, vanæ doctrinæ, fabulosi dogmatis, imo mendacii, putidissimi commenti (a), vaniloquentiæ (b), more in Republica Literaria plane non decente, arguit Clariss. GOELICKE, defendere; procul dubio celeberrimi isti viri, *sententiam Apollinis damnatoriam, quæ spiritus animales in perpetuum exilium relegantur*, fulgur esse expelvi autumabunt: cum Cl. GOELICKE & Apollinem & illustre Medicorum concilium, de quo ejusque sententia in præfatione parænetica mentionem facit, item accusatorem & judicem *spirituum animalium*, simul repræsentet, sicque criminis, quod Jcti *Monstrum juridicum* vocant, reum se faciat: & *vix mihi verosimile fit*, quod Cl. GOELICKE sententiam hanc Apollinis damnatoriam infcio Apolline ipse conceperit, alias semetipsum *summum veri nominis Medicum & Virum omni laude majorem* nominasset: forsan Mercurii ex Parnasso personam saltem egit? quanquam ipsemet in præfatione fateatur, quod cum Professione publica in Academia Teutoburgensi Cliviæ adhuc perfungeretur, *duo corollaria*, quæ ibidem repetit, calci dissertationis Academicæ *de Medico cathedrali & clinico &c.* adnecti curaverit, quorum alterum, summam sententiæ Apollinis damnatoriæ contra spiritus animales exhibet, *quorum proinde corollariorum uberior tantum deductio fit, quam tribus istis dissertationibus de spiritu animali è foro medico relegato susceperit*: sicque semetipsum Auctorem sententiæ damnatoriæ Apollinis esse, affirmet, id quod & ex inscriptione ipsius opusculi evidentius adhuc apparet. Fuisse equidem Viros eruditos, qui sibimetipsis splendidos titulos tumidaque elogia tribuerint & arrogaverint exemplo esse

(f) §. 226. (g) Dissert. II. §. 34. (h) Anno MDCCXIII. & MDCCXXI.

(a) Diss. I. §. 2. 3. (b) Ibid. §. 4.

esse potest JOANNES SEGERUS scholæ civitatis Wittenbergenfis quondam Rector, qui effigiem sui, ære exsculpi curavit, una cum iconè Christi crucifixi; ex ore SEGERI hæc quasi manabant verba: *Domine Jesu, amas me?* addita responsio Christi hæc erat: *Clarissime, Pereximie, nec non Doctissime Domine Magister SEGERE, amo Te.* Sed hæc in transitu, ad rem ipsam transgrediar.

SECTIO I.

DE

SPIRITUUM NERVOSORUM EXISTENTIA, ORIGINE, INDOLE ET MOTU.

MEMBRUM I.

ANATOME CEREBRI ET NERVORUM.

Artic. I.

Integumenta Cerebri.

§. 10. **I**N suprema ædificii corporis humani contignatione, vulgo intra caput, anatomicis intra *cavitatem cranii*, tanquam in acropoli Corporis humani, domicilium nobilissimi organi cerebri locatum est: remotis enim cuticula, cute musculosa cum interposita pinguedine, & pericranio, cranium fornicatæ figuræ, ex octo ossibus in adultis, nempe *osse frontis, duobus parietalibus, duobus temporum, occipitali, sphenoidæ & ethmoidæ*, suturarum ope invicem connexis, constans in conspectum venit.

§. 11. Remotis hisce integumentis externis (§. 10.) cranio inprimis ad horizontem resecto, in conspectum veniunt (a) propria cerebri integumenta: horum primum est *dura mater*, membrana satis densa & valida, totam cranii cavitatem, hinc & cerebri investiens cum basi cranii & circa futuras in fornice arctius, cum reliquis cranii partibus laxius, ubique tamen cranio ope vasorum & fibrillarum membranacearum cohærens, ex tribus diversis tendineo carnearum fibrarum ordinibus (b) constata, & per medium ipsius cerebri juxta longitudinem, usque ad corpus callosum penetrando excur-

rens,

(a) BARTHOLIN. Anat. L. III. Tab. I. F. II. VIEUSSEN Neurograph. Tab. J. (b) PACCHION. de fabrica & usu duræ matris. BAGLIV. de fibra motrice.

rens, in duo hæmisphæria illud dividens, dumque & cerebrum & cerebellum interfaccat, unum ab altero sejungit: intra quam membranam, jam quatuor porissimum, amplos venosos ductus, *sinus distos*, quorum adhuc plures recentiorum in prinis anatomicorum (e) industria detexit, notamus: unum *longitudinale* (d) intra duorum cerebri hæmisphæriorum commissuram observandum, in duos *laterales* (e) desinentem, ubi plerumque in locum concursus trium horum sinuum *quartus* ex glandulæ pinealis regione proficiens, inferitur: in quibus sinubus, longitudinali imprimis, copiosior transversim positæ fibræ, eorum cavitates & motum sanguinis in illis moderantes notari merentur.

§. 12. Remota dura matre, *tunica arachnoidea* (a) occurrit, verum hæc pro ratione instituti (§ 1.) attentionem jam non meretur, sed cerebrum tertio quidem suo velamento, *pia matre* adhuc instructum, oculos nostros in se convertit: hoc cerebrum, dividitur in tres distinctas partes: 1. anteriorem & majorem *cerebrum* strictè ita dictum; 2. in *cerebellum*: utrumque duplicis substantiæ, exterioris; cineritii coloris; interioris, albi coloris; prior *cortex*; posterior medulla dicitur. 3. Si cerebrum in antica parte modeste elevatur, & resectis vasculis nervisque basi illud alligantes, eximitur, inferius, ubi basi cranii incumbat, tertiam partem, nempe *medullam oblongatam*, ex medulla cerebri & cerebelli protracta vel continuata concrefcentem, monstrat. Cerebrum à Cerebello ratione structuræ evidentissime discrepat; illud enim in cortice variis gyris & circumvolutionibus situm intestinorum æmulatur, in medulla vero varias cavitates & eminentias efformat; hoc, ex lamellis quasi in medio maximis, utrinque vero successively decrefcentibus compositum corticem, nullis intus in medulla relictis cavitatibus, habet.

§. 13. In genere se perlustrato cerebro, exanimemus adhuc *piam matrem*: hæc est membrana, dura matre longe tenuior & cerebrum proxime undique admodum arctè complectitur, ac in omnes cerebri strictè ita dicti (§. 12.) circumgyrationes & intra cerebelli lamellas (§. cit.) processus demittit, vel se inter illas satis profunde insinuat. (a)

Artic. II.

Vasa Integumentorum Cerebri.

§. 14. Antequam ad specialem cerebri considerationem progrediar, vasa

(c) Celeb. TEICHMEYER elem. anthrop. p. 121. seq. Clariss. SANTORIN. observ. anat. Cap. III. p. 50. (d) VIEUSSENS *Neurograph.* Tab. II. C. (e) Id. ibid. T. I. D. D. DRACKE *anthrop.* T. XV. D. D.

(a) RUYSCH ep. probl. IX. T. X.

(a) Id. ep. problem. VII. T. VIII.

vasa integumentorum cerebri adhuc examinanda sunt, cum ipsum cerebrum sua ab illis accipiat, ita quidem: arteria magna (a) ex sinistro cordis thalamo exurgens, superato pericardio, adhuc paululum evecta, mox deorsum (b) incurvata, tres (c) insignes ramos spargit, utrimque (d) unum, qui arteria subclavia salutantur, inter quas (e) tertius, scilicet carotis sinistra oritur, dextra vero subclavia, statim fere in suo exortu (f) carotidem dextram emittit: utraque carotis, profundo situ asperæ arteriæ adjacens, ad caput indivisa assurgens, in hoc itinere, ad cartilaginem thyroideam perveniens, in (g) externam & internam dirimitur, quarum illa, omnibus capitis partibus externis prospicit, hæc, ubi ad cranium pervenit, multum antrorsum (h) incurvata, demum per (i) canalem osseum ossis petrosi, cranium intrat: & deposita musculari membrana, vel eadem multum tenuiori reddita, datis (k) duræ matri ramis, juxta sellam cranii, in pia matre firmata, mox in duos vel tres ramos (l) dividitur.

§. 15. Eadem subclaviæ (§. 14.) ulterius porrectæ, utrimque (a) largiuntur arteriam vertebralem, quæ binæ, per (b) foramina processuum transversorum septem vertebrarum colli, tanquam canale munitæ, & ejus membrana, illum intus obducente, defensæ, ramosæ, sursum cranium petunt; ad istud, ubi e foraminibus vertebrarum egrediendo pervenire, sub (c) processu superiori posteriori primæ vertebræ, retroflexu (d) incurvatæ, ibidem ampliores factæ, per ossis occipitis foramen magnum, cranium ingrediuntur, deposita musculari tunica, unitæ (e) in cervicalem, dein carotidibus (f) junctæ in copiosissimos ramos, cerebello inprimis impendendos, abeunt.

§. 16. Quatuor hæ arteriæ (§. 14. 15.) pia matre firmatæ, ex (a) oppositis plagis, sibi occurrentes & sese inosculantes, statim ramos emittunt orbicularem (b) in speciem coeuntes, unde mox alii emergentes rami, cum aliis similis apparatus ramis, similiter ut priores committuntur, atque eadem iterum ratione successive minores atque minores ejusmodi circulos atque circellos, pertotam totius piæ matris superficiem non solum, sed & per ejusdem processus (§. 13.) (c) formant, hacque subtilissima sua subdivisione ita procedentes hæ arteriæ, oculis tandem disparent, ita quidem, ut tota hæcce membrana, maxima parte, hac textura constare (d) videatur.

B

(a) DRACKE anthropol. Tab. XX.I. (b) Id ibid. 28. (c) Id. ibid. 4. 4. 5. (d) Id. ibid. 4. 4. (e) Id. ibid. 5. (f) Id. ibid. 5. (g) Id. ibid. 7. 8. 9. 10. 11. 12. (h) Id. ibid. 13. 13. (i) LOWE R de Corde Tab. V. fig. 3. (k) VIEUSSENS Nerv. Tab. XVII. lit. T. T. X. X. (l) DRACKE l. c. 14. 14.

(a) Id. ibid. 6. 6. (b) VESAL, fabr. corp. hum. L. 1. C. 15. F. 8. 2. (c) Id. ibid. lit. V. (d) DRACKE l. c. 15. Tab. XV. E. E. (e) Id. Tab. XV. g. g. (f) Id. ibid. d. d.

(a) Id. ibid. c. c. g. g. d. d. RUYSCH ep. probl. XII. Tab. XIII. Thef. anat. I. p. 28. (b) RUYSCH ep. probl. IX. T. X. (c) Id. ep. probl. VII. Tab. VIII. tota. (d) Id. respons. ad Gælickium, ep. probl. IX. T. X.

tur: haud secus ac experimur in plantarum foliis, ex. gr. vitis, luci obversis, ubi petiolus per folii medium exporrectus, utrimque ramos emittit, qui in alios divisi ramusculos & subdivisi, in circulos sibi occurrentes committuntur, qui circuli alios ramos spargentes, itidem ut priores in circellos commissi, ulteriori simili subdivisione oculorum aciem tandem eludunt. Nihilominus magnus iste Anatomicus RUYSCHIIUS (e) non semel, sed sæpiissime, copiosissimas has piæ matris arteriolas, ceracea materia felicissime replevit, sic quidem, ut ultimæ extremitates, tomenti, vel telæ araneæ instar tenues, ceracea tamen materia repletæ apparuerint.

§. 17. Præter modo descriptas arterias (§. 14. 15.) per piam inprimis matrem disseminatas (§. 16.) à carotide externa (§. 14.) utrimque deflectit ramus, per ossis iphenoidæ par foraminum, rotundum minimum dictum, cranium intrans & duræ matri inprimis prospiciens, cum carotides internæ, quanquam & hæ, ingressu in cranium, aliquot etiam surculos duræ matri pensitent (§. 14.) potissimum pia matre firmatæ, cerebro dicatæ sint, ut mox demonstro.

Artic. III.

Cortex Cerebri.

§. 18. Dum igitur pia mater non solum cerebrum undique ambit, sed & profunde tam in cerebrum stricte ita dictum, quam & in cerebellum penetret (§. 13.) ubique vero copiosissimis, imo non numerandis arteriarum (§. 16.) ramificationibus abundet, insignis hæcce quantitas vel etiam longitudo, si vasa ista evoluta sisti possint, facili negotio æstimari potest: hæ igitur, ita per piam matrem disseminatæ arteriæ ab omni puncto membranæ istius, tam in superficie cerebri, quam gyris cerebri stricte ita dicti & inter lamellas cerebelli, extremitates suas (a) successive tenuiores & molliores (b) musci speciem referentes (c) perpendiculari itinere demittunt deorsum, (d) quæ protractæ molles succosæ arteriarum extremitates, ob earum copiam & meliorem locationem in tractus convolutæ, pro diversâ insertione processuum piæ matris, in cerebro stricte ita dicto, gyros & circumvolutiones, in cerebello vero lamellas determinantium, in cerebro stricte ita dicto easdem circumgyrationes, in cerebello autem, commemoratas lamellas componunt, coque ipso exteriorem cerebri partem cineritii coloris,

(e) Thef. anat. I. p. 16. 20. 23. 28. 35. Tab. IV. fig. 3. Thef. II. p. 71. Th. III. p. 31. 38. 53. Th. V. p. 6. 35. Th. VII. p. 9. Thef. VIII. p. 44. Th. IX. p. 27. 39. Th. X. 8. 9. 10. 12.

(a) Id. ep. probl. XII. Tab. XIV. f. 1. 2. 3. (b) Id. Thef. anat. I. p. 30. (c) Id. ep. probl. VII. T. VIII. f. 1. (d) Id. Thef. anat. VI. p. 58.

Ioris, corticalem dictam (§. 12.) constituunt; & cum dictis artificiosissimæ insignis anatomici RUYSCHII (e) injectiones, quibus huncce corticem cerebri, materia ceracea replevit, fidem faciant, eo minus in dubium vocari poterit, modo enodata corticis cerebri vasculosa structura, qualem & *Clar. GOELICKE* concedit. (f)

§. 19. Arterias per piam matrem distributas; earumque propagines succosas, in corticalem cerebri substantiam abeuntes hæcenus descripsi: arteriæ sanguinem à corde ad partes vehunt, & venæ revehant, ad sint igitur & venæ, quæ illum è cerebro ad cor revehant, oportet; imo adsunt: quod si (a) enim ligatis arteriis carotidibus & venis jugularibus, carotis per inflatum vulnus, tubulo immisso insufflatur, turgescunt disseminata, per universum cerebrum vasa, utpote carotidum inprimis (§. 15.) propagines, tandemque cum propulso sanguine, inspiratus aer in sinus (§. 11.) se exonerat; imo, iisdem arteriis præsertim in non strangulatis, insufflatis & venæ jugulares flatu distenduntur. Etenim non solum arteriæ duram meningem irrigantes, multis suis propaginibus immediate (b) in sinum longitudinalem (§. 11.) sanguinem suum exonerare observantur, sed & in omnibus sinibus, juxta longitudinem eorum apertis, quam plurima venarum oscula (c) in istos sinus hiantia deprehenduntur; hi sinus, sarcinam suam in amplos venosos saccos, hi è cranio in venas jugulares implantatas subclaviis, his infundunt, quæ in venam cavam se exonerant, unde tandem in dextram cordis auriculam, ejusdemque lateris ventriculum derivatur: an autem & vasa lymphatica, uti in omnibus reliquis corporis partibus observantur, in cerebro existant, sub judice lis est; NUCKIUS (d) visos fuisse rivulos lymphaticos in cerebro bovino, è regione glandulæ pinealis, commemorat, imo, semetipsum ex pini glandula, ductum lymphaticum, eodem modo ut aliis glandulis exeuntem vidisse asseverat: utique summe probabile est, & cerebrum suos habere rivulos aquosos, sed nondum distincte in lucem protractos.

Art. IV.

Medulla Cerebri.

§. 20. Hæc exterior cerebri pars seu cortex (§. 18.) interioris albæ medullaris substantiæ (§. 12.) originem accurate, ita, ut horizontali cerebri sectione, unum continuum appareat, ambit: hæc alba cerebri substantia,

B 2

tia,

(e) Thes. I. p. 16. 30. Th. II. p. 58. 73. Th. III. p. 43. Th. IV. p. 34. Th. V. p. 5. 19. 20. 21. 22. 38. Th. VI. p. 47. Th. IX. p. 39. Th. X. p. 7. 8. 9. 12. 14. 16. (f) Diss. II. §. 19.

(a) BARTHOLIN. anat. L. III. c. VI. p. 502. (b) VIEUSSENS Neurogr. T. I. C. in punctis nigricantibus. (c) Id. ibid. T. I. D. D. T. III. G. G. H. H. (d) Adenogr. p. 150.

tia, si (a) coctione in oleo induretur, innumeras in fibrillas facile dividi potest, ex quibus connexis fibrillis proprie hæc medulla conflatur: hæque fibrillæ, dum situm naturalem servant, aliæ aliis adeo proxime sibi invicem adjacent, ut, ubi corticalis cerebri substantia, ob piæ matris processus (§. 13. 18.) ipsis non interferitur, nullum sensibile inter ipsas relinquatur spatium, & unum continuum constituere videantur; id quod, absque coctione, ut omnis exceptio, ratione coctionis præoccupetur, evidentissime in cerebello (b) apparet, ubi fibrarum medullarium ortus ex cortice, distincte cognosci potest.

§. 21. Cum igitur vasa sanguifera, ex quibus cerebri cortex componitur (§. 18.) tam arte sibi accumbant, ut itidem unum continuum per singulas cerebri circumvolutiones & cerebelli lamellas protractum, quasi exhibeant, quid mirum, quod & fibræ medullares, quæ ex omni puncto sphaeræ corticis (§. 20.) distincte propullulant, adeo arte sibi invicem accumbant. Ad earum vero situm & tractum distinctius cognoscendum, hanc cerebrum secandi methodum commendo: cerebrum à dura matre liberatum, caute è calvaria (§. 12.) extrahatur, & inverse, ita ut medulla oblongata supremum occupet locum, mundo asserculo imponatur, hinc juxta longitudinem cerebri stricte itadisti, & medullæ oblongatæ ad dimidium circiter fiat incisio, ita ut in cavitates cerebri introspicere liceat, suspensa manu hinc duo cerebri hæmisphæria ita incisa teneantur, & cavitates cerebri perlustrentur, apparebit, quomodo fibræ medullares ex omni puncto sphaeræ corticis centrum quasi petentes (a) corpus callosum, (b) medullæ oblongatæ crura, (c) thalamos nervorum opticorum, & (d) medullam oblongatam forment, cur item & quomodo pro tot fibrarum comoda locatione, ne mutua sibi impedimenta creent, ventriculi cerebri formati sint, construique debuerint: cerebello quoque dissecto, in quo nullæ cavitates, evidenter cernere licet quomodo ejus medulla in medullam oblongatam itidem terminetur, ita quidem, ut hac fibrillarum medullarium accessione ex cerebello, tubera, (e) testes, (f) pyramidalia, & (g) olivaria corpora efformentur in medulla oblongata, hæcque igitur quasi cauda est, in quam pleræque fibræ medullares cerebri & cerebelli terminantur.

§. 22. In examine medullæ cerebri considerandus etiam *plexus choroidens* in cerebri ventriculis ad cerebellum & corpus globosum se extendens

(a) Id. ibid. L. I. c. 10. p. 57. (b) *Celeb.* HEISTER. compend. anat. T. IV. f. 16.

(a) VIEUSSENS *Neurogr.* T. III. D. T. VI. O. D. (b) Id. ibid. T. VI. F. F. Tab. VII. D. D. (c) Id. ibid. Tab. VI. H. H. T. VII. F. F. (d) WILLIS anat. cereb. F. I. C. (e) VIEUSSENS l. c. T. XII M. M. G. G. (f) DRACKE l. c. T. XV. a. RUYSCH. ep. probl. XII. T. XIV. f. 4. B. (g) Id. ibid. T. XV. o. RUYSCH. l. c. fig. 4. A.

dens (a) occurrit, ex tenuibus arteriis venulisque compositus, & in duas quasi alas distinctus; iniectione materiæ ceracæ in illum, nullas glandulas ibidem, detegere potuit RUYSCHIUS (b), & in hominibus gravioris ætatis vel humidioris temperamenti, vascula ejus non tam sanguifera quam lymphaticis potius similia observavit VIEUSSENS (c), num autem sanguinem afferat, ex quo glandula pinealis lympham secernat, uti WILLISUS autumavit, hæreo, cum Clariss. SANTORINI (d) industria observaverit, glandulam pinealem, utraque cerebri substantia, corticali & medullari instructam esse, & tractus tenues medullares ad opticorum thalamos & processus natiformes demittere.

Art. V.

Medulla Spinalis.

§. 23. Medulla oblongata (§. 21.) ad magnum occipitis foramen perveniens, ac per illud in thecam vertebrarum, usque ad ossis sacri finem continuata, *medulla spinalis* audit, in duas quasi partes juxta longitudinem divisa, ejusdem ac medulla oblongata substantiæ.

§. 24. Quemadmodum cerebrum à cranio, sic medulla spinalis à canale osseo, vertebrarum conjunctione efformato munitur: obducuntur vertebræ, juxta totam spinæ longitudinem, interius duplici membrana, 1. *ligamentosa* admodum robusta, vertebra colligante, inter unamquamque vertebram perforata; 2. *cellulosa*, in obesis pinguedinem, vertebrarum flexilitatem inungendo adjuvantem, recondente.

§. 25. Ipsa vero spinalis medulla & proprias suas habet membranas cum cerebro, cujus ipsa est continuatio, communes: 1. *duram matrem*, quæ externa facie cum vertebris firmiter cohaeret, interna vero medullam respicit, quam, laxius cum illa cohærendo, undique involvit 2. *tunicam arachnoideam*: 3. *piam matrem*, medullam spinalem undique arte cingentem, in cujus longitudinalem quoque divisionem sese quoque insinuat.

§. 26. Vasa sanguifera accipit spinalis medulla 1. ab *arteriis vertebralis* à subclaviis propullulantibus, quæ in itinere suo ad caput (§. 15.) inter unamquamque vertebram furculum ad illam demittunt: 2. ab *arteriis intercostalibus*, quæ eadem ratione ac vertebrales, medullæ suæ regionis, utrimque ramulis prospiciunt: 3. à *lumbaribus arteriis*, quæ simili modo ac priores, vicinæ medullæ furculos largiuntur. Hi arteriosi furculi, ex utroque latere, postquam integumentis medullæ spinalis prospexere, sibi oc-

B 3

(a) RUYSCH. ep. probl. XII. p. 25. (b) ep. probl. XII. T. 15. f. 3. (c) L. c. L. I. c. XVII. p. 109.

(d) obs. anat. cap. III. §. 8.

currentes, se invicem exosculantur, & in puncto anastomoscos, sursum deorsum in duos quasi ramos iterum dehiscences, qui omnes invicem juxta longitudinem spinalis medullæ connexi, ductum communem arteriosum (a) per totam spinalis medullæ longitudinem excurrentem constituunt, ex quo interius in piam matrem (b) numerosissimi furculi penetrant, sicque intra spinalem medullam, *substantiam cineritiam*, in cerebro corticalem (§. 12. 18.) dictam ejusdem quoque ac in cerebro structuræ, componunt. Sanguis per minimos & copiosissimos (c) canaliculos venosos, in (d) venam spinalem refluus, ex hac 1. in *venas vertebrales*, ex his in subclavias, post in cavam, hinc in auriculam dextram, demum in dextrum cordis ventriculum derivatur 2. in *venam azygam*, ex hac in cavam, hinc in dextrum cor devehitur. 3. in regione lumbari in *venas lumbares* colligitur, quæ illum venæ cavæ infundunt, unde tandem in cor redit.

§. 27. Ex quovis puncto cineritiæ partis intra medullam spinalem reconditæ (§. 26.) eadem ratione ac ex cortice cerebri provenere, fibrillulæ medullates, interiori medullæ spinalis superficie sese apponentes, & cum ejusdem fibrillis sese unientes propullulare observantur.

§. 28. Hoc interim notari meretur, quod medulla spinalis, ejusdem quidem indolis sit ac medulla oblongata, sed paulo tenacior, & tenacitate sua eo plus, quo magis à cerebro recedit, increseat, ita quidem, ut in regione lumborum usque ad finem sit tenacissima, fibrosa, cauda equina hinc dicta, attamen hac sua tenacitate non obstante, si una cum cerebro, ex observatione VIEUSSENS, (a) noctu acri exposita relinquatur, multo mollior evadat, quam cerebrum, adeo ut veluti dissolvatur, & præ nimia mollietate, fere ad instar calidæ pulcritulæ, plano cuidam corpori effusæ diffuatur.

Art. VI.

Origines & Insertiones Nervorum.

§. 29. Ex medulla oblongata (§. 21.) & spinali (§. 23.) utrimque deflectunt fasciculi fibrillarum medullarium, qui, in ipso suo à medulla exitu, à pia matre involuti, adduram pergentes matrem, qua itidem perforata & in patentes vaginas ad foramina cranii & vertebrarum fasciculos illos transmittentia, protensa, è cranio tandem octodecim diversis locis, novem paria constituentes, & ex theca vertebrarum, ut & ossæ sacro, triginta & unum paria efformantes ad omnes corporis partes solidas *nervorum* nomine, penduli

(a) VIEUSSENS l. c. T. XIX. F. 3. (b) Id. ibid. Fig. 3, b, b. b. (c) Id. ibid. F. 2. b. b. b. b. (d) Id. ibid. F. 2. A. A.

(e) Id. l. c. p. 152.

duli in longitudinem non tenſi, ſed laxi, varieque incurvati exeunt; ſunt igitur *nervi*, faſciculi fibrillarum medullarium ex medulla oblongata & ſpinali deſcendentes, cerebri & ſpinalis medullæ membranis (§. 11. 13. 25.) muniti, per ſingularia cranii & vertebrarum foramina, ad omnes corporis partes abeuntes.

§. 30. Nervos inveſtiri à communibus cerebri integumentis dixi, & avtopſia illud docet, cum autem tales faſciculi fibrillarum nervearum, ex quamplurimis fibrillis conſtent, ſapientiſſimum & providentiſſimum Numen, aliquot ſemper talium fibrillarum, peculiari membranula, quam pia matris progeniem autumo, cinxit, ita quidem, ut nervulus, (a) pilo porcino non craſſior, tranſverſim diſſectus, extriginta nervulis, ſuis membranis munitis, compactus, & communibus integumentis (§. 29.) obvolutus, comparuerit: præter ſingularia vero hæcce fibrillarum nervearum velamenta non ſolum per eorum integumenta communia (§. cit.) vaſa ſanguifera & lymphatica excurrunt, ſiquidem evidenter propagines carotidum internarum, per nervos intra calvariam diſſeminantur, ſed & hæc ſanguifera vaſa interiora nervorum penetrant, & juxta eorum longitudinem excurrere (b) obſervantur, quibus, ut ubique fere in corpore, vaſa lymphatica aſſociantur, quæ excluſis globulis rubris (c) deſecatiorem lympham & hic ex nervis revehunt, quæque hinc non niſi contentiſſimo per microſcopium intuitu in nervis dignoſci poſſunt: huic ſtupendæ vero texturæ, & pinguedinem (d) interſitam vidit oculus armatus.

§. 31. Quod nunc in ſpecie origines nervorum attinet, ſciendum prius, quod nervi ex medulla oblongata, circa ipſius tubera (§. 21.) ex fibrillarum medullarium cerebelli ad ejusdem indolis fibras ex cerebro ortas acceſſione nata, oriundi, tam à cerebro quam à cerebello fibrillas obtineant; reliqua etiam cerebri & cerebelli medullæ portio, in ſpinalem medullam (§. 23.) continuata, intime invicem miſceantur & nervi ex hac oriundi fibras æque accipiant ex medulla cerebelli ac ipſius cerebri, ex hac vel illa nunc plures, nunc pauciores. Examinabo vero primo nervos è cranio exeuntes: horum novem (§. 29.) numeramus paria, quorum origines accuratiſſime clariſſimus Anatomicus Venerus SANTORINI (a) nuper deſcripſit, hic ex illo recensendas, quibus insertiones nervorum ſubjiciam, cuncta breviffimis.

§. 32. Primum par eſt *Olfactorium* (a) triplici principio prodians, quorum

(a) LEEUWENHOECK, ep. phyſiolog. XXXVI. p. 350. ep. XLVI. p. 443. 445. (b) Id. epiſt. XXXVI. p. 351. & XLVI. p. 443. (c) Id. ep. XXXVI. p. 351. (d) Id. ep. XXXII. p. 313. ep. XLVI. p. 441. 445.

(a) Obſ. anat. Cap. III. §. 13. 22.

(a) VIEUSSENS Nerv. T. IV, lit. J. I. T. V. E. E.

rum longior medullaris tractus à finibus posterioris cerebri lobi emergit, reliqui duo, velut diremptu prope originem bifidi, alter ab exteriori, alter ab interiori medullaris cerebri substantiæ latere proficiunt & per os cribrosum, in tunicam pituitariam, narium & ossium spongiosorum cavitates obducentem disseminantur.

§. 33. Secundum par est *Opticum* (a) ex interioribus thalamorum suorum (§. 21.) tum & à quodam velut geniculato corpore circa eorundem thalamorum posteriora locato adjunctoque oritur, cui origini à lateribus natiiformium medullæ cerebri processum (§. cit.) medullaris tractus transversim adjungi videtur: ad oculum ubi pervenit, integumenta sua in bulbum oculi expandit, medulla vero nervi in tunicam (b) retinam se extendit, sanguiferis vasis (c) irrigatam.

§. 34. Tertium par dicitur *Oculorum motorium* (a) ex internis postremis & fereimis lateribus crurum (§. 21.) medullæ oritur, & in sex potissimum propagines iterum dehiscit, quinque earum musculis oculi, excepto trochleari, prosapiunt, sexta vero bulbo oculi partim fibras largitur, partim vero in fibras iridis oculi musculares terminatur.

§. 35. Quartum par *Patheticum* audit, initium sumit intra testiformes (§. 21.) protuberantias, triplici utrimque furculo à transverso eo medullari tractu, quæ super edita magnæ valvulæ parte locatur, sic ut idem medullaris tractus productus atque ab eo loco in patheticum utrinque nervum abeat, folique musculo trochleari (§. 34.) impenditur.

§. 36. Quintum par *Lingua motorium* dicitur, (a) non ex uno prodiit hiatu, sed tenuiores fibræ scorsum paulo supra emergunt, ac mox cæteris copulantur, reliquæ quidem omnes uno hiatu, sed non eodem principio proficiuntur, ex his namque fasciculus, sub extimo annularis protuberantiæ fibrarum strato ex ima ejusdem parte oriri videntur, tertius vero fasciculus inter olivaria & pyramidalia corpora (§. 21.) emergere observatur, ob mollitiem enim prosequi non licet, videtur tamen hocce par ultimo à cruribus medullæ oblongatæ exoriri, circa exortum statim iterum in tres dirimitur ramos, quorum 1. superior *ophthalmicus* dictus, palpebris, musculis frontis, nasi, & faciei integumentis prospicit, 2. maxillaris superior audit, hic in cranio adhuc unum vel duos ramulos, cum sextæ paris reflexo ramulo conjungendos pro nervi intercostalis principio constituendo emittit, post omnibus maxillæ superioris partibus furculos largitur, 3. *maxillaris inferior*

(a) Id. ibid. T. IV. K. K. T. XIV. K. K. (b) RUYSCH. ep. probl. XIII. T. XVI. f. 15. 19. (c) Id. ibid. fig. 16.

(a) DRACKE aorthrop. T. XV. 3.

(a) VIEUSSENS Lc. T. V. f. f. (b) DRACKE 1, 6. T. XV. 5, 5.

ⁱnferior nuncupatur, & est maximus, toti hinc nervo nomen dedit, cum imprimis etiam per linguæ musculos distribuatur.

§. 37. Sextum par *Abducens* nominatum, triplici surculo, ab ipsa annularis protuberantiæ crepidine proficiscitur, (a) & notabilem ramum pro nervo intercostali (§. 36.) constituendo reflectit, ipsum vero, in musculum oculum abducentem, abit.

§. 38. *Par intercostale* (a) igitur oritur, dum propagines paris quinti (§. 36.) ad sexti paris (§. 37.) truncum accedunt, eique arcte innectuntur, & tandem post aliquot itineris ab eo sejunctæ, ad alteram ejusdem propaginem, priusquam à trunco decedat copulantur: hinc per thoracem & abdomen, in pelvis usque cavitatem proficiscitur, hocque in itinere varios plexus (b) cervicalem, (c) cardiacum, pulmonalem, (d) thoracicum, (e) stomachicum, (f) hepaticum, lienarem, (g) renales, (h) mesentericos, cum paris octavi ramis componendo, plerisque thoracis & abdominis partibus, surculos largitur.

§. 39. Septimum par, *Auditorii* (a) nomen gerit, duas distinctas habet radices, mollem & duram, quarum illa auditui imprimis dicata est: oritur portio mollis conspicuis quibusdam albicantibus fibrillis, perpetuo à reliquis distinctis, ex media caudicis medullaris scrobe seu quarto ventriculo, & per cavitates ossis petrosi summo (b) artificio distribuitur: portio vero dura, ab inferiore inferiore annularis protuberantiæ parte, qua demissis cerebelli pedunculis copulatur, à quo loco, velut à riuula hæc nervi portio prodit, ac ad inferiora demissa, in imam ejusdem protuberantiæ partem lateralem collocatur; & musculis, reliquisque tympani partibus, maxime autem auri externæ, parotidibus, pericranio, musculis ossis hyoidis, labiorum, & palpebris impenditur.

§. 40. Octavum par *Vagus* (a) insignitur, & mox infra eum locum, unde è quarto ventriculo portio nervi auditorii mollis evadebat, exurgit; & suscipiari licet, à reflexo eo medullari tractu, à summis pyramidalibus corporibus demisso, & illuc vicinæ, unde hæc prodire, proficisci; evagatur (b) hocce par per thoracem & abdomen, & ad plexus paris intercostalis (§. 38.) constituendos, excepto mesenterico inferiori, concurrit, ac in plexu mesenterico superiori terminatur.

C

§. 41.

(a) VIEUSSENS l. c. T. V. h. h.

(a) Id. ibid. T. XXII. G. T. XXIII. 2. 2. (b) Id. ibid. T. XXIII. 2. 7. (c) Id. ibid. 43. (d) Id. ibid. 38. (e) Id. ibid. 63. (f) Id. ibid. 59. 63. (g) Id. ibid. 60. 60. (h) Id. ibid. 77-78. 79. 80. 81.

(a) Id. T. V. i. i. k. k. DUVERNEY de org. audit. T. X. (b) DUVERNEY l. c. VALSALVA de aurchum. T. VIII. f. 8. 9. MASTICHELLI apud Celsus, HELSTER Comp. anat. T. II. fig. 21.

(a) VIEUSSENS T. V. l. l. (b) Id. T. XXIII. WILLIS Neurogr. T. X.

§. 41. Nōnum par, *Gustatorium* (a) merito dicitur, & disjunctis progerminat fibris, ab eolineæ loco, quo olivaria corpora à pyramidalibus discernuntur, tantumque earundem fibrarum origo spatium tenet, quantum ipsamet olivaria, in quibus cinerea intus substantia, tenui eleganti, tortuosoque incessu, inter medullarem sese mediam conicere facile deprehenditur: ad linguam properat hocce par, & per totam ejus longitudinem in copiosos utrimque furculos diremptum, extenditur; tandem in copiosissimas (b) papillulas nerveas linguæ desinit.

§. 42. Decimum par, *Colli motorium* nominari solet; verum, cum: anceps hæream, an cranio jure adscribi possit; cum, si non omnis, maxima tamen ejus portio extracranium nascatur, sicque potiori jure, ceu primum par vertebrale considerari possit, Lectori relinquam, cuinam classi adscribere id nervorum par velit: propullulare observatur pro parte, è priore spinalis medullæ facie, maxime vero è postico ejusdem proximoque latere, nonnullos, tres minimum furculos nervos prodire deprehenditur, inter cranium & primam vertebra prodit, & musculis cervicis nec non occipitis dicatur.

§. 43. Enodabo igitur jam nervos ex ipsa spinali medulla prodeuntes, quorum triginta & unum numeramus paria, quæ juxta spinæ longitudinem, in cervicis, dorsi, lumborum & ossis sacri nervos dividuntur: distinctis oriuntur fibrillis seu principiis (a) ex antica & postica parte, quæ fibræ coalescentes demum in spinales nervos abeunt.

§. 44. *Cervicis* paria numeramus tot, quot sunt colli vertebrae, nempe septem, nisi illud decimum capitis (§. 42.) & nervum accessorium, de quo mox dicam, annumerare velis; exeunt nervi cervicis, ut omnes spinalis medullæ nervi, excepto primo cervicis, per thecæ vertebrarum (a) foramina lateralia, ipsa vertebrarum earumque apophysium obliquo adnatione efformata: primum, secundum, tertium & quartum cervicis nervorum par, musculis capitis inprimis prospicit, secundum vero ramulum (b) ad aurem ablegat: quartum vel solum, vel acceptis furculis à secundo & tertio pari, utrimque (c) *nervum dia-bragmaticum* largitur; quintum vero sextum & septimum, nonnunquam etiam concurrente quarto (d), *nervos brachiales* sistunt.

§. 45. Inter secundum & tertium par, utrimque unico principio oriuntur *nervus accessorius seu spinalis* (a) WILLISII, hoc ad latus medullæ per foramen

(a) VIEUSSEN T. V. m. m. (b) RUYSCH, Thes. anat. I. Tab. IV. f. 6.

(a) VIEUSSEN Tab. XX. fig. 2. 3.

(a) VESAL. Fabric. C. H. I. c. 14. fig. Q. Q. (b) VIEUSSEN T. XXIV. h. h. (c) Id. ibid. m. m.

(d) Id. ibid. C. D. Tab. XXV. XXVI. totis.

(a) Cereb. anat. T. I. M. M. L. I. DRACKEL. c. T. XVI. f. 2. p. p. m. m. DUVERNEY I. c. T. XI. f. 1. T.

foramen occipitis magnum in cranium regreditur, cum pari vago se conjungit, communi membrana utrisque obvolutis, per idem foramen iterum egreditur, à pari vago iterum recedit, & reflexum, in musculum cucullare potissimum impenditur.

§. 46. Duodecim sunt *Dorsi* paria nervorum (a), quorum primum ad *brachiales nervos* (§. 44) concurrunt; reliqua in sulcis costarum juxta harum longitudinem decurrunt, ac pleuræ, musculis intercostalibus, pectoralibus, abdominis, mammis, aliisque thoracis partibus prosapiunt.

§. 47. Ex *lumborum* vertebriis (a) quinque paria prodeunt; primum inferius diaphragmatis parti & musculis psoas furculos largitur, reliqua primi paris portio, cum secundo, tertio & quarto conjuncta, *nervum crurales* componit; musculis lumborum & anticæ femoris parti destinatum: & ex secundo, tertio & quarto, ramus resultat, qui ad scrotum, testes & vicinas partes ablegatur: par quartum & quintum, cum quatuor prioribus ossis sacri partibus, constituunt *nervum ischiaticum* posticæ femorum parti, totique pedi consulentem, ante vero quam ad istas abeat partes, organis in pelvi sitis furculos largitur.

§. 48. *Os sacrum* (a) itidem quinque paria emittit, quorum priora quatuor ad *nervum ischiaticum* componendum concurrunt, reliquum vero itidem partibus in pelvi reconditis distribuitur.

Art. VII.

Distributio Nervorum, uti omnes totius C. H. partes solidas componunt.

§. 49. Atque hac ratione ex cerebro & spinali medulla ad omnes omnino totius corporis humani partes nervi ablegantur, ita quidem ut ne punctum invenias, in quo *nervum* non deprehendas, operæ igitur pretium erit pro præsentè instituto hoc quicquid est negotii, penitus paulo excutere.

§. 50. Incipiam à musculis: in his consideranda veniunt, fibræ motrices tendinæ & carneæ, vasa sanguifera & nervi: fibræ tendinæ & carneæ unum continuum, etiam in exilibus fibris (a) constituunt, & non nisi adnationis ratione, in tendinosi arctiori, laxiori in carneis, differunt: uti vero nudis oculis hæc fibrarum distinctio apparet, sic oculo armato examinata, singulæ

C 2

(a) VIEUSSEN l. c. T. XXVII.

(a) Id. ibid. T. XXVIII.

(a) Id. ibid. T. XXIX.

(a) LEEUWENHOECK ep. physiol. XXXIII, p. 120.

singulæ tales fibræ, tendinæ æque ac carneæ, ex aliis plane similibus constant, ita ut singulæ earum parvum musculus repræsentent, ex innumeris (b) aliis minoribus seu tenuioribus compositum, cujus simplicissimam fibrillulam non nisi ratione assequi licet: cæterum, exigua admodum portio tendinis (c) ex gallinæo gallo microscopio objecta, sive tendo recta, sive in longitudinem incisus fuerit, ex sex vel octo exiliorum tendinum portiunculis compacta evidentissime apparuit; & fibra carneæ (d) tam exilis observata fuit, ut istam pilus menti virilis facile sexto decuplo crassitie superaverit, idque non solum in animalibus grandioribus, sed & exiguis & pusillis: fibrillula quippe apud (e) crassitie parum cedere deprehenditur fibris bovinis. Hæc adeo subtiles fibrillulæ tendinosæ pariter ac carneæ, in exiguos fasciculos collectæ, communi (f) membrana, (g) cellulosa, ad recipiendam pinguedinem, inservientem lubricationi fibrarum, hinc quasi adiposa, circumamiciuntur, & à se invicem distinguuntur; multi vero horum fasciculorum conjunctim sumpti musculus efficiunt, uti communiter sumitur.

§. 51. Arteriæ musculos ingredientes, & per illorum totam fere substantiam distributæ, inter fibrarum fasciculos excurrere, ac per illorum membranas exilissimis ramusculis disseminari observantur; ubi vasa lateralia seu ductus adiposos, in membranam cellulosam, fibrillarum muscularium fasciculos investientem (§. 50.) oleum plorantes, ut & vascula lymphatica, emittunt; in tot vero, tamque exiguos ramusculos arteriæ hic in musculis dirimuntur, ut vel singulas fere fibrillas musculares ramusculo quodam comitari videantur, ex quibus tandem per sociam venam sanguis refluit: ab hoc enim omnis musculi rubedo oritur, quoniam eo diligenter eloto omnis musculus egregie pallet.

§. 52. Nervi vero musculos subeuntes, deposito involucro externo (§. 29.) ita per omnem musculi dimensionem distribuuntur, ut toti toti in ipsius musculi substantiam abeant; cum vel nullum in totius musculi corpore punctum assignari queat, quod fibrilla nervea non occupet; ita quidem, ut fibræ musculares tendinæ & carneæ simplicissimæ nihil aliud sint quam fibrillulæ nerveæ.

§. 53. Evidentissime hæc in corde observari possunt: tractus fibrarum muscularium in corde admirandos, quos LOWERUS (a) optime extricavit, jam non recensebo; hoc saltem annotabo, quod hæc musculares cordis fibræ, in quatuor distinctos orbiculares tendines (b), quatuor ora

cordis

(b) Anatomia rerum p. 43. seqq. in primis p. 49. (c) Id. ibid. p. 323. (d) Id. ep. III, p. 14. (e) ep. XXIII. p. 324. (f) Id. p. 320. (g) Id. p. 321.

(a) De corde Tab. II, IV. V. (b) Id. ibid. T. II. fig. 1.

Distributio Nervorum, uti omnes totius C. H. partes solidas componunt. 21
 cordis in basi cingentes, abeunt: qui tendines protensi, continuati, vasa sanguifera cordi appensa componunt: dissecta arteria magna juxta longitudinem in ventriculum cordis sinistrum usque, id luculenter docet: inter cordis fibras, interjecta sunt copiosissima vasa sanguifera (c) coronaria ducta, per ipsas arterias & venas à corde egredientes itidem continuata: totum vero cor, proxime, extus & intus, membrana quadam tenui, omnium Anatomicorum consensu nervea, investitur, quæ itidem continuata, vasa sanguifera è corde producta ambit.

§. 54. Arteriæ nempe & venæ ex quatuor potissimum tunicis componuntur robore & crassitie quo remotius à corde recedunt, continuo decrescientes, quarum 1. & extrema à cordis membrana exteriori producta in exteriori facie tenuis & nervosa est, in (a) superficie vero interiori, textura vasorum sanguiferorum ex coronariis (b) cordis partim, partim etiam ex aliis oriundorum obducitur: Sic KERCKRINGIUS (c) truncum majorem venæ portæ equinæ vidit, in quo conspicua fuit venarum, quæ à mesentericis ramis, & arteriarum, quæ à ramo splenico exoriebantur, tanta copia, ut inextricabilem labyrinthi errorem, flexus earum & fines quærentibus exhibuerint: rursusque venas arteriasque alias per secundas hæc decurrentes ostenderint. Jure hinc quærere leges meritisimum virum? *Quid de venis, inquit, arteriis quæ ipsi dicemus? si venis arteriisque aliis ad sui nutritionem indigeant, quid de secundis hisce iterum pronunciabimus? nam si & hæc nutriantur ab aliis, jam vel in infinitum procedemus, vel assignandus erit numerus, in quo sibi potius debeat, quam in primis venis & arteriis, aut aliud quoddam investigandum est adhuc ignotum naturæ mysterium;* verum, hujus mysterii revelatio, hujus ænigmatis solutio ex sequentibus facillima erit. 2. Vasorum sanguiferorum tunica est musculosa, fibris ex productis cordis fibris ortis & spirali intortu arterias ambientibus constans; quæ fibræ in arteriis copiosissime adsunt, ac dense admodum compactæ, imo magis tendinæ (§. 50.) apparent, cum in venis longe pauciores, laxiusque cohærentes & quasi carneæ deprehendantur: quæ fibræ sibi relictae arteriarum ambitum minimum reddunt. 3. Ex membrana cor intus obtegente continuatur, tenuis & nervosa est, fibras suas in longitudinem porrigens, spirales secundæ tunicæ fibras ad rectos angulos secans. De 4. membrana cellulosa RUYSCHII (d) judicium meum adhuc suspendo, prorsus non dubitans, illam & ad communem hanc quam modo propono, veritatem reducturam. Videtur interim, quod ultimæ extremitates arteriarum, uti in cerebro, sic & in aliis corporis partibus sensui disparescentes hic quoque, fiant tubulis nerveis similes.

C 3

§. 55.

(c) RUYSCH. ep. III. f. 1. 2. 3. Thes. IV. Tab. 3. fig. 1. 2.

(a) WILLIS. pharmac. ration. T. VI. Fig. IV. (b) RUYSCH. ep. III. fig. 3. (c) Spicilleg. anatom. obs. XLVI. p. 62. (d) Thes. anat. VI. p. 10.

§. 55. Nervi cordi destinati jam adhuc considerandi restant: hi à pari octavo inprimis tum & à pari intercostali (§. 38. 40) oriuntur, utrisque enim in unum plexum cardiacum collectis, inter quatuor cordis ora (§. 53.) in specie (a) inter arteriam magnam & pulmonalem copiosos furculos, per auriculas, cor ipsum, pericardium & vasa sanguifera cordi appensa disperguunt, hæc vasa autem in sua per corpus distributione adhuc alios plurimos nerveos furculos (b) obtinent.

§. 56. Jam dicta colligam in summam: membrana extus & intus cor atque systema vasorum obducens (§. 53. 54.) omnium Anatomicorum consensu nervea, hinc extra controversiam posita est: de fibris muscularibus tendineis æque ac nerveis in corde, & vasis sanguiferis eadem ratio est, ac dictum (§. 52.) sunt nempe nihil aliud quam fibrillæ nerveæ, hinc cum omnia vasa sanguifera vel horum tunica, harumque iterum ipsa vasa, ultimo ex fibris muscularibus, hisque nerveis (§. 52.) componantur, annon jam cor cum toto vasorum systemate & omnibus musculis ex fibris nerveis componitur? an negare licet vasa (a) lymphatica, aliaque sanguiferorum vasorum lateralia, iridem ex nervis contexta esse? an jam intelligitur, cujus indolis & structuræ omnes corporis humani membranæ sint? cuncta hæc ceu in compendio videri possunt in oculo, bulbo ejus cum nervo optico juxta longitudinem dissecto, singulisque partibus caute separando examinatis, sed hoc Lectoris scrutinio relinquam.

§. 57. Prævideo interim, nonnullos forsan ossa in dubium vocaturos, ac si hæc non ex fibris nerveis componantur; verum enim vero, qui perpendit embryones in prima sua origine tam molles, tam teneræ structuræ esse, ut sub manibus (a) etiam liqueant, successive vero istud, quod futuri ossis rudimentum constituit in membranulam indurescere, & in foetu trium (b) hebdomadarum, cranium speciem membranæ vento inflatæ exhibere, quæ successive in cartilaginem demum in os solidescat; qui mente volvit, quod dentes solidissima corporum animalium ossa, tubulos suos, ex quorum conjunctione componuntur, in dente elephantino æque ac humano (c) conspiciendos præbeant; is utique jure suo interrogaret, cum totius corporis animalis nutritio & incrementum non partium appositione ab extra, sed earum interius, per vascula advectione succedat, an vascula ejusmodi membranæ in cartilaginem & os abeuntis ab aliis vasculis nutrantur nec ne? si ab aliis atque aliis, hæc tandem erunt simplicissima, eaque nervea esse, tam in proximo hujus membri articulo evincam, quam etiam, quod per illa suc-

cus

(a) VIEUSSEN Tab. XXIII. tora. (b) Id. passim.

(a) NUCK. adnogr. fig. 19. 20. 21.

(a) RUYSCH. Thes. anat. VI. p. 32. (b) KERCKRING. anthropol. cap. VI. p. 6. (c) LEEUWENHOECK. continuatione epist. ad Societ. Reg. Anglic. p. 1. 2. 3. it. anat. rer. part. II. p. 199. seqq.

Distributio Nervorum, uti omnes totius C. H. partes solidas componunt. 23
 cus nutritius advehatur, ubi in evolutione hujus thematis ad articulum de
 nutritione pervenero, docebo. Si contra modo propositam thesin aliquid
 monendum *Cl. GOELICKIO* videbitur non per consequentias argumen-
 tetur: Tu scribis, tu: firmas hoc vel illud, hinc sequitur hoc vel istud, sed per
 rationes & experimenta thesin ipsam destruere annitatur, peto.

§. 58. Ne autem cuiquam novitatis quasi studio molestus fiam, vel
 tedium excitem, duorum in Republica Medica, acumine & experientia
 spectatissimorum virorum testimonia in meas partes vocabo, *WEPFERI*
 nempe & *BOERHAAVII*.

§. 59. Ille *Helvetorum Machaon, WEPFERUS* (a), postquam motum
 Ventriculi peristalticum, altius rimatus erat, tandem scribit: *Non possum non*
hic duo paradoxa inferere; primum est fibras ventriculi & intestinorum, addo etiam
cordis & omnium musculorum, nihil nisi nervos esse, aut proxime ad illorum naturam
accedere, certe si quis persequatur cum solertia quadam nervos musculos subeuntes, ob-
servabit nerveas fibrillas artissime uniri, & in unum corpus coalescere, & licet nervus
musculum transiens non omnis in fibras illius impendatur, id tamen in vicinis musculis
fit, atque eoque progrediuntur, donec tandem in membranas, adequatum tactum or-
ganon absumantur, hacque ratione terminentur. Non hoc propterea cuiuspiam absur-
dum videatur, quod nervi corpora mollia minusque tenacia sint, praeioreaque minuta,
ut hanc ob causam impossibile sit, tot fibras in tota corporis fabrica consistuere. Molles
esse nervos in tra spinalem medullam, ut ceteros quatuor sensibus interviennes praeiorem.
contentos indeque elabentes aliquo usque, ultro fateor, at paulo ulterius progressi, non so-
lum tenaciores, sed & crassiores evadunt, alicubi ganglia pro majore robore, indultae
benefica naturae asciscunt: qui dubitet persequatur solummodo nervos crurales ab exitu
ex osse sacro & lumbarium vertebrarum ostiis ultra coxas, inveniet infra coxam ner-
vum fasciculum majorem, crassiorem multis vicibus, quam circa ortum erat: dum
hac scribo, fasciculum hunc examinavi, & in fibras ventriculi & intestinorum fibris
tenacitate & firmitudine, nihil prorsus cedentes, dirimere potui, atque ut in ventri-
culo, intestinis, corde & musculis aliis transverfis fibrillis connectebantur; qualibet quo-
que fibrarum istarum nervearum, more aliarum fibrarum in minutissima filamenta
discerpi poterat, videbaturque major moles & robur nervis accedere, quo magis à sua
origine discedunt. Aliquando nervum insignem è cranio emergentem sub inferiore parte
orbis oculi versus rostrum progredientem in anseri sene prosequutus sum, qui ortu vi-
cinus mollis erat, & quamvis plurimos ramusculos vicinis partibus & naribus suppe-
ditaret, non tamen moles multum imminuebatur, quo magis ab origine distabas, tena-
cior evasit, & tandem in extremitate rostri superioris plane in lamellam osseam degene-
ravit, non secus ac in gallinaceo genere, tendines musculorum pedes imos flectentium
& extendentium ossei frequenter fieri comperiuntur.

§. 60. Ille Batavorum Aesculapius, BOERHAAVE, distinctius passim id docuit, sic quidem: si contemplamur, ait, (a) ingentem molem cerebri, cerebelli, medulla oblongata, medulla spinalis, comparatione habita molis vere solida reliqui corporis, numerum maximum nervorum inde egressorum, & ubique distributorum, cerebrum & carinam, id est, medullam spinalem, esse basin in embryone, unde reliqua viscera & partes deinceps generantur, teste egregio MALPIGHIO, vix ullam esse partem huius corporis, quae non sentiat, vel se non commoveat; crederemus fere, omnes partes solidas corporis contextas esse fibris nervosis, atque iis constare. Et (b) quum cogitatur, nervos ad omnem musculum ingredi una cum ejus arteriis & venis, eos dein deposito ibi involucreo externo distribuita per omne musculi corpus, ut nullum assignari queat, punctum, in quo non inveniatur pars horum, dein quod omnes nervi hic evanescent, quod alibi in corpore extrema nervorum in explicatas quasi membranas abeant; concluditur, habita ratione naturae minimi nervi, has fibras esse nervi ultimi, involucri orbiati, expansionem tenuissimam, intus cavam, figura ut musculus, plenam spiritum, qui datur à nervo illo, ab origine ex cerebro vel cerebello, vi cordis a fiduo. Demum (c) pergit: microscopia, injectiones, vulnera minima, medicamenta vesicantia, atrophica, exsiccatio, docent solida nostra, comparata cum humoribus valde pauca haberi, quin imo fere demonstrabile est, ex consideratione ortus & generationis vasorum, & ex resolutione maximorum vasorum in minima sua constitutientia, omnem totius nostri corporis solidam massam, meris modo nervis, ut elementis suis absolute constructum esse.

Artic. VIII.

Structura Nervorum Tubulosa.

§. 61. Ad istud jam praesentis doctrinae momentum veni, in quo omnium maxime à Celeb. GOELICKIO dissentio: negatis, quod (a) nullibi demonstretur medullarem cerebri substantiam esse canaliculosam: in cuius rei fidem ad experimenta Bidloiana potissimum provocat, qui licet inter alia tentamina, madore conspersos nervos, nunc parum nunc maxime exsiccatos, subis vitreis subiecisset opticis, nunquam tamen eorum tubulos cavitates vel interstitia delegere potius fuerit: uti vero BIDLLO observationibus microscopis, nunquam famam vel applausum consecutus est; ita possem, si vellem experimenta promiscue & rationis trutina prius non exacte ponderata allegare, alium hisce observationibus celebrem virum in scenam producere, qui elegantissimis microscopis observationibus, quibus se per satis longam vitam suam moram unice devoverat, adeoque altiores in hocce studio progressus, quam alius

(a) Institut. med. cap. de cort. cerebri §. 301. (b) Ibid. cap. de musculorum actione §. 395. (c) Ibid. cap. de nutritione §. 440.

(a) Diss. II. §. 31.



aliis distractus curis & occupationibus facere potuit, quem Regia propterea Magnæ Britanniæ Scientiarum Societas, Socium sibi asciverat, cujus arcanorum naturæ detectiones propriis perlustrare oculis, tot Principes atque Magnates dignati sunt, tot Literati ac celeberrimi viri in fidem ab illo obsecratorum, ipsimet videre, qui alias (b) apud imperitos pro Mago traducebatur, qui, quæ non existunt, tanquam existant, hominibus conspicienda exhibeat, id quod tamen illis, ad captum suum loquentibus ignovit, puto ANTONIUM à LEEUWENHOECK, cujus apparatus microscopicum post ejus haud ita pridem obitum, Regia quam supra laudavi Scientiarum Societas, caro pretio suum esse voluit.

§. 62. Liceat interim, sed in alium finem, ut cognoscamus quomodo in genere cuncta in cerebro, nervis, adeo concinne & eleganter constructa sint, quasdam observationes ex LEEUWENHOECKIO in medium proferre: sic observavit (a) fibrillulas cerebri cum vasis sanguineis cerebri (§. 20. 21.) connexas, & in cerebro (b) aselli majoris non semel, sed vices & quinquies fibrillulas tubulosas se observasse asseverat, hosque tubulos majoris fuisse tenuitatis, quam ut cuiquam, qui ipse præsens non adfuerit, potuerit persuaderi, eademque structura & (c) medullam spinalem præditam fuisse, ac ipsa medulla cerebri, comperit; hæc observavit annum ætatis LXXXV. agens, jam conferantur ea quæ in cerebro ope microscopii animadvertat (d) anno suæ ætatis LIV. & fiat argumentum.

§. 63. Quoad dispositionem fibrarum nervearum, seu tubulorum, quos tamen simplices LEEUWENHOECKIUM non vidisse, liberaliter largior, quædam notatu digna consignavit: ut in nervo, cujus diameter tribus (a) circiter menti virilis pilis respondebat, mille vascula deprehendisse, & cavitates illorum distincte agnovisse, tanquam si pertenui (b) acicula chartulam quibusdam in locis perforemus, & solem per foraminula ista translucemtem conspiciamus, sibi visus est. Et licet (c) hiatus illi tam exigui ipsi apparuerint, animalcula tamen viva aquis innata vidit, quæ per hiatum illum libere moveri natæque potuissent: non solum vero hiatus nervulorum transversim dissectorum, sed & singulos nervos quantum in longitudinem exporriguntur cavatos sive cavitate quadam (d) pervias se animadvertisse sibi persuadebat, cum nervulos compluries tam accurata sectione transversim præsciderit, & perscissos irroraverit, ut non modo ipse, sed & delineator viderint excurrere lineolam oblongam, quam ca-

D

vum

(b) LEEUWENHOECK ep. physiolog. XXXII. p. 312.

(a) ep. XXXIV. p. 329. seq. (b) ep. XLV. p. 432. seq. (c) ibid. p. 434. (d) Anatom. rer. p. 37 seqq.

(a) ep. physiolog. XXXII. p. 311. (b) ep. XXXVI. p. 356. (c) ep. XXXII. p. 311. (d) ibid. p. 312.

vum nervi meatum, sed compressum, quod & vasis sanguineis, dum caro siccescit evenire soleat, crediderint. In exanine (e) nervi junioris cyprini, numerosissima & summæ tenuitatis vascula, singula suis involuta membranulis oculis distincte cognoscere sibi blandiebatur, & in nervo ex agno anniculo & præpingui, singulos nervulos qui singulis operiebantur membranulis, ex minutissimis constare vasculis autumavit, imo ipsis tunicis (f) nervulos, uti quidem apparebat, proxime investientibus, alios adhuc nervulos interjectos esse observavit, quamvis tam tenues, ut singuli pilo menti virilis non essent crassiores. Nervulis istis tam tenuibus alius adhuc tenuior adjacebat; in tam exilibus tamen nervulis minutissima, quibus abundabant vascula, visu dignoscere potuisse existimabat: sed & tunicas has (g) ejusmodi staminibus qualibus nervi, compactas observavit, quid tamen materiæ in iis inclusum fuerit, nunquam certis indiciis judicare potuit, quem tamen humorem fuisse fluidiorem, & in vapores abiisse existimavit: tandem (h) perexilia hæc vascula, ex quibus maximam partem nervus ex ejus opinione contextitur, suis etiam amiciuntur tuniculis, hæc vero non inter se conglutinata sunt vel coalita, verum quod sæpius observavit, cuilibet nervulo suis seorsum assignatus est locus, quilibet membrana sua contegitur. Postremo (i) faterur fibrillulas cerebri tenuibus investiri membranulis, quæ ob insignem exilitatem nunquam sese conspectui nostro sint nudaturæ.

§. 64. Hisce ita inter se collatis observationibus *Leenuvvenhakianis*, luculenter apparet, quod simplicissimorum tubulorum nerveorum cavitates, neutiquam viderit, neque etiam illos videri unquam, quacunque demum arte, posse, ex sequentibus apparebit: sapientissime vero dispositos fibrillarum medullarium tractus ex istis observationibus discernere licet. Quid igitur dicamus de cavitatibus quas *LEEUWENHOEKIUS* vidit? nam quod plane nullas viderit, optumo viro qui dimidium sæculi imo plus temporis ejusmodi observationibus impenderat, hinc satis exercitatus, obijcere non ausim: si fateri licet quod sentiam, interstitia saltim fasciculos tenuiores tubulorum nerveorum intercedentia, & exsiccando inprimis irrorandoque nervos dilatata vidisse, arbitror; quæ ipsa interstitia tamen non cuivis conspiciere licet, nisi summa cum circumspectione procedat; præterquam enim quod ob pulposam & mollem cerebri nervorumque structuram interstitia hæc simulac (a) portionem nervi oculis examinandam admoverat *LEEUWENHOEKIUS*, illico & minuto citius, per exsiccationem conlederint & evanuerint, non leve (b) quoque est negotium in tam exilium intersti-

(e) ep. XXXVI. p. 355. (f) *ibid.* p. 357. (g) ep. XXXII. p. 315. (h) ep. XXXVI. p. 352. (i) ep. XXXIV. p. 331.

(a) ep. physiol. XXXII. p. 310. (b) *ibid.* p. 317.

terstitiorum incisione cultellum & manum ita dirigere, ut ne incisionem tantillum obliques: adhuc cultellus, quo rescatur nervi portio, oportet esse quam acutissimus, & illius acies quam tenuissima, alias hac incidente compressione interstitia collabuntur. Ex hisce autem simul apparet, quod BIDLIOUS variis suis tentaminibus curiositati simul atque anxio desiderio suorum spectatorium, (c) sive fuerint creduli Juvenes, sive promoti Medicinæ Doctores & Practici artis in demonstrationibus anatomicis haud vulgariter exercitati, si assensum praeberint, non satisfecerit, sed glaucoma potius offuderit illorum oculis, brevibus, magno conatu, multoque apparatu nihil præstiterit: A. GOELICKE vero illa allegando non probaverit, quod probare ipsi incumbabat.

§. 65. An vero *Celeb.* GOELICKE nihil in corpore admittit, quod oculis cernere ipsi non licet? quod anatomicè demonstrari non potest? sane! affirmativam ab illo non expectarem. Ut autem omnem dubitandi & excipiendi occasionem præscindam, canaliculosam medullarium cerebri spinalis medullæ & nervorum fibrillarum structuram, rationibus adhuc evincam, Præcedente articulo comprobavi, quod omnia corporis humani vasa majora, continuo in minora atque minora resolvantur, tandemque apparere, quod ultimo ex fibris nervicis componantur: cumque nutritio & incrementum corporis humani appositione partium alibilium ab intra fiat, in minimis & simplicissimis tubulis, in quos succo nutritio, in sanguine elaborato, aditus pateat, id fieri necesse est: his successive igitur adhærescat, & vel, dum amissarum partium locum saltim occupat, nutritionem præstet, vel dum præter amissas, & ut modo dictum restitutas, adhuc alias apponit, incrementum foeneret oportet; hoc enim ut in istis partibus, ex quibus ceu elementis reliqua componuntur, hoc est, in fibris nervicis fiat, sponte patet, his autem ut advehatur succus nutritivus, earum canaliculosa structura requirebatur. Sunt ergo nervi, simplicissimi corporis humani tubuli.

§. 66. Verum, eo ipso dum tubuli sunt simplicissimi, hos per medium quasi scissos, & in membranulas quasi explicatos, nobis concipere licet; ejusmodi membranula, quam mente saltim nobis repræsentare, oculis vero cernere, vel manibus palpare non possumus, in superficie sua lineas concipere permittit: simplicem talem lineam, ex minimis, solidis, magis simplicibus & sibi similibus corpusculis compositam esse, sane viderur: talisque merito dicitur *fibra simplicissima* corporis humani, quarum plurimum adunatione fit *membranula simplicissima*, hac in semetipsam convoluta quasi,

D 2

oritur

(c) GOELICKE Diff. I. §. XXIV.

28 *Señ. I. Membr. I. Artic. VIII. Structura Nervorum Tubulosa.*
 oritur *vasculum simplicissimum*, quod *nervum simplicem* dicimus: horum iterum
 vario contextu producuntur *membranula secundi generis*, quibus itidem in
 se ipsas convolutis, nascitur *vasculum secundi generis*, & sic porro *tertiis*,
quarti &c. generis membranæ & vasa.

§. 67. Hinc sane hariolari licet, quantæ, omnem imaginationem transcen-
 dendis tenuitatis vascula sint in embryo: qualem v. gr. KERCKRIN-
 GIUS (a) trium aut ad summum quatuor dierum observavit, aut Clariss.
 LITTRÉ (b) in ovulo cum ovario adhuc cohærente tres lineas longum
 & unam cum dimidia crassum, interveniente chorda, crassitie tertiam li-
 neæ partem, longitudine lineam cum dimidia æquante, liquori innatan-
 tem & vesiculæ membranæ annexum foetum vidit.

§. 68. Intelligitur inde simul, quomodo pro diversitate adunationis
 firmioris laxioris corpusculorum, simplicissimas fibras (§. 66.) componen-
 tium, harum rigiditas vel laxitas oriatur, & ex consideratione huiusque
 utriusque conditionis, fibræ tam in membranulas contextis, quam his in
 vascula convolutis ratio inveniri potest, in inquirenda causa elasticitatis
 membranarum & vasorum, densitatis partium tendinosarum, cartilagi-
 nearum & ossicarum.

§. 69. An hinc assentiri licet hypothese, quod rudimenta foetus in
 ovulis delirescant? quale quid simile in plantarum seminibus, evidentissime
 cernere licet: an credere licet vermiculos in semine virili observatos, &
 prorsus non negandos, stamina futuri hominis gerere? an demum mavis
 animæ intellectum insitum tribuere, methodo corpus sibi ædificandi &
 conservandi instructum, quamvis nec à priori nec à posteriori solide illum
 probare poteris? perinde mihi est! observabis ubique stupendæ reunitatis
 embryonem, in quo (a) nihilominus, omnis futuri ratio hominis comprehensa
 est, & qui legem barbe & canorum, muscutorum, ossium, arteriarum & vena-
 rum &c. nondum natus habet: totius enim corporis & sequentis ætatis in parvo oc-
 currensoque lineamenta sunt, modificata postmodum pro conditione parentum,
 climatis, vitæ generis aliarumque circumstantiarum, ut alibi (b)
 fusius exposui.

SECTIO

(a) Anthropog. c. 2. fig. 2. (b) Histoire de l'Acad. Royal des Scienc. An. 1761. p. 49. & seq. & dans
 les Memoires de cette année. p. 143.
 (a) SENECA quæst. nat. L. III. c. 29. (b) Diss. de methodo medendi pro climatum diversitate
 varie instituenda.

SECTIO I. MEMBRUM II.
PHYSIOLOGIA HUMORUM.

Art. I.

*Indoles Habitus Materialis Corporis Humani
in genere.*

§. 70. **E**Xposita sic structura cerebri & nervorum, horumque inprimis sub specie subtilissimorum & simplicissimorum tubulorum, per omnes corporis humani partes solidas distributione, ut illas ipsas constituent; ad alterum instituti mei membrum progredior, atque existentiam, originem seu secretionem, & indolem spirituum nervosorum, horumque motus evincam; quod eo solidius me præstiturum confido, si prius in genere indolem habitus corporis humani materialis, postea sanguinis naturam in specie dilucidavero.

§. 71. Ab ovo autem rem exordiar: ex ovo hominem generari quis recentiorum Physicorum, qualemunque etiam amplectatur hypothesein, negat? vesiculæ autem illæ rotundæ in mulierum ovariiis, in quibus homo producitur, & primum suum nutrimentum accipit, fervidæ aquæ immixtæ, consistentiam, colorem & saporem albuminis ovi gallinacei adipiscuntur, adeoque unius ejusdemque materiæ, albumina utriusque ovi sunt: cum vero observationes in ovo gallinaceo non vero in humano institui possint, phænomena in prioris incubatione occurrentia, analogice sed caute, ad ovum humanum applicabo.

§. 72. In ovo gallinaceo inprimis occurrunt consideranda: albumen & vitellum cum materia quadam fluidissima: sumamus albumen, hoc enim nutritur pullus, illudque totum in ejus corpus consumitur: hoc albumen insulsum & inodorum est; fervida aqua vel spiritu vini rectificatissimo affusis, in materiam scissilem coagulatur: blando corporis humani sani calore fctum aliquamdiu, continuo liquidius fit, ita ut ultimo in aquam fere fatiscat, summe volatilem; recens vero gallinæ ovum (a) quod lancis examini commissum duas uncias pondere sustinebat, si in aqua fervente ad duritiem coquere cupimus, gravitas ejus ad drachmam unam & dimidiam decrescere observatur; recentia ova etiam graviora sunt vetustioribus, & non adeo prompte fervida aqua illa coagulantur, ac posteriora, unde apparet, quod fluidissima quædam materia, quæ coagulari non potest, ex illis exspiret.

D 3

§. 73.

(a) Celeber. HOFFMANN obs. physico-chymicarum. L. II. obs. XX. p. 105.

§ 73. In ovo gallinaceo à gallo imprægnato, calore incubationis albumen itidem omni momento fit fluidius, & cum illud ipsum exterrimis & subtilissimis vasculis ad illorum instar, quibus humor oculi vitreus conflatur, constet, pulli corpusculum successive intrat, illudque in omnem dimensionem dilatat, quod non minus calore corporis humani sani obtinetur; sic Livia Augusta, sic famula GERHARDI JOH. VOSSII (a) ova inter ubera assidue circumgestando pullos excluderunt: idem in Ægypto calore certorum in hunc finem adaptatorum furnorum obtinetur.

§ 74. Idem in ovo humano imprægnato succedit; hoc in uterum devolutum calidum, primis à conceptione diebus in humoribus viscidulis albuminosis in uteri cavum destillantibus, ex syphunculis lateralibus in uteri cavum hiantibus retiformis vasorum plexus, interiorum (a) uteri faciem ornantis, fluctuat; tum calore uteri, albumen (§ 71.) ovi humani liquefactum vascula fœtus intrat, post, humores uteri, in imprægnatis copiosiores, calore itidem multum fluidiores redditi, per vascula, quorum ope ovulum antea ovario adhæserat, nunc (b) abruptione sauciata, ovulum etiam successive intrant, in eodem, ex iisdem causis, adhuc fluidiores redditi, embryonem tandem subeunt, tenerrima ejus stamina expandunt, nutriunt, augent, ovulo tandem sauciatis suis vasculis, syphunculis uteri connexo, formata successive uteri placenta, nutrimenti & incrementi sui materiam à matre mutuatur embryo.

§ 75. Proximam sic humani corporis materiam perlustravimus: evolavimus etiam remotæ indolem, hujusque in illam transitum. Homo vescitur vegetabilibus & animalibus: hæcque animalia, quæ hominibus in alimentum cédunt, pleraque unice vegetabilibus nutriuntur, paucissima aliis animalibus iterum vescuntur: vegetabilia igitur in animalibus, ab his comesta, in specie ab homine, in animale mixtionem transcunt: vel animalia ab animalibus comesta, idem in posterioribus patiuntur, quod vegetabilibus in animalibus accidit: in quantum igitur crasis mixtionis vegetabilis in animale mixtionem transcuntis hic mutatur, in tantum vel dupla proportionem animalia in animalibus invertuntur.

§ 76. Tria enim naturæ regna, minerale, vegetabile & animale, ita sibi invicem subordinata sunt, ut ex regno minerali, in quo omnia densius, firmius & pertinacius inter se cohærent, regnum vegetabile quasi propululit, & proxime etiam ab & ex illo sustentetur, dum enim cunctæ partes alio biles in plantis aqua dilutæ sunt, moru liquidorum in plantis, horum vario secessu,

(a) de orig. & progressu idololatr. Lib. III. c. XXII. p. 833.

(a) SANTORINI obs. anat. cap. XI. §. XI. p. 118. (b) VIEUSSEN. diff. anatom. de structura & usu uteri & placenta, mul. §. 18. it. M. N. C. Dec. II. an. IV. obs. 94. p. 187, Dec. I. an. III. obs. 68.

secessu, aliquali stagnatione, hinc partium in semetipsas actione invicem, adjuvante solis calore, nova iterum circulatione, atteruntur, attenuantur, laxiores, rariores & mobiliiores fiunt; imo demonstravi (a) quomodo omnes plantarum qualitates simplici aqua in plantis produci possint: hinc plantæ ab animalibus, inspecie ab homine comestæ, masticatione contritæ, dilutæ & maceratæ affusa saliva & liquore glandularum œsophagi, in ventriculū delatæ, hujus calore, motu, pulsū arteriarum tum ventriculo propriarum tum inprimis subjacentis aortæ, nec non aeris elatere, calore ventriculi excitato, & reciproco diaphragmatis & muscutorum abdominalium in respiratione motu atteruntur, comminuuntur, liquore gastrico illas simul diluente, & nonnihil incidente: hinc motu ventriculi in intestina propulsæ, horum conterente motu peristaltico, nec non affusis bile lymphæ pancreaticæ & glandularum intestinalium, famulante ubique calore corporis sani, sal oleum & aqua illarum, liquorem ex cinereo albicantem, subdulcem, interdum pro assumptorum diversitate, subsalsum, suppeditant, qui liquor, chylus dictus, per vasa in mesenterio lactea partim, partim etiam tubulis lateralibus ex venis mesaraicis in cavum intestinorum hiantibus haustus, sanguini affunditur, mediæ sic mixtionis inter vegetabilem & animale crasin; animalia vero ipsa ab animalibus consumpta, priorum crasin in altiore mixtionis sphaeram exaltant.

Art. 11.

Natura Sanguinis Humani.

§. 77. Jam inspecie accedamus ad originem & naturam sanguinis: chylus nempe motu suo per vasa in mesenterio lactea, in hoc itinere glandulas mesenterii salutans, ex his iterum exiens fluidior, dilutior, in cisternam lumbarem inter tendines diaphragmatis sitam propulsus, ex hac, actione diaphragmatis, tum & pulsū aortæ adjacentis successive sursum in ductum thoracicum premitur, valvulis suis proprium chyli pondus ejusque retropressionem imminuendo, adjutus, tandem ductu thoracico in venam subclaviam sinistram inserto, huic venæ guttatim quasi instillatur à valvula (a) semilunari apposita in hoc motu determinatus, ubi à praterlabente sanguine secum raptus in dextrum cordis ventriculū derivatur, hinc cum sanguine post modum per universum corpus in circulum agit.

§. 78. Nihilominus chylus ita sanguini instillatus, ejusque circulari
motu

(a) Dissertat. citata.

(a) Lorry de Corde Tab. VI. f. 2.

motu circumactus, quatuor (a) vel quinque horis, aut longiore etiam temporis intervallo post largiorem pastum, sanguinè vasis educto, cruori coagulato innatare observatur, imo in saginatis valde corporibus, totam (b) massam sanguineam tinxisse observatur: in jejunis vero non conspicendus.

§. 79. Constat igitur chylum ex aqua oleo & sale, posteriore duo priora sibi miscibilia reddente, componi (§. 76.) examinatus vero visu microscopio acuato (a), deprehenditur in illo, humor crystallinus, fluidissimus, cujus partes dignosci non possunt, nisi solummodo eum esse oblitum particulis, sextæ parti globuli sanguinis nostri æqualibus, multisque aliis ex duobus, tribus, quatuor, quinque & paucis quibusdam ex sex ejusmodi globulis conflatis, quorum multi, superficie tantum videntur sibi invicem contigui, reliqua vero maxima chyli portio incredibili copia globulorum referta est, ac si tota non nisi ex istis globulis constet, quamvis tenui innatent humori, qui globuli multis vicibus minores sunt iis, qui sextam partem globulorum sanguinis nostri constituunt, hique ipsi adeo perexigui globuli videntur, ac si iterum ex minoribus componantur globulis, quos ultimos oculorum acies assequi non valet.

§. 80. Ante vero quam exponam, quid chylo, circulatione cum sanguine porro accadat, partes ipsius sanguinis earumque indolem curatius perquiramus. Sanguis ex secta hominis jejuni (§. 78.) vena profliens, vase vitreo mundo exceptus, ne ullum quidem ullius fermentationis indicium exhibet: recens vero talis sanguis halitum nonnihil acrem, naribus aliquo modo ingratum, illi qui ex animali recenter exenterato assurgere solet, similem vel gradu interiorem spirat, cum calore sanguinis evanescentem.

§. 81. Ipse vero hic sanguis (§. 80.) in loco temperato asservatus sibi que relictus, aliquot horarum spatio, successive sponte in duas partes, superiorem fluidam transparentem, nonnihil flavescientem, *serum* dictum, & inferiorem rubram, opacam, concretam, subsidentem, secedit, quæ *cruor* audit: qui cruor, sero per inclinationem vasis separato ab illo, denuo portionem feri dimittit, quo iterum à cruore separato, idque toties, quoties aliquid feri secessit, cruor tandem totus fere in serum fatiscit.

§. 82. Sanguis in minimis suis partibus microscopii ope perlustratus observatus est à LEEUWENH. ex innumerabilibus globulis, aquæ pellucidæ, tenuiorum longe partium non cernendarum, innatantibus componi, qui globuli, chyli globulis (§. 79.) sunt speciei majores, & ex sex globulis,

(a) Id. ibid. p. 229. (b) M. N. C. An. V. & VI. obs. 114. BORRICH. de Hetmete *Egypt.* p. 162.

(c) LEEUWENH. Arcan. Nat. detect. p. 12.

hmlis, quorum quisque, cuique chyli globulo est æqualis, invicem sibi connexis constantur: & eo ipso dum sex ejusmodi globuli invicem copulantur, rubrum induunt colorem, qui color globulis à se resilientibus iterum perit: flexiles sunt hi globuli, omniumque figurarum capaces, nec minus etiam elastici maxime autem in longitudinem trahuntur, dum transeunt per arteriolarum angustias; ex hisce angustias vero in venas demum propulsi, sicque latiori spatio redditi, sphericam iterum figuram induunt.

§. 83. Sanguis ex secta vena profiliens, vase mundo chemico exceptus & cito calori, hominis sani calorem paululum superanti, commissus exhalat liquorem pellucidum fere insipidum, odoris ingrati, illi (§. 80.) non dissimilem: quiseorsim asservatus, ad calorem fugax est, frigore in glaciem concreescens, igni infusus flammam extinguens; cum oleo non miscibilis, neque cum acido vel alcali effervescescens deprehenditur, ex observatione inprimis *Clariff* BOERHAAVII.

§. 84. Serum (a) sanguinis, calore corporis sani per triduum in phiala alba chemica forum, assidue sit tenuius, ut aquæ instar fluat (§. 72.) & putridum sit spatio paucorum dierum, & tunc adeo est alcalicum redditum, ut cum acidis violentissime effervescat, ejusque oleum tam foetidum factum ut ferri non possit.

§. 85. Idem (a) serum sanguinis, si vase purissimo exceptum, igni exponatur paulo majori ac calor est hominis sani, exhalat primo insipidam aquam, paulo post vero concrescit in materiam scissilem, ut albumen ovi (§. 72.) perfecte, non facile resolubilem, tenacem, subflavam: quod idem ipso oculi ictu citius (b) obtinetur, si serum cum vini alcohol misceatur.

§. 86. Porro (a) serum sanguinis recens, sani hominis leni igne destillatum, ex vase satishumili, copiosam admodum lymphæ limpidissimæ copiam exhibet, ita, ut fere ad quinque sextas partes accedat, id est, si libras sex seri habeas, libras quinque lymphæ accipies: sed cavendum, ne ignis sit nimis magnus. Lympha hæc quovis experimento examinata, nullum omnino signum vel acidi vel alcali exhibet, neque salinæ massæ, neque spiritus ardentis, quod in omnibus experimentis verum est Si vero serum sit adhuc chylosum, vegetabilis indolis (§. 76.) vel ex homine laxioribus fibris prædito, cujus viscera vegetabilia inprimis satis subigere & in animallem crasin exaltare non valent, vel acido laborante desumptum fuit, oriri potest spiritus fermentativus.

E

§. 87.

(a) BOERHAAVE institut. chem. T. 2. p. 237.

(a) Id. ibid. T. 2. p. 238. (b) Id. ibid. 239.

(a) Id. ibid. p. 240.

§. 87. Demum (a) serum sanguinis ad ignem coagulatum, in frustra dissectum, retortæ inditum, ita ut tercia pars ejus vacua maneat, tunc igne aperto per gradus destillatum, dat primo magnam copiam liquoris flavescens, vel olei volatilis pinguis; postea vero sal volatile lateribus colli adhærescens, ultimo aucto, sed magna cum circumspectione, igne, oleum grave & ponderosum transcendit; in fundo manet terra nigra, quæ igne aperto calcinata, nullum salem fixum dat, nisi marinum, si multo sale marino pastus fuerit homo.

§. 88. Et hæc fuit indoles sanguinis singularumque ejus partium: hoc notari adhuc meretur, quod sanguis specie gravior sit aqua, in relatione quippe ad hanc, BOYLEUS deprehendit illum esse, ut 1.04 ad 1. Idemque seri gravitatem invenit esse, ut 1.19 ad 1. quod quidem pro varia hominum conditione & dispositione omnino variat.

§. 89. Quantitatem sanguinis in corpore humano toto in genere quod concernit, creditur fuit illam intra X & XXX. libras contineri, verum felix industria Cl. KEILLII docuit, quod illud pondus longe excedat, & dum quantitatem vasorum sanguiferorum minutissimorum, de quibus superius (Membr. 1. art. ult.) quædam monui, perpendimus, veritatem calculi *Keilliani* facile inveniemus: sic (a) invenit quod in corpore 160. librarum ponderis, sanguinis ad minimum libræ centum subtractis subtrahendis restarent.

Art. III.

Circulatio Sanguinis.

§. 90. Sanguinem ex corde, arteriarum ope, per omnes totius corporis partes distribui, indeque venarum auxilio, ad cor iterum reduci, sicque ad idem unde exierat punctum redire, quod in circulum moveri dicimus, nemo hodie negat. Quamdiu hæc circulatio cum effectibus, in sequentibus in genere explicandis, viget, *corpus vivere* dicitur, si cuncta in corpore ita succedunt, ut corpus aptum fiat prompte exercendi omnes actiones sibi convenientes, & sui durationem conservantes, hæc conditio corporis vivi *sanas* vocatur; hæc labefactata quocunque modo *morbus* audit, plenaria vero & constans sanguinis circulatio cessans, *mors* est.

§. 91. Arteriam magnam ex sinistro cordis ventriculo, & pulmonalem ex dextro, amplis, priorem quidem ampliori posteriore, orificiis propullantes, successive in angustius desinentes, sparsis in hoc itinere, quam plurimis

(a) BOERHAAVE *ibid.* p. 141.

(a) *Tentam. med. phys. l. p. 22.*

rimis eodem modo decurrentibus ramis in innumerabiles (a) ramificationes iterum diremtos; & venam cavam dextræ, pulmonalem vero sinistræ auriculæ implantatas, eadem ac arteriæ figura præditas, sed his robore multum cedentes, itidem eadem fere ratione ac arteriæ per corpus disseminatas, conjunctis fere ubique subtilissimis suis ramificationibus arteriosis & venosis duos tubos recurvos, innumerabilibus tubulis inter se communicantes repræsentare, injectio cum cera docuit.

§. 92. Scio equidem esse nonnullos, qui continuitatem arteriarum in venas impugnant, & potius statuunt sanguinem ex arteriarum extremitatibus emitti, & per partium porositates propulsum reverti in venas idque evidentissime conspici posse in liene & cavernosis urethræ corporibus; verum enim vero, quod lienem attinet, contrarium demonstravit RUY-SCHIUS (a) & quamvis venæ in urethræ cavernosis corporibus sint cellulosa, nihilominus (b) sanguis per exilissimas suas extremitates in venas infunditur, quod in aliis corporis partibus, ubi hæc continuïtas negatur demonstrari nequit; adhæc, arteriarum & venarum continuïtas in aliis corporis humani partibus in specie in renibus, injectione liquorum evidentissime necernitur, & per analogiam in ranis (c) comprobare licet.

§. 93. Quodsi igitur motum sanguinis è corde per arterias & venas ipsimet inspicere volumus, hunc in modum illum observabimus: uno eodemque fere momento quo ambæ auriculæ, contentum suum sanguinem in cordis ventriculos flaccidos evomunt, & ipsæ mox flaccescunt, cor statim contrahitur, fit durum, pallet, contentum sanguinem in arterias, aortam & pulmonalem, in minimo suæ contractionis puncto quiescentes (§. 54.) expellit, cum ob valvas tricuspidales & mitrales per venas egredi non possit; extendit igitur hicce in arterias protrusus sanguis illas, hoc jam quoque repletas; hæ, vi suæ contractilitatis (§. 54.) seise restituant, sanguinem fortiter impellunt, hic, cum ad cor ob valvas semilunares ei regressus non datur, partim in patentia arteriarum cordis coronariarum oscula, hac violentia actus, intret, partim in locum à corde remotiorem protrudatur, necesse est: & cum unda undam tradat, in singulis arteriæ partibus, illas extendendo re- & impulsus patitur.

§. 94. In quantum vero cor, robore arterias antecellit, tamen cum hæ ipsæ, quo remotius à corde recedunt, membranas tenuiores (§. 54.) hinc minore repellendi vim adipiscantur, ipsarum quoque arteriarum figura conica, varique anguli, quos ex orientes rami cum truncis efformant (§. 91.)

E 2

resisten-

(a) DRACKE anthropolog. T. XX.

(a) epist. probl. IV. Tab IV. Thef. an. II. p. 38. (b) id. obs. C. 6g. 75. 81. (c) LEEUWENH. arcus. nat. det. ep. 65. 66. 67. 68.

resistentias cordi augeant, quæ quidem obstupendam ramusculorum arteriorum multitudinem, quorum capacitas simul sumpta, aortæ capacitatem multum superat, cum vel aortæ ratio inventa sit ad (4) ramos è trunco suo immediate propagatos ut 100000. ad 102740. iterum inminuuntur, in tantum motus sanguinis quo longius à corde recesserit, celeritas & actio in vasâ, horumque in sanguinem reactio decrescit, quæ in confiniis cordis erant violentissima.

§ 95. Facilitatur vero hæc sanguinis motus, per ipsius sanguinis globulos (§ 81.) eorundemque globulorum pondus, elasticitatem & flexilitatem; figura enim globosa ad motum sunt aptiores, in politissimam arteriarum tunicam intimam allidentes; pondere suo impulsu acceptum constantius continent; vi suæ elasticitatis ad latera vasorum impingentes promptius resiliunt, & ob eorum flexilitatem subtilissimos arteriolarum tubulos singuli successive permeare valent, & cordi sic gravius negotium non faciunt.

§ 96. In venas tandem sanguis propulsus, eodem jam refertæ, perrennante ictus cordis virtute, quamvis debiliori (§. 94.) cum venæ ex angustiori sensim in latius tendant spatium, necessario sanguis in illis ex inferioribus corporis partibus, attollitur, quem motum valvulæ venarum (§. 77.) secundant. ex superioribus vero corporis partibus descendit.

§. 97. Dum igitur arteriæ cum venis in extremitatibus connexæ, rufos recurvos repræsentant, non potest non fieri, quin, quamprimum auriculis & cordi ea (§. 93.) accidunt, sanguis in venis, tanquam altero tubi crure quasi assurgat, eo ipso momento, flaccidis nempe auriculis, & corde contracto, ambo sinus venosi impleantur, & à sanguine in arterias cordis coronarias contractione cordis itidem contortas vi intrusæ (§. cit.) suoque ingressu illas in lineâ rectâ extendere tentante, cor iterum elongetur; ipso quidem hoc momento, antequam flaccescat, sinus venosi sanguinem in auriculas cordis ejaculant, quæ mox illum in cor iterum expriment: sicque hic sanguinis motus modo descriptus denuo inchoatur, pulsusque pulsus sequitur.

Art. IV.

Effectus Circulationis Sanguinis in Sanguinem.

§. 98. Non potest igitur non, hoc circulari sanguinis motu (§. 90. - 97.) fieri, quin ipse sanguis continuo cordis & arteriarum motu, egregie
pre-

(*) KEILL, Tentam. med. phys. IV. p. 87.

prematur, conquassetur, serum & cruor (§. 81.) intime misceantur, & tam ad latera vasorum, quam ipsarum sanguinis partium invicem attritione, continuo comminuantur.

§. 99. Inprimis autem hoc fit in pulmonibus, ope respirationis: arteria quippe pulmonalis (§. 91.) per pulmones innumerabilibus (a) ramis distributa, ad modum arteriæ asperæ, cujus ramos bronchia dictos, concomitatur, extremis suis ramis reticulari opere (b) extremitates bronchiorum in sacculos flexiles membranaceos abeuntes, & ab aere inspirato in vesiculas expandendos cingit, eorumque interstitia occupat: unde ab aere inspirato, calore corporis rarefacto, expansæ bronchiorum vesiculæ vasa sanguifera intercepta alternatim respirando valide premunt, unde sanguis, tum à vi proximi cordis in arteriam pulmonalem propulsus, tum actione ipsius arteriæ (§. 93. 94.) tum inprimis pressione dictarum vesicularum omnium optime conquassatur, permiscetur, atteritur, fluidus redditur, & floridus in sinistram cordis ventriculū redit. Cui negotio etiam actio musculorum voluntaria inservit, musculi enim agentes pallent (§. 93.) sanguinem ingressurum retropellunt alternatim, hinc iste perennante cordis actione valide atteritur.

§. 100. Dum igitur chylus, sanguini guttatim instillatus (§. 77.) in dextrum cordis antrum delatus, ex hoc cum sanguine in pulmones (§. 99.) propellitur, eadem ibidem patitur ac sanguis, per venam igitur pulmonalem in sinistram cordis ventriculū reductus, ex hoc in aortam projicitur, ac per totum corpus distribuitur (§. 90. 91.) & similia ac sanguis ibidem etiam experitur; sicque sapius in orbem hunc: ctus, tandem indolem suam forsitan vegetabilem (§. 76.) plane exuit, successive in sanguine evanescit (§. 78.) in serum pellucidum, tenue viscidulum, albumini ovi (§. 86. 87.) simillimum mutatur.

§. 101. Chylus ex globulis constat, quorum sex unum sanguinis Globulum componunt, (79. 82.) dum igitur chylus circulatione cum sanguine, in conicis arteriarum tubis, in pulmonibus & musculis (§. 99.) adeo valide premitur & conquassatur, partim in tenuem laticem, cujus partes amplius dignosci nequeunt (§. 82.) fatiscit, partim in globulos sanguineos compingitur, à qua pressione & globulorum compactura, sanguinis color (§. 82.) & specifica ejus gravitas pro individuorum ratione varians (§. 89.) resultat, & egregius etiam horum globulorum usus elucescit, dum soliditate hac sua per minima & tenerrima sanguifera vasa penetrando, sero aditum ad ea simul parant, dumque flexiles sunt, vasorum extremitates succosas non lædunt.

§. 102. Chylus multas secum vehit oleosas partes (§. 76.) ipse sanguis scater partibus inflammabilibus (§. 87.) imo cruor exsiccat, igni injectus, luculenter ardet, nil magis enim ad concipiendum & fovendum calorem ignemve aptum est quam pingue & oleosum: sola vero attritione calorem vel ignem excitari posse, quotidiana imo simplicissima experientia constat: rustici ignem desiderantes, funem super lignum vel arboris ramum valide & diu reciprocant, ita in flammam exardet; quod vero & liquida attritione calorem concipere queant, experimento cum spiritu nitri fortissimo & oleo caryophyllorum commixtis notum est, cum non & sanguis, continua & sane valida satis attritione (§. 99.) calorem conciperet, cum quotidie videamus accelerata sanguinis circulatione quacunque ex causa & calorem corporis augeri.

§. 103. Hisce sanguinis calor (§. 102.) aqua sanguinis (§. 83. 86.) modificatus & temperatus, in corpore humano vivo sano moderatus, chylum, jam intenuè pellucidum viscidulum serum muratum (§. 100.) tandem haud secus ac gallina incubatione albumen ovi (§. 73.) in adeo subtilem inspidum fere & inodorum fluidissimum, viscidulum licet, liquorem permutat.

§. 104. Verum enim vero, eadem attritio sanguinis (§. 99.) idem ejusdem calor (§. 102.) varias alias sanguinis partes, cum chylo apportatas (§. 76.) eadem ratione resolvit, attenuat, idque nunc magis nunc minus, pro illorum scilicet receptivitate, ut Philosophi loquuntur id quod tot diversis corporis humani liquores testantur, partim enim oleosa partes sui magis juris fiunt, portio partim sanguinis terrea, motu, attritione & calore attenuata, tandem alcalica, ad salinam accedens crasin, redditur: imo ipsa acida, iisdem hisce medijs, in alcalia mutantur.

§. 105. Quaecumque (§. 104.) in eminenti gradu fiunt, calore corporis p. n. aucto, in primis vero serum spissescit, (§. 85.) imo in massam quasi membranaceam successive concrevit, diffatis partibus aquosis, uti v. g. in pleuriticorum sanguine apparet: num vero calor corporis humani vivi adeo intendi possit, ut illum (§. 87.) adipiscatur gradum, mihi persuadere non possum: hyperbolen hinc sapere videtur illa JACOBÆI (*) observatio, qua paupercula quædam foemina Parisiensis spiritu vini per solidum triennium ita se ingurgitasse perhibetur, ut alio alimentigenere corpus nutrire recusaverit; unde tandem tantum ardorem corpus conceperit, visceraque ita incensa, ut dum aliquando circa vespertinas horas in sella straminea sese reposuisset dormitura, ex ardore corporis flammam conceperit,

(*) BARTHOLIN, A& Med. & Philos. Hafnical, Vol. 1, Obs. CXVIII, p. 111, seq. Conf. Obs. CXVI, p. 110,

tit, quæ una cum semina niane reperta fuerit in cineres redacta, itaque misera mulier combusta fuerit, ut tota in fumum & cineres abierit, excepto cratio & digitorum extremis, adeo ignis, instar fulminis subtilis & penetrans tota ossa, quæ ignis culinaris non fecisset, in pulverem converterit.

*Art. V.**Secretio Humororum in genere.*

§. 106. Cum itaque in sanguine & graves & leves (§. 81.) majores minoresve, rotundæ & aliis figuræ (§. 79.) partes præsententur, non potest non fieri, quin omnes uno eodemque impulsu moræ, non eundem velocitatis, constantiæ & directionis gradum consequantur vel observent; hinc quædam citius, quædam tardius movebuntur, in extremis igitur arteriis ramulis, ubi vis cordis est minima, motus sanguinis tardissimus, homogeneæ sanguinis partes, tam ratione molis, figuræ & crasseos magis coibunt, & peculiarem, diversum nunc à sanguine humorem constituent.

§. 107. Non opus igitur est fermentatione in hoc secretionis negotio, non indigemus tot pororum figuris, singulis discernendis humoribus adaptatis, modo enim, cum secretiones omnes fiant in exilissimis ramulis, ostiola diametro & capacitate differant, sufficit; hinc cum chylus partim in serum partim in cruorem mutetur (§. 101.) Serum nostram imprimis attentionem merebitur: observante enim eximio, & nunquam sine encomio citando medico. BOERHAAVIO (a) pars pellucida animalis vivi microscopio aucta claro docet spectaculo, sanguinem solo cordis pulsu in extremas trudi arterias, ibi elastica arteriæ contractione retropelli aliquantulum, quo momento ictus cordis cessans, ejusque valvulæ concidentes, regressui spatium laxant. Reciproco hoc impulsu & percussu varias mole partes sanguinis applicari ubique ad diversâ capacitatis hiatus oscula, intra hæc recipi, tam clare, quam coelum contueri potest. Tum solo hoc artificio secedere sanguinem in diversâ colore & tenuitate fluida, mox in venis iterum permiscenda, eadem claritate cernitur. Inprimis (b) ultimi arteriæ, hique minutim divisi fines, in membrana ut firma basi (§. 16.) ordinantur, ibique per fistulas in mutuos occursum emissas hiant inter se: ubi (c) depictum hoc recte constituunt, tubose mittunt cylindricos, adeo arctos, qui rubras cruoris sphaeras ore suo capere nequeant, unde his

reci-

(a) Orat. de usu ratiocinii mechanici in medicina p. 34. (b) ibid. p. 11. (c) ibid. p. 14.

recipitur tenuior tantum & excolor pars sanguinis. En veram vasis lymphatici ideam. Eadem rursus ibidem loci arteria secto porrigit decursu truncum: qui emissis lymphaticis amplior, crassior rubrumque sanguinem sero liquidiori orbatum vehat. Ecce venarum (§. 92.) genuinam originem.

§. 108. Lympham igitur dicimus illud humorum corporis humani genus, quod excolliquo, motu, attritione & calore sanguinis, sero, in peculiare tubulos pellucidos & subtiles copiosis (a) valvulis instructos, ex (b) omnibus corporis partibus, colligitur. Ductibus nempe istis, in plenisque visceribus jam detectis, in paucis adhuc desideratis, quos tamen adesse ratio (§. 107.) dicitur. Hi tubuli lymphatici, latice suo turgidi, maximo numero, undique e corporis partibus emergentes, sarcinam suam partim in receptaculum chyli, ductumque thoracicum, partim vero in venas jugulares, subclavas & cavam, demum in cor refundunt; ubique in hoc itinere, vasa lymphatica glandulas salutare solent successive nunc (c) plures nunc pauciores, quæ musculosa elastica sua structura, conquassando lympham, illam fluidiorem & dilutiorem reddunt: unde illa in cor delata, exindeque iterum in orbem tam per pulmones, quam per totum corpus circumacta, ac eo ipso in glandulis denuo discerpta, reperitis hisce itibus reditibusque, in vere crystallinam demum lympham fluidissimam, commutatur; sollicite semper suo cum sanguine circulo, separata ab illo & deoecatur ac ad futura subeunda munia aptior reddita.

§. 109. Qui ceterum perpendit, quomodo corpora diversi ponderis ex eadem altitudine projecta celeritate se vel anticipent vel sequantur, eademque in altum eodem impulsu jacta diversum altitudinis gradum adipiscantur, hæcque applicat ad motum sanguinis per arterias, harumque varios angulos, quos cum suis ramificationibus efformant, horumque ramorum varias flexiones considerat, is facile assequetur, ex nota aortæ structura & ramificationibus, sursum deorsum, quod multiplices præparentur & discernantur ubique humores.

Artic. VI.

Secretio Spirituum Nervosorum in specie.

§. 110. Hisce igitur fundamentis jactis, tempus & ordo requirunt, ut ad id porro evincendum & stabiliendum properem, cujus gratia præfens scriptum inchoavi, nempe vindicationem existentiae spirituum nervosorum, quam jam methodo simplicissima, planissima, verissime attamen sistam.

§. 111.

(a) RUYSCH. dilucid. valv. in vas. lymph. (b) NUCK. adæograph. (c) Id. ibid. p. 71.

§. 111. Sanguis igitur in dextrum cordis ventriculū delatus (§. 91.) chylo (§. 77.) & lymphā crystallinā fluidissima (§. 108.) dilutus, per pulmones pulvis, denuo cum affusis chylo & lymphā intime commixtus, conquassatus, floridus & fluidus in sinistrum cordis ventriculū reductus (§. 99.), partibus minima vi mobilibus, aliisque specie tardioribus (§. 106.) instructus, contractione cordis (§. 93.) in arterias, præcipue jam in aortam (§. 14.) propulsus, ab hac repercussus, in eadem procedens ad curvaturam ejus ibique exorientes duas subclavias, tam per aortam descender, quam laterales subclavias arterias ingreditur.

§. 112. Existius vero flexionis aortæ (§. 111.) & sanguinis è corde propulsi in istam curvaturam inpingentis & resilientis (§. 95.) æstimatione apparet, quod graviores sanguinis partes arterias subclavias magis præterlabantur, & specie levior tam has quam etiam carotidem sinistram inter utramque subclaviā propullulantem ingreditur.

§. 113. Cum igitur arteriæ subclaviæ præter dextram carotidem, & duas arterias vertebrales largiantur (§. 14. 15.), quatuor vero hæ arteriæ perpendiculari fere itinere caput petant, optime iterum intelligere licet, quod sanguis interiora subclaviarum latera alluens, multo tenuiorem, defæcatoriorem & fluidiorem sui portionem trium harum arteriarum (§. 113.) osculis superne intrudat.

§. 114. Sanguis laudatæ modo indolis, ab hisce arteriis exceptus, tum pulsu à tergo venientis sanguinis, tum actione ipsarum arteriarum (§. 93.) evehctus, proprio suo pondere renitente, latera harum arteriarum premer, dilatabit, illis negotium facesset, propulsus tamen, leviores ejus partes promptius ascendent, gravioribus vero deorsum semper tendentibus.

§. 115. Hinc ubi ad locum divisionis carotidum in internas & externas perveniet (§. 14.) sanguis caput petens, gravantem hanc suam sarcinam in carotides externas demitter, & puriore sui parte alacriter sursum ascendet; nec minus arteriæ vertebrales, partibus sanguinis, ad hoc iter tardioribus per lateralia vasa (§. 26.) se liberabunt.

§. 116. Et hac ratione defæcator hic sanguis cum ad basin cranii appuierit, retroflexa suarum arteriarum curvatura (§. 14. 15.) in vehementiori suo motu retardatus, in semetipsum retusus, adhuc semel intime miscbitur, exura arteris tunica musculosa, composita, & placate, mentis palatium intrare tunc aptus.

§. 117. Postquam igitur sanguis laboriose adco præparatus, cranium ingressus est, & carotides circa sellam equinam reflexæ, duræ matri, nec non pituitariæ glandulæ, huic quidem partes forsā nondum satis defæcatas

committendo, prospexere, quatuor hæ arteriæ pia matre firmatæ, in mutuos, innumerabilibus ramulis suis, amplexus elegantissime ruunt. (§. 16.)

§. 118. Sanguis igitur hic omnis in piam matrem advectus, est levissimus, purissimus, fluidissimusque totius corporis; lymphæ crystallina summæ fluiditatis, repetitis suis itibus reditibusque per corpus huiusque calore (§. 108.) instar albuminis ovi incubatione attenuari incipientis (a) ditissimus.

§. 119. Hinc talis sanguis, in elegantissimis arteriarum in pia matre firmatarum inosculacionibus non numerandis (§. 16.) placido motu, omni violentia carente sibi occurrens, mirissime conteritur, lævigatur, fluidior redditur, in minoribus circellis sibi denuo occurrens, eadem reperuntur, sicque successive in minoribus atque minoribus anastomosibus, hac contritione ac blandissimo calore, non secus ac continuata incubatione ovi albumen, ita hic lymphæ descripta, continuo fluidior fit.

§. 120. Succofas tunc & musci speciem referentes harum arteriolarum extremitates (§. 18.) ita elaboratus sanguis intrans, & in corticem cerebri, exprotractis istis succofis extremitatibus conflatum continuatus, parciissima rubedine est tinctus, sed maxime lymphaticus, unde cineritius corticis color (§. 12. 18.) emergit; tardissime ibi motus sibi que jam magis similis sanguis, defœcatissimam, subtilissimamque lympham, (§. 73. 74.) ad medullam cerebri *Spirinum* nomine dimittit.

§. 121. Cum igitur à quovis corticis sphæræ puncto, aliquid medullofi exsurgat (§. 21.), evidenter fibrillas formans (§. 20.), quas tubulos esse nulla visus acie detegendos, ratio monstravit (Membr. I. act. VIII.); an negare licet, hosce minutissimos tubulos patentes lympham illam subtilissimam à tergo versus istos tubulos pressam non subituram? sane qui hoc tentaret, similis esset illi qui negaret, quod à quovis puncto ad quodvis punctum non possit duci linea recta.

§. 122. Quapropter cum & in spinali medulla, ubi & cortex & fibræ medullares ex illa prodeuntes (§. 27.), paucis, totus apparatus pro secernenda hac subtilissima lymphæ similiter ut in cerebro præsto sint, liquido appareret, & hanc secretionem æque in spinali medulla ac in cerebro succedere.

§. 123. Dum interim limpidissima & subtilissima hæc lymphæ, in fibras medullares cerebri & spinalis medullæ colligitur, rete vasorum sanguiferorum, arteriosorum potissimum, per cerebri ventriculos, plexus choroidei nomine (§. 22.) diffusum, sanguine fluidissimo refertum, aliam specie viscidulam exhalat lympham, medullam irrigantem & lubricantem, (a) fuga-

cem

(a) MALPIGH. ep. ad Fracasat. p. 13.

(a) ZAMBECCHARI apud BELLIN. de motu cord. prop. VIII. p. 41.

cem adignem (§. 72. 83.) aut tenuem (b) interdum pelliculam relinquentem, & partim, uti videtur, a (c) venulis plexus choroidci, partim vasculis lymphaticis, quorum plura adesse ratio dicitur (§. 19. 108) absorptam, partim denique infundiculi ope, reliquæ humorum massæ, redditam.

§. 124. Demandato sic munere suo sanctus sanguis, per venulas, in sinus, saccos venolos, venas jugulares, subclavias, cavam, denique dextrum cor reducitur (§. 19)

Art. VII.

Indoles Spirituum Nervosorum.

§. 125. Existunt igitur spiritus nervosi; contemplemur adhuc eorum indolem accuratius. Chylus namque ex alimentis sapidis parum sapidus (§. 76.), sanguinis motu atterente & ejusdem calore humido liquefaciente (§. 99. 103.) partim in serum (§. 81.) maxima parte ex multa blandissima viscidula aqua constans, (§. 86.) mutatur, partim sanguinis pressione in arteriis conicis, globuli chyli in sanguineos compinguntur globulos. Serum iisdem ac modo dictum causis, ulterius attenuatum, seorsim lymphæ nomine collectum, & denuo sanguini affusum, attritum, liquefactum, & inde iterum separatum ac reassusum, idque repetitis vicibus (§. 107. 108.) fit lymphæ crystallina, sibi relicta omnis fere saporis & odoris, instar ovi albuminis expers. Interea purior olei portio in pinguedinem colligitur, crassiores vero oleosæ & salinæ partes, partim in bilem abeunt, partim nimis exaltatæ, & se invicem intimius resolventes, ceu corpori noxiæ, urinæ & sudoris specie, ex corporis sphaera eliminantur.

§. 126. Lympha interim hac, tanquam defœcatissima chyli & sanguinis portio, ad caput successively evecta, successively tenuior, fluidior, subtilior, reddita; perennantibus iisdem causis, quæ in præsentem nobilem conditionem illam exaltaverunt (§. 125.), tandem tantæ subtilitatis redditur (§. 119. 120.), ut instar ovi albuminis continua incubatione penitus resoluti, embryonis tenerrima vascula ingredientis, hic omnem visus aciem fugientes medullares cerebri & spinalis medullæ tubulos subire possit.

§. 127. Sunt igitur hi spiritus (§. 120.) nihil aliud quam limpidissima feri portio circulatione & calore sanguinis ita attenuata, ut tubulos medullares subtilissimos subire queat: imo essentiam horum spirituum penitus intuendo, ex hætenus clarissime dilucidatis experimentis & observationibus plane non vereor asseverare, quod hi spiritus nihil aliud sint, quam

F 2

quam aqua subtilissima cum pinguedine mitissima blandissimaque intime commixta, & in minimis, omnem imaginationem excedentibus suis particulis discrepta, hinc summe mobilis, perfecte volatilis (uti vel concludere licet ex lymphâ cerebri (§ 123), ex plexus choroidei arteriolis, incredibiliter simplicissimo tubulo medullari (§ 66.) amplioribus, secreta, ad ignem fugace) in minimis partibus solidissima, omnis elasticitatis experta. Quo jure igitur CI GOELICKE (4) Celeber. BOERHAAVIUM iterum laceffet, judicet Lector, cum hanc, quam modo cum BOERHAAVIO spirituum indolem vindicavi, defendere, *absu- dam speculationem, & lepida fabella causam perorare*, vocitet; idque, indicta causa quidem, cum neque ad antecedentia neque ad consequentia in BOERHAAVII institutionibus attendit.

§ 128. Quicumque igitur ad hactenus dicta attendet, fallacias istorum experimentorum, quorum ope nonnulli tubulos hosce nervorum simplicissimos cum spiritibus nervosis oculis subijcere manibusque palpandos offerre student, detegere poterit. Apparet simul, quod cerebri lymphâ (§. 123.) nec non in ipsis nervis deprehensa, & vasculis ibidem lymphaticis coercita lymphâ (§. 30.), spiritibus hâc vehiculum neutiquam præbeant.

Art. VIII.

Motus Spirituum Nervosorum.

§. 129. Dum igitur capacitatem quatuor harum ad cerebrum tendentium arteriarum (§ 14. 15.), earumque distributionem per piam matrem (§. 16.), singularumque harum minorum & minimarum ramificationum iterum capacitatem simul sumptam, perpendimus; videmus sane, insignem copiam sanguinis, vasa piæ matris capere posse (§. 18.), quam si unam tertiam totius massæ sanguineæ cum MALPIGHIO æstimare velis à vero non aberrabis, modo cogites, laudatum hunc Italum, quantitatem sanguinis vulgari modo (§. 89.) supputasse.

§. 130. Quoniam vero porro, ex quovis fere puncto piæ matris, tam in cerebri superficie, quam in gyris & lamellis ejusdem, extremitates horum vasorum succosæ deorsum ablegantur (§. 18.), sicque insignis molis corticem cerebri, totam vasculosam componunt, ita ut videatur, cerebri corticem plus humorum ac ipsa pia mater, capere posse, eo considerato digniori copia humorum in cerebro redditur.

§. 131. Hinc cum sanguis defœcatissimus in cerebri corticem propulsus,

fus, subtilissimam, purissimam, levissimamque lympham suam in tubulos medullares demittat, ex sanguinis quantitate in cortice cerebri nec non in pia matre, posteriore hoc, priorem semper urgente, dum ille ipse quovis cordis ictu, quatuor capacibus arteriis intrulum sanguinem recentem semper accipit, quantitas horum spirituum sane intelligitur major, quam multi, credidere.

§. 132. Si autem attendimus, quanto cum negotio sanguis cerebro destinatus, sursum ascendat, ejusque celeritas, vasorum curvatura ante ingressum in cranium infringatur, in cranio ipso exuta arteriis tunica musculosa, motus istius sanguinis placator reddatur, & celeritate cum auctis ramificationibus in pia matre continuo decreseat (*Membr. II. Art. VI.*) tuto judicabimus, spirituum horum secretionem esse aequalissimam: ipsorum vero spirituum motum in medullaribus tubulis, & ex his incopiosissimos nervos (*Membr. I. Art. VI*) ubique per corpus varie inflexos, & in tot diversis corporis partibus solidis (*Membr. I. Art. VII.*) nunc molliores, nunc duriores, esse admodum tranquillum.

§. 133. Imo hic spirituum motus ex solis hisce causis (§. 132.) plane languisceret, non solum igitur tam pressione sanguinis à tergo, ut modo dixi, quam & motu cerebri, quod evidenter, modeste attamen attolli & iterum subsidere, à sanguinis corde pulsus ingressu, cernere licet, maxime autem reciproca duræ matris suavi constrictione, ubi laxius cohæret (§. 11.) à sanguine copioso illam perluente & cum spiritibus, illius fibras nerveas subeuntibus luctante, (quod inferius explicabo) illi impelliuntur.

§. 134. A sanguine autem tam in dura matre (§. 19. 124.) quam in cortice & plexu choroideo, cerebro moderatus conciliatur calor, & plexus quidem choroideus (§. 22. 123.) per cerebri cavitates diffusus, blando humido suo calore, tubulos cerebri fovet, pro spirituum expeditiori motu; quod idem etiam ipsis nervis, à vasibus sanguiferis, illos intransitibus, officium exhibetur.

§. 135. Hac ratione igitur spiritus per corpus universum distributi, & demandatis suis muneribus, mox explicandis, functi, partim in tenuissima lymphatica vascula, tam in ipsis nervis (§. 30.) quam alibi ubique per totum corpus occurrentia, infunduntur, unde in vasa lymphatica specie majora, mox in corrivantes rivulos lymphaticos communes, tandem in sanguinem & cor deferuntur: non minus credibile, quod humoribus in glandulis ac passim etiam ipsi sanguini iterum admisceantur.

§. 136. Sanguis igitur à spirituum in cerebro secretionem redux (§. 124.) cum eo ipso jam aptus fuerit, qui cerebri sacra peteret; affusus chylo & lymphâ, undique etiam ex cerebro (§. 123.), corrivante, & interea apta

reddita

reddita (§. 108.), quo spiritus ex illa secerni possint; imo ipsis spiritibus, emenso suo itinere, communi humorum massæ redditus (§. 135.), dilutus, per pulmones actus & discerptus, in sinistram cordis ventriculum delatus, hinc expulsus in aortam, subdaviæ &c. dirissimus redditur materia pro spiritibus secernendis, imo ipsis hisjam instructus est. Et ita succedit contrinua spirituum secretio, imo admodum credibile, quod iidem hi spiritus, circulum hunc (§. 135.) sæpius absolvant.

§. 137. Nuncque demum clare atque distincte intelligerelicet, quod revera spiritus nervosi existant, quænam eorum sit origo, & essentia, & quomodo moveantur, si hætenus dicta in summam contrahantur. Qui & quales vero eorum sint effectus ex sectione secunda apparebit. Neminem interea male habebit spero, vocabulum *Spiritus*, cum hoc prædicatum in physicis, chemicis & medicis scriptis de rebus corporeis civitate jam donatum sit, nemine, nisi id huic nostræ quæstionis lymphæ conferrevelis, contradicente: *Nervos* vero illos nominavi, quoniam per nervos fluendo præcipua sua munia exequantur.

§. 138. Minime autem Cl. GOELICKE habebit, quod in me opprobret, memetipsum in fine demum primæ hujus sectionis indicare, quid spiritus nervosi sint; cum tamen in illius *spiritu animali è foro medico relegato* ipse desideraverim, quod Lectorem suspensio animo reliquerit, quid per hosce spiritus intellectum velit, & hic nesciat an Cl. Auctor cum larvis & umbra pugnet nec ne. Qui enim utriusque institutum examinabit, facile inveniet, quod Cl. GOELICKE Lectori utique indicare prius debuerit, contra quem acies sit directa, & quid vel quis ille sit, nempe innocens spiritus animalis: contra cum ego ex anatome cerebri & nervorum æque ac ex humorum physiologia & legibus motuum in corpore humano occurrentium, Lectori ansam saltim dare voluerim, ut ipse judicet, quid spiritus hi sint, omnino hoc in conclusione demum syllogismi vel demonstrationis fieri necessitas

efflagitabat.

SECTIO II.

DE

EFFECTIBUS SPIRITUUM NERVOSORUM IN CORPORE HUMANO VIVO ET SANO.

M E M B R U M I.

EFFECTUS SPIRITUUM NERVOSORUM IN GRATIAM CORPORIS.

Artic. I.

Usus Spir. Nerv. pro Tensione partium naturali.

§. 139. **E**ffectus spirituum nervosorum in gratiam & commodum corporis, Usus sunt quos corpori spiritus hi præstant.

§. 140. Omnes corporis humani vivi partes solidæ, exceptis ossibus & cartilaginibus, dissecis in semet ipsas resilire observantur: maxime & evidentissime muscoli & arteriæ. Vulnus partibus musculosis, casim inflatum, primo non nisi lineam rubram describit, mox hiat & sanguinem fundit. Osse femoris luxato vel fracto ejus collo, in extensione pro restitutione in homine robusto, vix aliquot centenaria sufficiunt. Arteria læsa, ejusque hæmorrhagia vix compescenda, plane dissecta, hæmorrhagiam sistit; extremitatibus arteriæ sese corrugantibus & inter musculos abscondentibus. Nervus punctus & intollerabiles dolores excitans, abscissus non dolet. Hinc partes hæ sunt contractiles & tensæ in corpore vivo in diversis ejus partibus magis vel minus, quæ qualitates in cadavere maximam partem evanescunt. Sunt igitur in corpore potissimum vivo, in statu ubique sibi violento, se ubique accurtare & elongationi resistere conantes: adsit igitur aliquid quod illas in corpore vivo tendat, oportet.

§. 141. Ligata (a) arteria magna descendente in animali vivo, omnis partium posticarum motus cessat, experimento à STENONE primum tentato, non quidem in momento, nam animal per aliquod adhuc temporis spatium, dimidium circiter quadrantis horæ, cruribus æque posterioribus ac anterioribus inniti & decurrere potest, sed sensim sensimque robur fati-

(a) BOHN. Circ. anat. physiol. progymn. XXIX. p. 460. seq.

fatiscit, partes contremiscunt, titubant, ac plage corruunt, animalque pedibus tantum anterioribus suffulcitur: laxato iterum vinculo, successive vires pristinae etiam posterioribus redeunt; tales scilicet, quae gressui formando sufficiunt, quod pariter tamen non in momento, sed post eandem fere moram demum contingit. Vires vero harum partium sub ligatura cum sanguine è musculis elabente successive evanescent: ex BARTHOLINII (b) quippe observatione, ligatis vasibus cruralibus canis vivi, illaeso nervo, iisdemque vulneratis, & per inflatum vulnus, injecta tepida aqua cum sanguine cloto, & vis movendi elutritur.

§. 142. Idem musculis accidit ligato nervo: medulla spinali luxatione vertebrarum compressa omnes partes inferiores paralyticae redduntur, cum nervi, spiritibus ingressu in illos, medullae spinalis compressione, prohibito, nullos ad partes vehant spiritus. Sic (a) nervis octavi paris, in cervicæ arctè ligatis, aut penitus abscissis, cor, quod moderate antea & æqualiter motus suos obibat, statim ab injecta ligatura palpitare & contremiscere incipit, atque ita diem unum & alterum, miserum animal, corde tremulo & pectore admodum suspiriato languidam vitam protrahit, & brevi tandem expirat. Quod autem hoc non citius fiat, ratio est, quod & nervi intercostales cordi furculis prospiciant (§. 38. 40)

§. 143. Ab utriusque igitur fluidi influxu hæc tensio partium dependet, neque aliter hoc fieri potuit; nam sanguis, cordis contractione magna vi arteriis conicis intrusus, harum latera, vehementer impingendo in illa, deducit (§. 93.) hinc cum arteriæ in musculis quam plurimis ramificationibus per totum musculorum corpus distribuuntur (§. 51.) sanguis in hisce arteriis motus, musculum semper abbreviare allaborat. Similiter, cum fibræ musculares nihil aliud quam tubuli subtilissimi nervi sint (§. 52.) spiritus nervosi continuo è cerebro in illas dimanantes, illas æque distendent, easque in longitudine imminuere annitentur.

§. 144. Quod vero muscoli contractio non succedat, præsentibus modo dictis causis contractionem urgentibus (§. 143.), musculus antagonista æque ac prior à sanguine & spiritibus distentus efficit; utrique igitur agentes, membrum immobile servant. Si alter alterius tensionem, etiam flexione artuum per violentiam externam superat, ille contrahitur. Absente vero musculo antagonista contractio alterius semper sequitur, exemplo sphincterum.

§. 145. Hæc modo laudata experimenta ad suas rationes revocata, in arteriis limitationem patiuntur: his enim contractio ob fibras musculosas spirales est naturalis (§. 54.) distensio violenta.

§. 146.

(b) de nervor. usu apud Bohm. l. c. p. 461.

(a) LOWER de Corde cap. 2. p. 91.

§. 146. Sumas jam partem totius corporis humani solidam, exceptis excipiendis (§. 140.) quancunque velis, ex iisdem ac modo dictum causis (§. 143) illam in corpore vivo tensam, tensione pro varia ipsius partis structura (§. 66. 68.) modificata, observabis: cumque nullam fere in corpore membranulam invenire poteris, quæ non valis sanguiferis irrigetur exemplo periostii ossiculorum auditus, ipsa hæc vasa membranulæ tensionem promovebunt, membranula vi suæ structuræ jam tensa in corpore vivo: quælibet enim membranula etiam simplicissima, ex simplicissimis tubulis nerveis contexta est; & pro diversitate suæ elasticitatis vel laxitatis (§. 68.) à fluido nerveo intus moto majorem minoremve tensionem adipiscitur.

§. 147. Et hæc tensio partium naturalis, est ille ab Illustri STAHLIO ita dictus *motus tonicus*, magnam in praxi medica attentione dignus, uti modo laudatus circumspexitissimus & sollicitæ attentionis Practicus, passim inculcat.

Artic. II.

Ufus Spir. Nerv. pro motibus corporis automaticis.

§. 148. Ad nosmet ipsos attendendo triplicis generis motus in nobis ipsis observamus: primo quosdam qui nobis insciis imo invitis fiunt, quos *automaticos* vocamus, ut motus cordis, arteriarum, ventriculi, intestinorum &c. Secundo tales, qui à nutu mentis potissimum dependent & *voluntarios* dicimus, ut omnes motus artuum & corporis locomotivi: tertio quos ex automaticis & voluntariis *mixtos* vocamus, uti inprimis est respiratio.

§. 149. Vidimus, quomodo in statu sano, quiescente corpore in omnes corporis partes solidas sanguis & spiritus æqualiter influant (*artic. præced.*), observavimus, quomodo tensio inde orta absente antagonista, inter sanguinem & spiritus in corde ob peculiarem hujus structuram reciprocet, ut modo cor ab intruso sanguine elongetur, modo à spiritibus contrahatur (*Señ. I. Membr. II. Art. 3.*), cum vero in cadavere semper cor elongatum reperiatur, apparet, in ultimo articulo vitæ, sanguinem vim influxus spirituum in cor semper superare. Verum hoc non potest non fieri, agonizante quippe homine circulus sanguinis fit debilior, paucissimi spiritus secernuntur & influunt in partes, adhæc, arteriæ etiam in cadavere sunt contractæ, & statum immisum fortiter repellunt, hinc & in homine morti proximo contentum sanguinem expellunt in venas, unde

ibidem sursum motus, (§. 91. 96.) cor intrat, & cum spiritus deficient, qui illud iterum contrahant, sanguinis circulatio perit, & homo moritur.

§. 150. Homini hic nullum in hunc circulatorium motum sanguinis jus competit; neque illum intendere neque remittere directe valet: primo impulsu saltem in conceptione embryoni dato (§. 69.) corpus saliens fluida, quibus imperat, sese contrahendo in orbem movebit, exceptis pulmonibus; iterum à sanguine elongatum, ab influxu spirituum contrahetur, quod in adulto distinctius concipere licet: cor contractum, impulsu ingredientis sanguinis ram per arterias coronarias, tum ex auriculis, quam & pondere ipsius sanguinis, iterum elongatur, vasa per fibras cordis copiosissime distributa (§. 53.) sanguine contento, quam & sanguis in ventriculis cordis, fibras musculares cordis nerveæ indolis (§. 52.) premunt, hinc influxum spirituum momento repellunt: spiritus igitur in confiniis cordis nonnihil accumulatur, eorum nifus vero ad influxum (§. 143. 133.) sanguinis pressionem iterum superat, hinc cor contrahunt, licque semel excitato hoc amico dissidio inter alternum spirituum & sanguinis influxum in cor, non potest non quamdiu machina apta & illæsa manet, hic alternus motus continuare: quod idem etiam verum est in motu arteriarum, hæ enim præter earum contractilitatem naturalem, à sanguine intruso distentæ, à spirituum influxu semper simul impulsam accipiunt.

§. 151. Necnon eadem ad Ventriculum & intestina applicari possunt fundamenta de tensione naturali partium (*artic. præc.*); brevitatis gratia horum structuram non enodabo, quicumque vero horum corporis organorum motum peristalticum ipsemet intuetur, videbit quomodo lento gressu, alimentis distentis hinc canalis alimentarius sese constringat, & intercepta alimenta protrudat.

§. 152. Porro eadem fundamenta, phænomena duræ matris egregie illustrent: hujus membræ musculosa indoles (§. 11.) & copiosissima vasa sanguifera monstrant evidenter, quomodo illa, ubi laxius cum cerebro cohæret, aliqualem constrictionem ab influxu spirituum & sanguinis alternatim patiatur (§. 150. 143.), triplici fibrarum suarum muscularium serie determinatam.

§. 153. Accipiunt hæc organa, quorum motus mentis jussibus exempli sunt, & quidem cor, necnon canalis alimentarius, nervos à paris vagi & intercostalis plexibus; vasa sanguifera ubique per corpus itidem, varios accipiunt nervos (§. 155), dura mater vero à quinto & septimo pari nervos obtinet: experimentis vero constat, quod dum in animalivivo (4) capite per superiora aperto cerebellum in frustula secatur, & è calvaria eximitur illico

illico moriatur animal, etiamsi cerebrum medullæque oblongatæ caudex nequaquam lædantur. Alterius vero animalis capite per superiora similiter aperto, medullæ oblongatæ caudex paulo supra cerebrum, à cerebello sejunctum è calvaria quando eximitur, non obstante magna subsequente hæmorrhagia, per sex horas circiter v. g. canis adhuc respirat, & corcum thorace sensibilibiter moventur, modo cerebellum non lædatur. Unde apparet, cerebellum potissimum præesse motibus corporis automaticis, hinc spirituum effluxu ex illo, quacunq; demum cerebelli læsione præpedito, & hi motus percunt. Sed regeret forsân quis, prostant observaciones de infantibus sine cerebro natis & tamen vivis; concedo, quanquam non omnes de hac re observaciones parem mereantur fidem, sed memor sis velim istius, quod RIDLEY (b) annotavit de infante vivo nato, non majori cerebri portione prædito, quam nucis avellanæ putamen capere poterat, medulla spinali existente justo ampliori, quasi pars cerebri absentis eo fuerit detrusa: simile quid & Cl. GOELICKE ex BIDLOO narrat. (c) Quantum ejusmodi argumentatio de infantibus sine cerebro natis, & tamen viventibus ad negationem existentiae & necessitatis spirituum nervosorum in corpore vivo valeat, ex sequenti ratiocinio apparebit. JAC. ROLANDUS de BELEBAD (d) historiam refert de puero octo vel novem annorum, cui ex variolosa exulceratione lingua perierat, nihilominus iste loqui, gustare, exspuere, assumpta in ore colligere, nec non deglutire potuit. TULPIUS (e) spectatæ in Republica Medica fidei vir, ipsemet vidit juvenem, cui Turcarum crudelitas linguam præsciderat, ut per tres amplius annos loquela careret, qui vero inopinato quodam fulgure perterritus subito vocalis non solum redditus est, sed laudatus vir vidit auditque illum pronunciantem quascunque literas consonantes, quarum tamen enunciationem, apex linguæ multum adjuvat. Imo miraculum fere sapere videtur historia quam GREGOR. HORSTIUS (f) non infimi subsellii Medicus, ex JAC. HORSTII prælectionibus contignavit, de puero, cui variolæ linguam totam depaverant, quæ ipsi tamen, ceu canceris chelæ, iterum succrevit, ut antea mutus, postmodum perfecte iterum fari potuerit. Cum igitur exempla prostant de hominibus sine lingua loqui valentibus, sequitur quod lingua absolute quidem ad loquelam non sit necessaria.

§. 154. Introducta hinc in scholis medicis distinctio inter actiones vi-

G 2

tales

(b) Anat. Cerebri c. XVII. p. 151. (c) Diss. II. §. XXXV. p. 75. seq. (d) Aglossostomographia è gallica in latinam linguam versa additis annotationibus à CAR. RAYGERO, & M. N. C. An. III. p. 559. seqq. inserta. (e) Obs. Med. L. I. Obs. XLI. p. 20. (f) Operum Tom. III. p. 115.

tales seu ad vitam absolute necessarias, nobis motus avtomatici dictæ, & inter actiones naturales, nutritionem corporis perficientes, & inter actiones animales, seu illas quibus facultate loco motiva prædita animalia corpora sua de loco in locum movere possunt ad distinctionem plantarum, & quæ operationibus animæ famulantur, nobis motus voluntarii dictæ: triplicem quoque classẽ spirituum introduxit, nempe *spiritus vitales*, quæ motibus avtomaticis præsunt, *spiritus naturales* nutritioni inservientes, & *spiritus animales*, qui menti obediunt: quanquam nulla inter hosce ipsos spiritus differentia intercedat, cum sanguini iterum afflusi & in cerebro denuo secreti (§. 135. 136.) jam nervis cerebelli committantur & spiritus vitales fiant, qui antea animales fuerunt, & versa vice,

Artic. III.

Usus Spir. Nerv. pro motibus Corporis voluntariis & ex avtomatico & voluntario mixtis.

§. 155. Ostendi supra (§. 50.) quomodo ex fibris muscularibus componatur musculus: proprie quidem omnis simplex musculus ex (a) uno ventre carneo unoque tendine constat; in corpore vero toto, omnes musculi, cujus fibræ atque motus recti sunt, biventre quoque (b) deprehenduntur, & fibræ eorum carneæ, prout à diversa origine ita in diversos (c) & oppositos fines feruntur. Dum igitur musculus cum suo antagonista, æqualiter sanguine & spiritibus tenditur, membrum immobile servant (§. 144.), & utrique hi musculi in æquilibrio sunt constituti: hinc cum ad corporum æquilibratorum motum, vel vis cujusdam etiam minimæ additio vel subtractio sufficiat, musculus vero in actione palleat (§. 93.), patet, quod paulo major impulsus influentium spirituum in musculos, non solum motum sanguinis in eosdem (§. 150) sed & suos antagonistas superare valeat, unde membri motus sequitur. Quod si vero pondus membro movendo appensum, est elevandum, utique major spirituum copia, majorque impulsus, non vero integri eorum manipuli vel cohortes (d) requiruntur. Sed hic fateor omnino, non capio quid Cl. GOELICKE (e) intelligat, quando scribit, *si in singulis securis elevationibus ac depressionibus aliqui spirituum manipuli in brachiorum musculos per nervos fluant, jure utique metuentium, ne tandem eorum pennæ exhaustæ, brachia concidant.* Hic Francofurti ad Moenum operariis & in lignis findendis toto die occupatis, tandem brachia

(a) LOWER de Corde Tab. 3. fig. 3. (b) Id. ibid. fig. 2. (c) Id. ibid. c. 1. p. 19. (d) GOELICKE Diff. I. §. V. p. 8. (e) Ibid. p. 9.

chia concidunt & laboribus fessa redduntur, si hoc Francofurti cis Viadrum ejusmodi fortis homines non experiuntur, terque quaterque beati illi omnino prædicandi: sed fabri ferrarii forsan sunt excipiendi, quos Cl. GOELCKE (f) labore fessos reddi concedit.

§. 156. Spirituum in cerebro genitorum, in partes vel musculos influxus, quacunq; cerebri læsione id fiat præpeditus, omnium actionum voluntariarum exercitium sustinuat (§. 153.); adcoque motus voluntarii, spirituum ex cerebro potissimum influxu, impulsus mutuantur: qui impulsus voluntati animæ respondet, structura corporis determinatus, nam non possumus v.gr. ad quamcunque altitudinem quam volumus salire,

§. 157. Ratione motuum in corpore & automaticorum & voluntariorum ad liquidum sic perducta, facile intelligitur, quomodo motus quos *mixtos* dixi, succedant: exemplis res erit clarior; dedi respirationem: absolvitur respiratio, in inspirando elevatione thoracis, & contractione diaphragmatis, mutata hujus figura convexa, in planam: in expirando, thorace iterum confidente & diaphragmate laxato sursum iterum protruso. Totum hocce negotium nobis etiam insciis in somno succedit, continuat sub abolitione sentium exteriorum & interiorum in apoplecticis, & hoc modo actio est automatica. Verum & respirationem cohibere possumus pro lubitu: sic servus ille barbarus apud GALENUM (a) cum vehementi ira concitatus mortem sibi consciscere decrevisset, prostratus humi, respirationeque cohibita, longo quidem tempore immobilis erat, postea vero paulum volutatus, hoc pacto mortuus est. VESALIUS (b) musculos respirationi inservientes numerat octuaginta novem, & Cl. PAULI (c) illum numerum ad centum extendit. Brevitatis vero gratia supersedeo omnes hic enumerare; hoc unicum saltem addam, quod musculi respirationi automaticæ inservientes, nervos accipiant ex spinali medulla, qui fibrarum medullarum cerebelli soboles sint, sequitur (§. 153.), musculi vero respirationem pro mentis lubitu modificantes, quos *Clariss.* BOERHAAVE (d) optime descripsit, nervos ex spinali medulla itidem accipiant qui medullæ cerebri progenies sint, ex iisdem apparet causis (§. cit. & 30).

§. 158. Eviçto sic & vindicato usu spirituum nervosorum pro motibus corporis humani, apparet, num ulla veri specie assertio illa nitatur, quod nervi trahantur in motu musculorum; nam si ejusmodi tractione nervorum per impossibile, omnibus corporis partibus solidis conciliaretur tonus, perpende, quanta sit vis quæ femur luxatum trahat (§. 140.), perpende quantam

(f) Diff. II. §. XXX. p. 67. seq.

(a) de motu muscul. L. II. cap. VI. Operum Classe I. p. 633. (b) de fabr. corp. hum. L. II. cap. XXXV. p. 344. (c) præfat. ad HORNII opusc. anat. chirurg. (d) instit. med. cap. de respirat. §. 621.

vim femur exercere possit in statu sano, rimare indolem & structuram nervorum, an sine metu rupturæ, vel immedicabilis distentionis nulla arte restituendæ, cuncta fieri possent. Liga vero transversim arctissime ab equo tractum & corpori cuidam alligatum funem, num vel momento intercipies motum? cur igitur (a) *anima ligato nervo operari non potest*? cur igitur in experimento *Belliniano* utique verissimo & certissimo, eadem subest ratio ac quando (b) *cruribus complicitis & tendinibus compressis pedes stupent, sensum vero atque motum recuperant, compressione luxata quæ ratio stuporis ipsa tamen falsa est.* Cuncta sane infirmissimo nituntur talo.

Artic. IV,

*Usus Spir. Nerv. pro nutrimento & incremento
partium solidarum.*

§. 159. Ex chylo, motu, calore & sanguinis ipse sanguis generatur (§. 100. 101.) & ex hoc diversi secernuntur in corpore humores (§. 106. ad 110.), partim utiles, partim inutiles, qui posteriores è corpore iterum excernuntur: horum vero quam sancta sit copia, cognoscitur saltem ex transpiratione juxta calculum SANCTORII & KEILLI in Medicina Statica.

§. 160. Si autem perpendimus quomodo corpus per omnes fere partes solidas irrigetur sanguine arteriis advecto (§. 51. 53.) venis reducto, hæc vero vasa majora ex minoribus atque minoribus vasculis componantur, (§. 54.) ultimo ex subtilissimis tubulis (§. 57. 66.), quod idem & in ossibus verum deprehendatur (§. 57.), inveniemus in tanta mole corporis hominis adulti, si vasa omnia, ab omni contento humore repurgata & exsucca haberi possent, partium solidarum vel firmarum corporis humani minorem longe esse molem quam cuius persuaderi possit. Doctissimus KELL (a), ut quantum ossibus succi insit dignosceret, extremum ossis femoris bovini, excocta prius in olla medulla, in machina Papiniana coquendum curavit, ponderisque plus quam dimidium in gelatinam conversum fuisse, os instar casei emollitum, nullam tamen ejus fibram, qua maxime spongiosum os erat, dissolutam aut liquatam observavit. Quodque notatu dignum est, pars ossis durissima ex parallelis laminis, quartam aut quintam chartæ scriptoriæ partem crassitie haud excedentibus, composita videbatur esse. Idem (b) portionem aortæ vitulinæ, quæ recens excisa, erat ponderis granorum 240, in aperto aere exsiccata, humoris grana 80. amisisse deprehendit: sed quis

(a) GORLICHE Diff. I. §. IX. p. 13. (b) Id. ibid. §. XI. p. 14. 15.

(a) Tentam. med. phys. I. p. 31. (b) Ibid. p. 33.

quis negaret, multum humoris ibidem inspissatum fuisse diffatis humidioribus partibus, sicque pondus solidi auxisse.

§. 161. Fluida igitur maximam partem molis nostri corporis constituunt; concipe tibi omnia corporis vasa, ut supra monui, exsicca & eorum latera contigua, quam parva erit moles? jam eadem, considera fluidis turgida, quantum eorum pondus? singuli enim fibrillarum muscularium tenuissimi fasciculi (§. 50.) membranula adiposa vel cellulosa amicti sunt, quæ membranulæ, cum crassitie simplex (a) filum quale à bombyce producitur, vix excedant, eorum cellulæ tamen, apum favis (b) simillimæ, oleo (§. 51. 125.) repletæ sunt: hinc in obesis à copiosiori oleo hisce cellulis intrusis, hæc expanduntur, sunt enim dilatabiles, quo fit (c) ut partes carneæ, quæ nonnisi ad latitudinem capilli ante distabant, jam magis ab invicem recedant: sic in femure vervecis Brabantini, membranulam hanc cellulosam tendinis partibus interjacentem adipe sic oblitam comperit LEEUWEN-HOECK, (d) ut partes ipsius tendinis, tanto spatio ab invicem distarent, quantum tres pili menti virilis occupare possent. Hinc tabe consumti non tam in partibus solidis quam potius fluidis jacturam faciunt, sic in cadavere cujusdam febre lenta mortui nec carnem nec pinguedinem adfuisse, sed adeo exsiccum, ut muscularum loco fibræ rubentes remanserint, & ossa cutes sicca & arida vestita comparuerint, BARTHOLINUS (e) consignavit.

§. 162. Nemo igitur sibi persuadebit, in hisce canalibus, & hisce fluidis, visu dignoscendis, nutritionem succedere: sed hoc negotium in istis tubulis, ex quibus ultimo omnes corporis canales, omnes membranæ & harum in diversis corporis locis cellulæ (§. 161.) componuntur, perfici: & hi tubuli, sunt simplicissimi nervorum canaliculi (§. 65.) Cur ex observatione MALPIGHII (a) vulneribus cerebri tentati marasmo interire frequenter observantur?

§. 163. Machina igitur tenerriimi embryonis in conceptione ad motum impulsæ, fluida in canaliculis suis incomprehensibilis tenuitatis, qui tamen lineamenta habent hominis adulti (§. 69.) impellit, in orbem movet, qui tubuli continuo influente novo liquido (§. 74.) successive extenduntur, fluida (a) vero per canalem mota, cum renifu quodam contra illorum motum, latera canalis sui juxta axin longitudinis producere conantur, quidni igitur hæc fluida vascula embryonis producerent eaque elongarent? sed eo ipso vascula hæc attenuant maxime in extremitatibus (§. 18.), ita quidem, ut hæc successive avulsæ cum humoribus in circulum iterum abeant, sed eadem
pressionem

(a) LEEUWENH. ep. physiol. XXXVII. p. 361. (b) Id. ibid. p. 362. (c) ep. phys. XXXIII. p. 321.

(d) Hist. anat. Cent. II. hist. XIX. p. 203.

(e) ep. ad Fracasat. p. 14.

(a) Excell. BOERHAAVE instit. med. cap. de nutrit. §. 418. seqq.

pressionē simplicissimarum fibrillarum (§. 66.) particulæ aliquomodo à se invicem recedere coguntur, quæ interstitia, lymphæ defœccatissima, vel albumen ovi incubatione successive resolutum (§. 73. 74.) occupat, & à præterlabentis fluidi pressione in indolem canalis figuratur: diffusa humidior portione, quod remanet siccus est, verbo terreum pingue (§. 127.) quid, nam quis negaret, quod ex terra omnipotens manus nos formaverit? continuo igitur affluit novus succus, vasa sunt tenerima & succorum pressioni cedunt, sic nutrimentum, sic incrementum foetus ad momentum usque suæ exclusionis ex utero vel ovo obtinet. Omnium primo in evolutione staminum foetus, observare egregio MALPIGHIO (b) medulla spinalis foetus potissimum in conspectum venit, cum quinque limpidis bullis cerebri rudimenta habentibus, quibus oculorum globuli appensi sunt; ex medio carinæ cerebri & spinalem medullam constituentis, propullulant tubuli veluti tot radices, qui in truncum desinunt, hic ad centrum cicatricis deductus curvatur, & in globulos laxatur, circa quos carnei lacerti circumducuntur & cordis rudimentum jam visibile redditur, alterna sua systole & diastole imprimis discernendum & punctum saliens ARISTOTELI dictum. Ex subministrata vero pederentim materia à limbo derivatis humoribus ab exarato canali appendices fiunt, ex quibus viscera & muscoli consurgunt, & ossium nec non integumentorum rudimenta successive conspiciuntur, & evoluta stamina mucosa opus tandem perficiunt.

§. 164. Verum enim vero eadem succorum pressio in vasis majoribus, vasa minima membranarum suarum (§. 54.) successive arctat, corpuscula simplicissimarum fibrillarum (§. 66.) arctius invicem compingit, unde robur increfcit corporis, & foetus fit robustior: hic tandem natus, chylum matris suæ in lac mutatum, sugit, & robore proprii corporis in lympham nutritiam mutat, incrementibus tandem viribus infans duriori successive assuescit victui, corpus ejus in omnem dimensionem succis distenditur (§. 161.), cumque ad illud incrementi sui punctum pervenit, ubi elongatio vasorum non amplius succedit, ossibus antea mollibus jam induratis, succorum pressio extrema vasorum quidem continuo adhuc destruit, & restituit (§. 163.), homo vero crescere desinit. In tota vero hac scena arctata minima vasorum majorum vasa tandem plane comprimuntur, fiunt solida, unde robur vasorum majorum crescit, eorumq; contractilitas augetur, actio in fluida fit fortior, horum vero pressio in solida eo ipso augetur. Unde jam in decrepita senectute contingit, ut vasorum membrana non solum tendinæ, sed cartilaginæ, imo plane ossæ reddantur? cur vero hac conditione vasorum actio in fluida pereat? & cur fluida vasa ad provocandum eorum impulsu

(b) de formatione pulli in ovo; it. de ovo incubato conf. Op. posth. p. 81. 82.

sum distendere amplius non valent (§. 93.)? elegantes sane sunt observationes *Clarissimi* SCHEUCHZERI (a) quas in sectione senis LXXXVII. annorum consignavit. Apparet hinc, quod in animalibus, quo juniora sunt, eo plura habeant vasa minima; & quod fluida solida superent, hinc influxus spirituum in membranas vasorum, motui sanguinis hæc membranas distendenti, contra nitendo, contractilitatem vasorum adjuvet.

§. 165. Et hæc fuit ratio nutritionis & incrementi corporis humani: cogita quæso, quam tarde incrementum partium solidarum succedat, usque dum spiritus nervosi seu lymphæ defœcatissima (§. 127.) successive applicentur fibris & quiescendo solidescant: quam cito vero homines inedia vel morbo emaciati iterum pinguescant, nec non cur isti homines, qui fortiora naturæ indultu viscera, nutritioni inservientia, reliquas vero partes laxiores obtinuerunt, citius pinguescant. Hic imprimis VIEUSSENS (a) observatio attentionem meretur, quod nervorum octavi paris truncus modo sex vel octo, modo pluribus aut paucioribus fibrillis constet; forsitan hæc fuit ratio, cur puer ille apud TULPIUM (b) quinquennis, cujus lumbi nonnisi sex qui ulnæ longitudine cingebantur, cujusque nates tam uberi carnis mole luxuriaverant, ut quadruplices viderentur, quique centum & quinquaginta libras pependerat, in tam monstruosam molem distentus fuerit. Quid lucis jam affert, vel quomodo ad suas rationes revocanda observatio HELMONTII (c), si rana sub plenilunio atrocissimo hyemis borea, effodiatur, abluatur & baculo alligetur in agro, sequenti mane reperiatur alba quædam ac transparentis mucilago, liquatum tragacanthum referens & figuram ranæ? cur cœmiteria incrementum non sumant, à cadaveribus ibi sepultis, cum verbi gratia hic Francofurti ad Mœnum numerus sepulcorum annuatim numerum millenarium attingat vel superet?

SECTIO II. MEMBRUM II.

EFFECTUS SPIRITUUM NERVOSORUM IN GRATIAM ANIMÆ.

Artic. I.

Usus Spirit. Nervos. pro Sensibus Externis.

§. 166. **S**entire nos, dicimus, cum mutationum in nostro corpore à corporibus extra nos positis excitatarum nobis conscii sumus: facultatem

H sen-

(a) Breslauischer Sammlungen von Natur und Medic. Geschichte Tom. XXIII. An. 1713. mens. Febr. class. IV. art. 7. p. 189. seqq.

(a) Neurogr. L. III. cap. IV. p. 180. (b) Obs. Med. Lib. III. cap. LV. p. 283. conf. KERCKRINGII Spicil. anat. obs. LXVI. p. 134. (c) de formarum ortu §. 57. Oper. p. 137.

sentiendi *sensum*; & organa corporis nostri in quibus hæ mutationes sunt, *organa sensuum* vocamus. Evincam vero inferius, & conscium esse, corpori nostro non competere, adeoque cum hic de sensibus ago, examinabo saltem, quid organis sensuum nostri corporis accadat ab aliis corporibus, quando sentimus.

§. 167. Quinque numeramus sensus: tactum, gustum, olfactum, visum auditum, & totidem organa sensuum; in quibus nervi imprimis subjectum sunt, in quod objecta agant, objectorum vero actio in nervos à structura reliqua organi determinatur, suntque papillulæ nervæ tam in tota corporis superficie reconditæ, quam ipsi nervi per totum corpus distributi in genere pro tactu, in specie in lingua pro gustu, in naribus nervi pro olfactu, in oculis pro visu, in auribus pro auditu.

§. 68 Nervos dixi primaria esse sensuum instrumenta; nam ligato vel resecto nervo omnis sensus perit (§. 140. 142.) ; dum igitur nervi spiritibus suis modice sunt turgidi (§. 140. 143.), ab objectis si impulsûm accipiunt, tam ipsæ simplicissimus nervus tubulus, quam spiritus in illo ad partes dimanantes & nervos tendentes à loco insertionis usque ad & in cerebrum & in illum medullæ locum, ubi nervus primum ab illa deflectebat, tremet, idque pro diversitate objecti huiusque impulsus nervo dati, quam varietate ipsius organi, activitatem objecti determinantis (§. 167.), necnon nervi, cui applicatur iste motus, istiusque nervi exortus in cerebro loci, diversissime. Non autem fusius hic enarrabo singulorum sensuum organorum structuram, sed in id potissimum intentus ero, ut pro ingenii modulo, ex speciali dispositione nervorum in sensuum organis ostendam, quomodo à reliqua horum organorum structura, objectorum activitas in nervos ibidem ita determinetur, ut hanc & non aliam sensationem in mente excitet. Cur vero membranæ ad unam omnes, nervæ indolis (§. 66), quo magis sunt elasticæ & tensæ (§. 68.), eo impulsæ acutorem sensum præstant? cur imprimis duræ matris motus tantæ est efficacia?

§. 169. Incipiam à tactu: sensum quendam per universum fere corpus diffusum esse, quo, tangere nos alia corpora, nobis conscii sumus, cuius visum est: tota quidem cutis, ut alia corporis membranæ & partes ex nervis conflata est; sapientissimus vero rerum Auctor quosdam horum cutaneorum nervorum in diversis superficiei corporis partibus, præcipue lingua, apicibus digitorum, volis manuum & pedum plantis ita adaptavit, ut horum imprimis ope qualitates rerum tactiles exploremus. Ablatâ quippe cuticula, apparet valde tenuis membranula innumerabilibus (a) foraminulis pertusâ, per quæ, inprimis ordine parallelo, papillæ

ner-

(a) RUYSCH ep. probl. I, T. I, fig. 4. 6.

nervæ, deposito nervorum involuero communi (§. 19.), medullares pulposæ, pyramidales, cum ductibus cutis excretoriis (b), assurgunt; liquore transpirationis insensibilis, ut & sudoris perpetuo irroratæ, contractiles iterum & ad intentionem & attentionem mentis emissiles, remota cuticula exquisitissimi sensus, hac igitur defensæ; & hæ papillæ verum tactus organon constituunt.

§. 170. Hujus sensus beneficio voluit summum Numen, ut qualitates corporum, in genere exploremus, postmodum vero ope reliquorum sensuum accuratius dijudicemus: corpora enim calida, frigida, humida, sicca, mollia, dura, elastica, aspera, lævia, gravia, figurata, mota, quiescentia, proratione harum conditionum, nerveis papillis, applicatione inprimis digitorum, certum & determinatum motum imprimunt, quod & eadem corpora ad linguam, ad tunicam pituitariam &c. applicata facerent. Hic motus ad cerebrum continuatus excitat in mente ideam caloris, frigoris &c.

§. 171. Pupillæ hinc nervæ (a) in lingua, à nono pari nervorum linguæ dato (§. 41.) ortæ, ejusdem uti quidem videtur, structuræ ac papillæ cutanæ; præter illas corporum qualitates (§. 170) in specie à particulis salinis impelluntur, ita ut pro salium diversa figura, ab aliis corporibus illis admixtis plerumque modificata, ideas saporum diversorum in anima excitent. Et ut eleganter BORRICHIUS (b) disserit, salia jam in cuspidem acuuntur, jam retusis angulis in cubos, nonnunquam finduntur velut in ramulos; est cum in trapezia abeant, ut proinde modo linguæ uno sensu molesta sint, modo alio, nunc jucunda & suavia videantur, iterum amara, rursus austera, acerbæ, asperæ, acidæ, neque in ullo propemodum sapore constantia.

§. 172. Qualem mutationem olfactus nervis inducat, ex sequentibus apparebit: nervi olfactorii (§. 32.) ubi foramina ossis cribrosi pervasere, per totam membranam pituitariam, narium cavitatem & ossa spongiosa obducentem, disseminantur, & mucosa lymphæ in ista tunica secreta perpetuo irrorantur: nullum olfacimus corpus, nisi partes ejus sint volatiles, ut in aere natæ queant: neque sola applicatione partium odoriferarum ad nervos olfactorios, hic sensus excitatur, sed aliquis fortior horum effluviis impulsus requiritur, ad quem finem inspiratio irruentis aeris a dilatatione thoracis (§. 157.) in pulmones, facit; nam dissecta arteria aspera, hacque per vulnus extrorsum propendente, animal corpora penetrantissimi odoris admota non olfacit: nihil vero est odorum, nisi ha-

H 2

beat

(b) Id. ibid. fig. 5. 7.

(a) RUYSCH Theat. 1. Tab. 4. fig. 6. (b) Dissert. Acad. Tom. I. Diss. IV. p. 177.

beat partes oleosas pingues sulphureas, hæ vero nondum odorem spargunt, nisi sale solvantur, acuentur, volatilioraque reddantur: sic sulphur commune per se inodorum, affuso lixivio alcalico terribilimum spargit odorem: camphora vero per se fraugrans, ab oleo vitrioli odorem amittit, hoc enim effluvia ejus ligat. Sal igitur sulphureo corpori admixtum ita agat ac supra dictum, oportet, alias nunquam odorem excitabit. Olfactus igitur pro objecto habet subtiliora corpora ac gustus & tactus: effluvia vero odorifera nervos itidem non aliter afficiunt pro excitando olfactus sensu, quam impingendo & motum communicando.

§. 173. Nervi optici bulbum oculi ingressi portio medullosa statim ab ingressu in (a) posteriore concava bulbi parte se in formam retis expandit, hinc tunica retina audit, & mucii instar apparet, intertexis quam plurimis (b) arteriis: radii ab objectis in oculum illabentes, reliqua hujus structura, ita determinantur, ut imaginem objecti in tunica retina, sed inverse depingant: resecta enim portione posteriore concamerationis bulbi oculi, ita ut tunica retina illa vitreo humori adhæreat, vel si hæc quoque forte ablata fuerit, subinducantur dicto humori portio pelliculæ, interiorem testæ ovi faciem cingentis, admoveatur in certa distantia, quæ accedendo & recedendo facile invenitur, anteriori oculi parti politæ, flammula candelæ accensæ, imago flammulæ inversa in tunica retina vel in dicta pellicula apparebit, quod idem fit in homine vivo & sano: illabentes vero & imaginem describentes radii, aliqualem impulsu tunicæ retinæ & nervo optico imprimunt, pro sensu visus in homine vivo, sano: cur hinc iste homo apud Cl. SANTORINUM (c) fuit cæcus, cui alter optico-
rum nervorum, æquo gracilior & colore obscurior erat? an deficiebant spiritus nervum turgidum reddentes?

§. 174. Aer circumstantes à corpore rigido elastico tremente, pro hujus tremoris diversitate varie impulsus, hunc impulsu cum aure communicat externa: vi structuræ auris, hic tremulus motus, ad interiora auris ad expansas & diversimode tensas fibrillas (§. 39.) portiones mollis nervi auditorii (§. cit.) continuatur pro sensu auditus.

Artic. II.

Usus Spir. Nerv. pro Operationibus Anima.

§. 175. Dum igitur sentimus (§. 166.), organis sensuum, in primis ner-

Vis,

(a) RUYSCH. Ep. XIII. T. XVI. f. 15. 19. (b) Id. ibid. fig. 16. (c) Obs. Anatom. cap. III. §. XIV. p. 64.

vis, nihil aliud accidit, quam quod impulsus accipiant, unde illos tremere usque in locum sui exortus in cerebro (*Señ. I. Membr. I. Art. VI.*) eorum tensio (§. 168.) docet: dum vero harum mutationum in nostro corpore nobis conscii sumus, distinguimus nos ab istis corporibus, quæ istam mutationem excitaverant: eo ipso vero, dum nos ab illis distinguimus relationem inter illa & nos instituimus, sicque cognoscimus, quod nos non simus illa corpora, & vice versa. Hoc distinguere vero talem involvit actum, qui in nullo produci corpore potest, quicquid enim in hoc contingit, fit motu, quomodocunque vero corpus ejusque partes moveas, disponas, transponas, partes quasdam demas vel addas, nunquam tamen inter corpora vel eorum partes resultat actus, quo unum corpus se ab altero distinguat, quod scilicet sit aliquid ab altero corpore distinctum, sicque sibi met ipsi conscius sit. Nullum ergo corpus, sic & nec nostrum sibi conscius esse potest, aliud itaque incorporeum & immateriale quid in nobis est, quod sibi conscius est, hoc *Animam* vel *Mentem* dicimus.

§. 176. Eo ipso dum anima sibi conscia est, sese ab aliis rebus distinguendo, repræsentatio istarum rerum, quarum sibi conscia est, & se ab illis distinguit, in genere *Cogitatio* animæ dicitur.

§. 177. Dum anima se ab aliis rebus distinguit, has res extra se positas cognoscit, cogitationes vero suas cum variis earum modificationibus in se ipsa cognoscit: relatio vero variorum corporum, quæ extra se posita cognoscit anima, quatenus ista semper fit ad istud corpus, cum quo unita est, tunc hoc corpus tanquam suum agnoscit.

§. 178. In hac vero animæ cum corpore suo (§. 177.) unione, utriusque commercium inter se, ad hæc momenta redire observatur: quod ad certum notum in corpore sequatur certa cogitatio in anima, & ad certam cogitationem in anima sequatur certus motus in corpore: læso vero cerebro & nervis, hoc animæ & corporis commercium etiam læditur. In rationem igitur hujus arctissimæ unionis, & quales, diversæ cogitationes animæ, quæ diversa sortiuntur nomina, motus diversos simul, in cerebro inprimis comites habeant inquisiturus, principia metaphysica, *summi acuminis laude celeberrimi nostri avi Philosophi, CHRISTIANI WOLFII*, sequar, cum ea naturæ rei adæquata, & ex illa ipsa desumpta, hinc vera, sedula meditatione deprehenderim.

§. 179. Dum igitur eo ipso momento, quo mutationum in organis nostrorum sensuum ab aliis extra nos positis corporibus (§. 177.) ortarum, nobis conscii sumus, quod scilicet hæ mutationes adsint, dicimus nos sentire (§. 166.), & hanc repræsentationem vocamus *Sensationem*, vel in genere *Cogitationem* (§. 176.); nihil aliud igitur in sensatione deprehendimus, nisi

præcipitanter agere velimus, quam quod motus in organo sensus, & sensatio simul fiant; in simplici igitur sensatione, in unico organo, ab unico objecto excitata, non nisi unius ejusdemque indolis tremor in nervis fit.

§. 180. Uti vero magna differentia inter simplices sensationes vel cogitationes intercedit, tam respectu corporis quam animæ, ita illa summam hic considerata erit. Incipiam à parte corporis, & in exemplo rem proponam: partim aliunde, partim ex præsentē labore notum est, quod ad sensum rite formandum requiratur, 1. legitima constitutio organī sensorii in primis nervi, hujusque ad prompte, impulsu factō, tremendum dispositio (§. 168), 2. objectum in organum sensorium agens. 3. Sufficiens & proportionata (§. 173.) objecti in organum actio: si una harum conditionum pro parte saltem deficit, *sensatio est obscura*. Sic video ex longinquo corpus quoddam, sed radii in oculum illabentes, neque sufficienter neque proportionate imaginem objecti depingunt, dico me videre aliquid, sed memet ipsum nescire quid sit: accedo propius, objectum activitate sua in oculos meos, ad requisitam conditionem propius accedit, dico, videtur mihi illud objectum hoc vel illud esse. Accedo adhuc propius, experior illud objectum fuisse arborem; hanc *sensationem* dico *claram*; undecunque igitur hanc arborem in eadem distantia intueor, intelligo esse eandem arborem; sed differentiam ejus specificam visu nondum satis affectus sum, progredior igitur proximius ad illam, video esse salicem, intus in trunco exultam, aliasque notas características annoto, quarum intuitu illam ab aliis salicibus dignoscere valeo, tuncque pronuntio me distincte cognoscere, quod hæc salix, quando altera die iterum ad illam accedo, præcisè eadem sit quæm heri vidi, hancque *sensationem*, quam etiam ideam vel notionem nominare poteris, voco *distinctam*: si vero hanc salicem non adeo præcisè ab aliis distinguere valeo, mea idea est *confusa*. Triplex igitur hæc unius ejusdemque ideæ differentia, partim ab objecto, partim ab organo, partim etiam ab attentione mentis dependet; anima enim aliis serio occupata cogitationibus, sæpius non animadvertit, quid in organis sensoriiis accidat: quoad priores duas condiciones apparet, in idea clara, nondum objecti actionem tam sufficientem esse, ad accurate distinguendum objectum ab omnibus aliis quam in idea distincta, ergo in hac, objecti in organum sensorium actio est longe vividior quam in idea clara.

§. 181. Experimur porro in nobismet ipsis, quod excitata idea à causa externa, aliam quæ jam olim adfuit, & quæ convenientiam quandam cum præsentē fovet, in mentem simul reducat: idea animo jam præsens ab objecto excitata, respectu corporis consistit in determinato motu nervi

nervi (§. 179.), nervi, præcipue fibræ medullares cerebri ſpiritibus ſunt modice tenſæ (§. 143); videntur igitur fibræ cerebri medullares à præſente objecto motæ, in quantum hic determinatus motus præſentis ideæ, convenientiam habet cum illa quam olim fovebamus, in tantum & hanc iterum reſuscitari, inprimis cum obſervemus, quod ideæ quæ ope unius ejusdemque organi in mente ortæ fuerunt, ac ſimilitudinem quandam inter ſe alunt, promptius ſimul redeant: quam priſtinas reſuscitandi ideas facultatem *Imaginationem* ſeu *Phantaſiam* nuncupamus. In hac facultate adhuc attendi meretur, quod dum motus in fibris medullaribus, priſtinæ ideæ conformis redit, & mens hunc fovet, ad tempus alit, quod eodem tremore continuato, multæ oſcillationes harum fibrarum, quæ eundem tremorem aliquamdiu conſervare debent, ſimul ſiant, quæ non perfecte priſtinam ideam ſemper conſervant, ſed eo ipſo ad alias ideas iterum anſam dant, vel dum diverſos concipiunt tremores, diverſis ideis pro parte ſaltim reſpondentes, ideas rerum producunt, quæ nunquam ſenſimus, imo quæ nunquam exſistere, ſed combinatione idearum jam excitatæ ſunt. Et in hac diſpoſitione fibrarum prompte quemlibet tremorem reſuscitandi, *gradus Imaginationis* quarendos eſſe mihi perſuadeo. Raro vero tremor ope imaginationis adeo augeri poteſt, ut vigore motui ideæ ab objecto præſente excitato ſit æqualis, quod ſi vero tam vi diſpoſitionis peculiaris prompte imaginandi, tam intentione mentis fortiori, tremor adeo intendatur, ut ſenſationi ſit æqualis, homo neſcit, an ſentiat vel imaginetur: quid igitur ſunt deliria? quid enthuſiaſmus? quid ecſtaſis?

§. 182. Dum anima ideas, vel ex ſenſatione in præſenti ortas, vel imaginationis ope reductas, agnoſcit, quod illas jam olim foverit, hæc facultas *Memoria* dicitur: agnoſcit vero anima ideas, quod tales ſint vel non ſint, ope imaginationis, comparando illas cum aliis conſimilibus, quod *reſectere* dicimus. Requiritur igitur ad felicem memoriam non ſolum facultas prompte imaginandi, id eſt, prompte tremores fibrillarum cerebri medullarium, deſideratis ideis conformes (§. 181.), excitandi, ſed & facultas reſectendi, de qua infra. Quando igitur *reminiſcimus*, id eſt, quando conamur ideam quam olim habuimus iterum producere, hic conatus reſpectu corporis in hoc conſiſtit, ut tremor fibrarum medullarium cerebri excitetur, qui præciſe iſti ideæ reſpondeat (§. cit.): hinc ſi quid memoriæ mandare volumus, tremores fibrarum cerebri medullarium ſæpius inſtituimus, iſtis ideas quas memoria tenere cupimus conformes, objectum earum ſæpius intuendo, legendo, dicendo, &c. ut habitum quaſi conciliemus fibris iſtis repetendi iſtos tremores: jam contemplare hominem, qui intenſe reminiſcitur, quomodo ille oculos, imo totam faciem & dubio procul ipſas cerebri medullares fi-

bras

bras tendat; nondum tamen reminiscitur, dic ipsi aliquot circumstantias cum illa idea, cujus recordari annititur, convenientiam habentes, vel quæ ad ipsam illam ideam pertinent; vide, quomodo similitudo tremoris nervorum auditoriorum, à pronuntiatione tua istarum dictarum circumstantiarum excitata, faciet ut, si non nihil est felicitis memoria, idtu oculi fere citius dicat: ita est! ita est! recorder. Non solum vero, quæ similitudinem inter se alunt ideæ, se mutuo excitant, sed & illæ quæ sæpius simul menti obversantur, excitata hinc una oritur & altera: sic linguam vernaculam addiscit infans, videt frustum sacchari, appetit, mater dat, & simul vocabulum sacchari repetit, hæc aliquoties fiunt, hinc quando saccharum videt, proprio nomine illud appellat, vel si nomen sacchari audit, illud appetit, requiritur igitur ut duobus tremoribus simul excitatis in cerebro, idque sæpius à causâ externa, orto uno & alter quoque oriatur: Imminuta vel plane deficiens hæc facultas reminiscendi vocatur *Oblivio*.

§. 183. Si anima in ideis, quas vel sensus suggererunt, vel imaginatio reduxit (§. 175. 181.), ad unam potissimum, pro suo arbitrio attendit, ad reliquas vero non, prius *Assentio*, posterius *Abstractio* audit: dum vero ad unam post alteram attendit, *meditari* dicitur: comparatio vero idearum, quatenus inter se conveniunt, vel à se invicem discrepant, *Reflexio* nominatur: facultas vero convenientias & differentias rerum prompte observandi *Ingenium* audit. Adeoque in *attentione*, illarum potissimum fibrarum tremores, in cerebro conservantur, qui isti in specie ideæ, ad quam attendimus, respondent; in *meditatione* diversi tremores, pro idearum diversitate successive excitantur: in *reflexione* vero & pro *ingenio*, plurium distinctarum fibrarum tremores prompte, non solum pro diversitate idearum quas comparare alaboramus, sese invicem statim excipientes, sed & *idea ex reflexione natæ* convenientes tremores excitandi, requiruntur.

§. 184. Dum igitur anima sensuum ope varias accipit ideas (§. 166. 179.) easque, absentibus etiam objectis, sibi iterum repræsentare (§. 181.) ac agnoscere valet, quod easdem ideas jam olim foverit (§. 182.), attendendo itaque ad illas, abstrahendo, meditando, reflectendo, convenientias & discrepantias rerum observando (§. 183.) si illas sibi distincte (§. 180.) repræsentare valet, id est, quicquid in illis distinctum occurrit, observare & indicare potest, hæc facultas, *Intellectus* dicitur, nihil vero intellectus sibi distincte repræsentare valet, quam quod possibile est, quod nullam nempe contradictionem involvit: facultas igitur sibi possibilia distincte repræsentandi, seu intellectus, omnes illos motus, quos priores animæ facultates in corpore excitant (§. 179. ad 184.) sibi famulantes habet: & ille actus intellectus, quo relationes idearum vel rerum inter se distinguimus, & intelligimus, quod illis aliquid

competat, vel competere possit, non competat & non competere possit, nominamus *Judicium*: adeoque videtur, dum anima judicat, quod huic animæ operationi sequentes tremores in cerebro respondere debeant; primo quidam tremores sèstatim excipere debent pro relatione idearum, hos secundo sequantur alii pro distinctione relationis idearum, demum excitentur alii pro intelligentia possibilitatis competentiarum.

§. 185. Eo ipso vero, quo res anima cognoscit, illas res vel ipsas sibi repræsentat vel per signa: prior *cognitio* vocatur *intuitiva*, posterior *symbolica*: communissima signa, quorum ope res nobis repræsentamus, sunt vocabula seu soni articulati, cum quibus consuetudo certum connectit in mente conceptum (§. 182.): non enim ut scite inquit **QUINTILIANUS** (a) cum primum fingerentur homines, analogia demissa cælo formam loquendi dedit: sed inventa est, postquam loquebantur, & notatum in sermone, quid quomodo caderet: itaque non ratione nititur, sed exemplo: nec lex est loquendi, sed observatio: ut ipsam analogiam nulla res alia fecerit, quam consuetudo. In lingua vernacula igitur addiscenda dum rem ipsam sentimus, & nomen quod consuetudo ipsi alligavit, audimus, idque sæpius conjunctim repetitur, fibræ cerebri habitum acquirunt, ut hi duo tremores à perceptione rei & nominis illius excitati, excitato uno & alter excitetur, & se invicem excipiant.

§. 186. Ordo & successio rerum, quatenus jam sic & non aliter possibilis est, est id quod *Veritatem* dicimus: facultatem animæ cognoscendi connexionem veritatum, dicimus *Rationem*: in cerebro igitur huic animæ operationi respondeant primo tremores, ideis intuitionis connexionis conformes; deinde tremores ideæ connexionis veritatum respondentes, sequantur oportet.

§. 187. Quicquid conditioni nostræ perfectionem infert, illud *bonum*, contrarium *malum* dicimus: ex intuitione perfectionis oritur in anima *Voluptas*, quæ hinc nihil aliud est quam complacentia in illo bono: è contrario oritur *tædium* seu *displacencia* ex illo malo. Observamus vero, si homo, bono quodam fruitur, & inde voluptatem concipit, illum solito esse agilior mente & corpore, contra vero, si homini malum accidat, & inde tædium afficitur, solito tardior observatur: motus corporis tam automatici quam voluntarii ab influxu spirituum nervosorum ex cerebro oriuntur, (§. 153.) in voluptate igitur iste influxus sit solito major, in tædio minor, apparet.

§. 188. Bonum vel malum quod nobis repræsentatur, excitat in animo inclinationem quasi ad illud & reclinationem ab hoc, illam *Voluntatem* nominamus, hanc *Noluntatem* appellare liceat. Indistincta boni vel mali, nobis in pri-

I

(a) Institut. Orat. Lib. I, cap. VI. p. 43, seq. conf. BORRICHII Diss. de causis diversificatis linguarum.

inprimis proficui vel noxii, quodque obtineri vel averti debet, etiam forsitan potest, excitat in animo conatum illud vel obtinendi vel avertendi, quod *Appetitum sensitivum & Aversionem sensitivam* nuncupamus; fortior hic conatus ex minus distincta ejusmodi representatione dicitur *Affectus*, pro diversitate objectorum & conatum animæ determinatus vel appellatus. Istis animæ conatibus proportionati motus respondent, ope spirituum nervosorum, perficiendi: constat quippe quod hi, motus corporis & automaticos & voluntarios moderentur. Quod per singula horum animæ affectuum momenta explicare, neque opus est, cum intellectu sint facilia, neque instituti ratio patitur: monstrabo saltem in exemplo; sumamus hominem iratum, hujus schema SENECA (a) graphice describit, unde intelligere licet, quomodo conatibus animæ motus corporis respondeant: accipe illud, hoc est: *Flagrant & micant oculi, multus ore toto rubor, ex astuante ab imis præcordiis sanguine; labia quatuntur, dentes comprimuntur, horrent ac subriguntur capilli, spiritus coactus ac stridens, articulorum se ipsos torquentium sonus, gemitis mugitusque & parum exploratis vocibus sermo præruptus, & pulsata humum pedibus, & totum concitum corpus, magnasque minas agens, fæda visu & horrenda facies depravantium se atque intumescantium.*

§. 189. Sed consideremus adhuc reliquas animæ operationes, & quidem nobiliores, ipsique magis dignas, quam affectuum fluxus. Id quod obtinere cupimus finem nostræ intentionis vel voluntatis, appellamus: Scientia, apta media, ad intentatum finem obtinendum eligendi & subordinandi dicitur *Sapientia*: neigitur eminentem hanc animæ facultatem exercendam corpus impediat, requiritur primo promptitudo instituendi tremores pro idea desiderati finis cum ideis isti connexis; secundo respondeant non minus prompte tremores, quales ingenio famulantur (§. 183.) ad aptitudinem mediorum dignoscendam; sequantur tertio tremores pro ratiocinio (§. 186.) ad indagandam connexionem veritatis, num hæc media apta sint & sufficiant, demum redeant successive, sed prompte tremores pro ingenio & ratiocinio (§. cit.) pro subordinatione mediorum ad finem ducentium.

§. 190. Habitus talia media ad opatum finem ducentia, quæ sapientia elegit & subordinavit, rite applicandi dicitur *Prudentia*, huic sequentes in cerebro respondeant tremores, primo ingenio inservientes, (§. 183.) ut loci, temporis, reliquarumque circumstantiarum convenientiam pro applicatione mediorum observem, secundo tremores ratiocinii proprii (§. 186.), ut, si omnes circumstantias instituto favere ingenium observavit, ex intuitu connexionis circumstantiarum, desiderati finis & mediorum ad illum ducentium, media electa & subordinata ita applicem, ut demum modo illis aliquid, modo iterum addam.

§. 191.

(a) De ira Lib. I. cap. I.

§. 191. Vidimus igitur, quod in sensatione, occasione objecti organum sensorium moventis, in nervis & cerebro nihil aliud fiat, quam determinatus motus: vicissim quod operationibus mentis, determinati motus fibrarum cerebri medullarium respondere debeant. Evidenter hoc apparet in hominibus, quibus facultas reminiscendi ex morbo labefactata est, sentiunt objecta, sed dum animi sensa cum aliis communicare volunt, linguam & os ad loquendum disponunt, verum eo ipso non recordantur, quid dicere voluerint, in eandem sensationem, quam mox perceperunt, statim repetitam, non agnoscunt, quod jam adfuerit.

§. 192. Intelligere hinc simul licet, quod ad sanitatem mentis conservandam in corpore nihil magis conducatur, quam tranquillius placidus & expeditus motus sanguinis tam per totum corpus, quam imprimis per cerebrum: cur aurora cum nullo vel parvo jentaculo Musis adeo favet? cur vero plenus venter non studet libenter? sane, mea hic facio verba **CARTESII** (a) *Animus adeo à temperamento & organorum corporis dispositione pendet, ut si ratio aliqua possit inveniri, qua homines sapientiores & ingeniosiores reddat, credam illam in Medicina quari debere*: tale quid non infelicit, multo argumentorum pondere & non minori elegantia tentarunt celeberrimi Viri **HOFFMANNUS** (b) **STAHLIUS** (c) **VERDRIES** (d).

§. 193. Elucescere inde simul arbitror, quantum structura cerebri ipsa ad animæ operationes promptius exercendas contribuat: præterquam enim, quod humanum cerebrum in proportionem totius corporis, cujuscunque alius animalis cerebrum, mole exsuperet, & cerebellum humanum, à structura cerebelli aliorum animalium (a) parum recedat, motibus corporis quippe automaticis unice fere dictum (§. 153.), cerebrum stricte ita dictum in homine, elegantia structuræ & conformationis partium singularum, in brutis partim deficientium, partim ad istam concinam dispositionem non assurgentium, prærogativam hominum, quoad hocce organon, quo anima imprimis utitur, luculenter demonstrat, uti id **WILLISIUS** (b) imprimis in diversorum animalium sectionibus annotavit. Idem quoque in conformatione cerebri humani præternaturali animadvertere licet, quantum inde in ipsam animam damnum redundet, laudatus **WILLISIUS** (c) cerebrum hominis à nativitate fatui mole per exiguum, & plexum cardiacum valde exilem & minori nervorum satellitio stiparum

I 2

inve-

- (a) Lib. de method. sect. VI. p. 56. (b) Diss. de temperamento fundamento motum & morborum in gentibus. (c) Diss. de Temperamentis: de fundamento moralitatis personalis in sanguine. (d) de æquilibrio mentis & corporis.
(a) WILLIS. de cereb. c. 3. p. 17. (b) Anat. cereb. cap. V. Neurogr. c. XIX. (c) Neurogr. cap. XXVI. p. 140. Tab. IV.

invenit. Non minus Cl. SANTORINI (d) in senis fatui sectione intra cerebri medullarum quamplurimas foveas, tenui, pellucida ac insipida lymphâ refertas; & in alio alius senis fatui cerebro, medullarem substantiam, spatio, quantum nux avellana capere poterat multo firmiorem, cui mollior paulo, quam cerebri est, substantia circum, velut vallum formaverat, intra quod seri quidpiam circumfluere videbatur, observavit. Celeber. JO. MAURIC. HOFFMANNUS (e) occasione observationis WILLISII modo allegatæ annotat, quod ipse noverit hominem ab ortu simplicem, cui facie anteriori ossibusque ibidem ad magnitudinem decentem efformatis, vertice contra cum sincipitis & occipitis ossibus angustissimo ambitu circumscriptis, & in acumen medium aliquantis per prominentibus, subtus reconditam cerebri & cerebelli effigurationem male sese habere, probabili animi conjectura hariolari licuit, quæ & forsitan stupiditatis causâ fuit.

SECTIONIS II. MEMBRUM III.

EFFECTUS SPIRITUUM NERVOSORUM IN GRATIAM ANIMÆ ET CORPORIS.

Artic. I.

Usus Spir. Nerv. pro Vigiliis & Somno eorumque Effectibus & Insomniis.

§. 194. **I**llam hominis, ex animæ eum corpore conjunctione compositam conditionem, qua sentire, qua anima reliquas modo expositas operationes pro rationis sui corporis prompte exercere, qua motibus voluntariis præesse, & hi nutui mentis expedite obsequi possunt, dicimus statum *Vigilantium*, seu quod homo vigilet: cum igitur ad sensationem in corpore requiratur, ut nervi spiritibus turgidi impulsus acceptos in organis sensoriis prompte ad cerebrum tremendo deferri possent (§. 168), & ut anima cogitare valeat tremores fibrillarum medullarum cerebri animæ ideis respondere debeant, quod non possent, nisi spiritibus distendantur; cum denique motus voluntarii à libero, facili & aucto spirituum influxu in musculos dependeant, patet, quod à sufficienti influxu spirituum, qui scilicet nervos modice distendant, Vigiliæ oriuntur.

§. 195. Oppositus huic descriptæ hominis conditioni status dicitur

Somnus

(d) Obs. anat. c. III. p. 54. seq.

(e) Dissquis. C. H. anatom. patholog. specim. XVII, p. 243.

Somnus, hujus ratio in genere eo redit, quod fibræ cerebri medullares quodammodo sint relaxatæ, ac non tantum spirituum transmittant, quantum pro tensione nervorum requiruntur, ut vel ab objectis moti vel ad cogitationes mentis tremere (§. 179.) vel æquilibrium cum sanguine (§. 143.) sustinere valeant.

§. 196. Et somnus & vigiliæ tam à corpore, quam ab anima, quam & ab utrisque his induci possunt: à *parte corporis* obrepat somnus, quando spiritus deficiunt, ex labore &c. aut eorum secretio in cortice impeditur à rarefactione & expansione sanguinis in cerebro, spiritibus fermentatis, æstu, exhalationibus sulphureis vaporosis &c. inducta, aut quæcunque fibras medullares premere & spirituum nervosorum secretionem impedire valent: continuantur nil minus *vigilia à parte corporis* admittance, successiva inprimis ad sanguinem potus calidi v. gr. infusi herbæ theæ, quod sanguinem fluxilem conservat. Inducitur *somnus ab anima*, abstrahendo ab omnibus cogitationibus, sese ad quietem componendo; impeditur vero ab eadem seriis meditationibus, vel affectus cujusdam vehementia. Excitantur vero & *vigilia & somnus ab anima & corpore simul*: *vigilia*, seria intentione animæ v. gr. crastina luce hac vel illa hora de lecto surgendi, hinc anima sollicita & fibræ cerebri aliquomodo tensæ manent, neque profundus facile obrepat somnus, quæ utriusque animæ & cerebri conditio facile in consuetudinem abit: *Somnus*, tam ex simili consuetudine cubitum eundi, quam si objecta, quæ sensus movere possent, auferuntur v. gr. in tenebris & solitudine, libero tamen & non anxio animo. Cum igitur somnus in cerebro potissimum suam habeat sedem, & cerebellum actionibus vitalibus inprimis præsit (§. 192. 153.) frustra hinc quærit Cl. GOELICKE (a) si durante somno parcius sit spirituum influxus, unde tam systalticus quam diastalticus cordis arteriarumque motus oriatur.

§. 197. Quicquid nunc durante somno, tubulis cerebri medullaribus tremorem conciliare potest, insomnia producet: dum vero iste tremor ob aliqualem horum tubulorum relaxationem, inordinatus est, hincque primus inordinatus tremor alios similes facile producit juxta leges phantasie, quas supra (§. 181.) enodavi, confusio seu interruptus ordo, in insomniis oritur; cogitat enim anima occasione certorum motuum in cerebro, & cogitationes animæ motibus istis respondent. Oriuntur vero ejusmodi in somno tubulorum medullarum tremores partim à corpore, sanguine, inprimis, cerebri corticem continuo perlucere, partim ab anima ipsa.

Usus Spir. Nervosorum pro Commercio Anima & Corporis.

§. 198. Ut porro reliquos hujus de spiritibus nervosis doctrinæ articulos majoris momenti, ab impræprietatibus & minus convenientibus interpretationibus liberem, hic quoque horum *Spiritus usus pro commercio Mentis & Corporis* illustrandus est. Vidimus supra, quod operationes animæ ex ejus natura sequantur, quam quidem altius indagare per instituti rationem non licuit, sufficiebat demonstrasse illam immaterialem esse; observavimus, quod tam in sensationibus quam reliquis mentis operationibus, nervis & fibris medullaribus cerebri nihil aliud accadat, quam quod tremorem determinatum concipiant; verum quæso! quid hi nervorum & tubulorum cerebri medullarum tremores commune habent cum objecto vel anima, ut anima præcise cognoscat se videre v. gr. elegantem florem, cognitione intuitiva; probavi quippe supra, quod impossibile sit ut corpus cogitet; ergo & nec corpus sentit, id est, sibi non est conscium quod hanc vel illam patiat mutationem. Observavimus porro, quod quicquid in corpore fiat, ex ipsius structura, quæ essentiam corporis humani constituit, sequatur; motus cordis & articularum cum circulatione sanguinis tanquam potissima phænomena in corpore vivo occurrentia, ex structura corporis sequuntur, quamdiu hæc salva manet, hi motus non possunt non continuare (§. 90. ad 98. & 150.): spiritus nervosi non minus continuo ad partes moventur (§. 132. 133.), & suo influxu majores motus voluntarios corporis moderantur, succedunt vero certi motus in corpore ad certas cogitationes in mente, sed quæ proportio intercedit inter cogitationes mentis & inter motus corporis?

§. 199. An hinc ex circumscripta phænomenon æstimatione, hæc argumentatio orta est? (a) cum nemine negante, absolute principio aliquo movente & æstivante in corpore humano organico opus sit, quod quippe per se materiatum est, corporeum, iners ac mere passivum, proindeque omnis motus & æstivitatis expertus, nisi ab alio impellatur, propria vero æstivitate, movendi que potentia gaudeat anima rationalis; consequitur inde nulli alii quam huic principio immateriali & rationali compoti, hanc movendi potestatem majore jure vindicari posse. Utique machina humani corporis impulsu quodam indiget, quem semel acceptum, vi suæ structuræ continuat; sed annon corpora suum motum cum aliis communicant? & unde probare licet, quod in momento conceptionis anima foetus ad movendum, actus

(a) GOELICKE Diss. I. §. VIII. p. 11. seq.

actus generationis occasione; determinetur? qualis hæc æquivocatio vel principii potius petitio est, *anima gaudet potentia movendi*: corpus ad nutum mentis movetur, verum est, sed est res facti: an duo phænomena, quæ se semper comitari observamus, unum semper & ubique alterius causa efficiens existit? an non tertium quid, intercedere potest? ex. gr. umbra sequitur corpus opacum corpori lucido obversum, hoc posito & illa ponitur; hoc sublato & illa cessat; hoc mutato & illa exacte mutatur; quid vero est umbra? est interceptio lucis in certo loco à corpore opaco, reliquo spatio à luce collustrato. An corpus effectus umbra? an umbra effectus corporis? neutrum! ab experientia igitur probari nondum potest, quod anima physice hosce motus producat. Sed ponamus, minime autem concedamus, animam hunc impulsu corpori non solum in generatione dedisse, sed & illum per totum vitæ decursu conservare: an hoc bruto modo præstat anima, an cum ratione? si cum ratione, cur in luxatione femoris musculos ita contrahit, ut in restitutione femoris, ex corpore toto dolores perferre debeat, cur non potius musculos laxat, quemadmodum in paralyti femoris facit, & post restitutionem ossis illos iterum attrahit? *qua temporis, ordinis, loci, gradus (b) circumstantia* impediunt, quo minus ens activum, quod motum quandam non solum instituit, sed & novo impulsu continuo conservat, illum ad tempus suspendere vel intermittere non possit? non dico, quod anima omnes motus vitales deferere, sed tonum musculorum femoris saltem, ad tempus laxare debeat. Impellimur ad aliquid faciendum, si illud ceu bonum agnoscimus, & ex eodem fundamento intermittimus actionem, si illam ceu nobis malam intelligimus: notæ sunt in ista theoria medica, ubi anima omnes corporis motus immediate perficit, hypotheses de erroribus naturæ (animæ) medicis; fingamus Medicum hac theoria optime imbutum, luxatione femoris laborare: ejus anima quatenus motibus vitalibus præest, musculos etiam, dum Chirurgus extensionem & restitutionem ossis tentat, seria intentione contractos detinet, quatenus vero sensibus & motibus voluntariis præest, intensissime sub restitutione vult, ut musculi extensioni ossis obsequantur ad avertendos dolores, sic vero eadem anima uno eodemque momento, unum idemque simul intensissime vult & non vult, tam vi intellectus insiti, quem nonnulli venditant, quam adventitii: dolores ceu malum quoddam agnoscit, scit, si musculos relaxet, quod dolores mitigentur, vult simul igitur non vult & ut musculi relaxentur. An hoc unquam per rationes ex natura animæ probari potest? sane neque per rationes actio animæ in corpus physica, solide adstrui potest.

§. 200. Cum igitur experiamur, quod hæc commercii mentis & corporis

(b) Cl. GOELICKE Diss. II. §. XXV. p. 63.

poristatio quam modo (§. 197. 198.) proposui, neque per experientiam neque per rationes vindicari possit, quod scilicet anima corpus immediate moveat, cum porro ductu ipsius rei observaverimus, quod quicquid actionis animæ competat, illud ex ejus natura succedat: & qui motus in corpore occurrant, iidem ex ejus structura sequantur; quod sensationes & appetitus animæ, cum motibus corporis appetitibus animæ respondentibus, pro conditione corporis (§. 180. 156.) determinentur, idque tam experientia quam rationibus verum sit; tunc hinc concludimus, quod cogitationes animæ & motus corporis harmonice sibi invicem respondeant. Quodsi vero quærimus, an in præsentī rerum nexu ullam veri speciem præ se ferat sententia, quod anima corpus immediate moveat, & attendimus, quod eadem semper virium motricium quantitas in universo (a) conservetur, dico, quod non, nisi per miraculum possibile sit, ut anima in corpus agat, & corpus in animam, quoniam sic novæ vires in universo orirentur, & iterum perirent, quod cum hac lege fundamentali motuum in universo, de eadem virium motricium quantitate conservanda, cui & ipsi motus corporis obediunt, stare non potest. Atque hæc harmonia est illa præstabilita, quam Illustris LEIBNITIUS (b) primus detexit, Celeberrimus WOLFIUS (c) illustravit, & non minus ad magnam famam strenue assurgens BÜLFINGER (d) vindicavit: in qua, quamvis non omnia phaenomena proxime ad suas rationes propter humanam ignorantiam reduci possint, ejus tamen possibilitas, præ omnibus aliis hujus dogmatis systematibus maxime elucet. Cumque spiritus nervosi influxu suo tam vitales quam animales motus moderentur, eorum inde necessitas & usus patet.

§. 201. Concinni quidem motus corporis, nutui mentis apprimè respondentēs, multis insuperabilem quasi difficultatem imponunt, quo minus huic harmoniæ præstabilitæ systemati subscribant, verum examinemus hos, cum adhuc simpliciores fuere in infantia: infans antequam usus artuum didicit, toto quali corpore manibus pedibusque in objectum desideratum fertur, radii enim ab objecto feriebant ejus nervos v. gr. opticos, qui cum spiritibus contentis in cerebrum usque tremebant, ubi spirituum influxus appetitui mentis aliquomodo conformis excitabatur, unde hi motus artuum oriebantur: quod vero & radii visivi & sonori cerebrum impellant, spiritus in motum agant, in statu præternaturali meningibus nimium tensis apparet; nam qui cephalæa laborant, oculis quamvis nullo modo læsis, lucem perferre non possunt, & exiguus sonus illos quam maxime percellit, hoc

forſan

(a) LEIBNITIUS. (b) Journal des Sçavans An. 1695. p. 444. seqq. (c) Vernünftige Gedancken von Gott, der Welt und der Seelen des Menschen §. 765. seqq. (d) Commentatione de harmonia præstabilita.

forſan lucem aſſert obſervationi quam BOYLE (a) de Medico ingenio valente reſert, quod is febre quadam correptus adeo exquiſitum acutumque inde naſtus fuerit auditus ſenſum, ut ſubmiſſos perbene audiret ſuſurros, qui ad magnam ſatis diſtantiâ edebantur, nec ullatenus ab iis, qui adſtabant bene valentes percipiebantur, neque etiam à ſemetipſo ante hunc morbum percepti fuiſſent. DIGBÆUS (b) habuit pædagogum filiorum ſuorum, oculis orbem, cryſtallinus nempe humorei in utroque oculo deperierat, ut ne ſolis quidem claritate moveretur: iſ tamen toto corpore, præſertim in cerebro mutationem quandam perſentiſcebat, unde ſolis in orbe noſtro præſentia illi innoſcebat, nubilum quoque diem à ſereno cerro diſcernere novit: hoc frequenter ab eo præſtitum, propria experientia ipſe DIGBÆUS cognovit, aſſignato illi periculi faciendi gratia cubiculo, diligenter undique clauſo, quo nec ſolis radii perſtingere potuerint. Quid quidem nobis infantibus, & ratione adhuc carentibus obſigerit, adulti non reminiſcimus, quod vero olim ſenſuum impreſſiones unice ſecuti fuerimus valde credibile eſt, poſtquam vero legitimam artuum ad deſtinatos uſus applicationem inſans aſſuevit, hoc eſt, ut cum eruditis jam ſentiam, poſtquam inſtitutione, artis habitum ſibi longo tempore acquiſivere, & adultus credere nolle, quod hoſce actus quos jam prompte & concinne exercere valet, in infantia peragere non potuerit, riſum is excitabit: vel an ruſticus, qui in labore occaſſuit & obriguit, ſi artiſicioſum ſaltatorem, hominem verſatilem videret, de quo hominum genere illum nunquam aliquem vidiffè ponamus, & obſtupeliceret, in relatione vero ad diſpoſitionem ſuorum artuum negaret, quod poſſibile ſit, ut homo ejusmodi ſaltus inſtituere poſſet, an fidem inveniet? adeo conſuetudine regimur! nam ſi, inquit RENATUS MORÆUS (c) *veritati fucum demere liceat, ſatendum eſt, nos non niſi conſuetudine vivere, ſapere conſuetudine, mentemque ipſam conſuetudine morari, non ratione. Nullibi hodie regnat ratio à conſuetudine ſejuncta, paſſim conſuetudo triumphat abſque ratione &c.* Dicat mihi quis, quomodo ab objecto quidem determinati, ſed cum objecto cæterum nihil commune habentes nervorum tremores dum ſentimus, cogitationes ſibi reſpondentes habere poſſint, etiam ſi corpus per impoſſibile ageret in animam & anima in corpus? interim tamen anima cum corpore unita, ſine hiſce nervorum tremoribus nihil ſentit: cur igitur urgetur ratio reddenda, quomodo appetitus animæ cum copioſiori ſpirituum influxu, itidem nihil commune habentes, motus voluntarios ſibi proportionatos habeant?

K

SECTIO

- (a) De natura determinata effluviourum c. IV. p. 27. ſeq. (b) Demonſtratio: immortalit. animæ. Traſl. I. cap. VI. §. VI. p. 34. c. XXVIII. §. VII. p. 323. ſeqq. (c) Comment. ad ſchol. Salarait.

SECTIO III.

DE

AFFECTIBUS SPIRITUUM NER-
VOSORUM IN CORPORE HUMANO
VIVO ET ÆGRO.

M E M B R U M I.

SPIRITUUM NERVOSORUM AUCTI ET
IMMINUTI MOTUS MORBIFICI AB IPSO CORPORE
ET REBUS CORPOREIS EXCITATI.

Artic. I.

*Morbi ab aucto Spir. Nerv. motu à rebus corporeis
& proprio corpore facto orti.*

§. 202. **Q**Uicumque morbus (§. 90.) proxime à spiritibus Nervosis induci-
tur, ille horum *spirituum affectum* dicitur.

§. 203. Nervi sunt primariæ organorum sensoriorum partes (§. 168.); si
impulsi tremorem concipiunt, sentimus: quicquid tremorem illorum pro-
xime ita augeat, vel quicquid in illos proxime ita agit, illosque tendit, ut
solutio continui in nervo immineat, sensationem reddit tristem: talem vo-
camus *Dolorem*.

§. 204. **Q**UO fortior hinc talis nervorum tensio & tremor, eo gravior
dolor: oritur vero hic in istis præcipue corporis partibus, quæ magis tensis
& elasticis fibris vel tubulis nerveis (§. 68.) sunt compositæ; hinc in tendini-
bus & membranis longe acutior oritur dolor, quam in partibus carnosis.
Nervi, seu tubuli medullares cerebri, ab hoc, nervorum nomine defleſcen-
tes (§. 29.) membranæ cerebri sunt investiti (§. 30.); hæ membranæ ipsæ ex
tubulis nerveis compositæ sunt (§. 66.), tremente igitur nervo & hæ quo-
que tremunt; hi nervorum motus ad cerebrum continuantur, ut sentiamus,
oportet (§. 168. 143.) participant itaque ab eodem nervorum motu & mem-
branæ cerebri, imprimis vero dura mater musculosa est indolis (§. 11.) sy-
stolico & diastolico gaudet motu (§. 152. 133.) & cum tremente nervo spi-
ritus contenti quibus nervus turgidus tensionem imprimis consequitur,
quoque impellantur, horum motu contractio duræ matris promovetur;

hæc,

Morbi ab aucto Spir. Nerv. motu à rebus corporeis & proprio corpore facti. 75
 hæc, cerebrum stringendo motum spirituum ex illo per nervos ad partes promovet (§. 133.): hinc quoque gravior dolor, eo copiosior spirituum influxus. Unde igitur sævientibus doloribus vigiliæ, inquietudo, calor internorum, pallor & frigus externorum, sitis &c.?

§. 205. Contractio musculi vel partium musculosarum invita, in contractione permanens, dicitur *spasmus*: alternatim vero repetens *Convulsio* audit: hæc si totum corpus occupat & sensus cum reliquis mentis operationibus intercipit *Epilepsia* vocatur. Si spiritus nervosi influxu suo æquilibrium quod cum sanguine servant, superant, musculus contrahitur (§. 93. 150.) suumque antagonistam vincit: adeoque hi morbi proxime à spiritibus oriuntur.

§. 206. Quicquid igitur talem copiosorem spirituum influxum, qualem in hisce affectibus adesse (§. 204.) dixi, provocat, spasmus vel convulsionem facit. Causa vero vel in parte affecta vel in cerebro hære potest: duræ matris vero motus moderatur potissimum influxum spirituum, adeoque hujus contractio spiritus in partes propellit: quo experimento igitur CL. GOELICKE tam validum spasmus, qualis in catalepsi adest, à pia matre (a) oriri posse, probabit? Ipsius vero duræ matris tonus à spirituum in illam influxu dependet; neutiquam igitur (b) meningum indispensabilior longe est necessitas, quam cerebri, cerebelli & ipsius medullæ spinalis ad stabilendum sensum & motum viventis animalis.

§. 207. Perlustremus prius, sed paucis, spasmodorum & convulsionum causas; meninges & ipsum cerebrum afficientes. BAGLIVIVS (a) variis institutis experimentis observavit, si duram matrem sive cerebrum in cranio, sive medullam spinalem investientem, pungeret ferro, etiam candente, vel acidos liquores instillaret, statim tremores, convulsiones, ululatus, tumores abdominis, vomitus, stupores, paralyces, ad motum impotentiae, urinæ & sæcum copiosæ excretiones, aliquando totales eorum suppressiones & hisce similia, pro læsionis & punctiōis meningum varietate, orti fuerint: quod si vero spirituosa & leniter aromatica beneficio syringæ injecerit, licet levem statim post syringationem tremorem excitaverint, paulo post tamen animal hilariter magisque vivide se gesserit: quando (b) vero post hæc irritantia experimenta & inde natas spasmodicas affectiones, oleum aut aliud quid pingue syringando injecerit, confestim idem animal concidere, relaxari ac tropere, imo fere paralyticum evadere, potissimum illis in partibus, quæ meningi oleo relaxata: è directo ponuntur, observaverit.

K 2

§. 208.

(a) Diff. III. §. XV. p. 92. (b) Aët. Med. Berolin. Volum. VIII. p. 20. conf. LANCISIUS de mortif. us subitan. L. I. c. XI. §. XI. p. 52.

(a) De fibra motrice spec. I. Operum p. 272. seqq. (b) ibid. p. 276.

§. 208. Puncturæ æqueacacidi quoque liquores, spiculis suis, eo ipso dum liquor fluidus est, continuo motu agitat, tenas meningum fibras non solum impellunt, sed & continui solutionem (§. 202.) præstant. Fibrillæ hinc inde dissectæ vel disruptæ, vi suæ contractilitatis sese contrahunt (§. 140); sicque sibi annexas alias fibrillas adhuc integras secum trahere annuntur: hæ vero cum adhuc tendantur, & solæ, id præstare debeant, quod antea conjunctim cum fibris nunc ruptis efficiebant, eo majorem impulsum spirituum sustinent, hinc ruptarum jam fibrillarum laceratio utrimque erit major: unde tremor, unde copiosior spirituum in meninges influxus, inde harum contractio major, hinc vero copiosior spirituum in partes influxus, unde hæ contrahuntur, convellunturve. Cur igitur gravioribus doloribus spasmi & convulsiones supervenire solent? Quod vero spirituosa & leniter aromatica non eadem vehementia agant, hæc ratio subesse videtur, quod acidi isti liquores inprimis ex mineralibus petiti, siquidem BAGLIVIVS frequentius spiritum nitri adhibuit, in minimis suis partibus sint solidiores hinc graviores (§. 76.) acidorum igitur & spirituosorum aromaticorumve actio ut majus & minus differunt. Oleum vero & omnia pingua non solum spiculas involvunt, sed & emolliendo dolores leniunt.

§. 209. Ex hisce igitur experimentis & observationibus (§. 206. 207.) elucescit, quod quicquid duram inprimis meningem in ejusmodi præternaturalem constrictionem concitare valeat, id spasmos & convulsiones excitare possit: & cum jam inprimis sermo sit de ejusmodi causis quæ proxime meningum motum violentum provocant, hæ partim hærent in sanguine (a) crasso viscido, hinc inde motu suo per duram matrem cum influxu spirituum in illam, luctante, acri, diathesi inflammatoria peccante, meninges infestante, v. g. in variolis; nec non sero (b) acri putrido, præcipue inter meninges tum & in ventriculis cerebri stagnante: nam illa lymphæ copiosior, quæ frequentissime in capitibus epilepticorum dissectis reperitur, effectus potius quam causa convulsionum & epilepsiæ æstimanda est: partim arterias & venas cerebri male conformatas, apostematæ (c), abscessus (d), saniem, pus (e), polypos in sinibus cerebri (f), cranii (g) cariem, festucas (h) cerebro impactas, incurvationes (i) laminæ interioris

(a) Clariss. STAHL. Pathol. Sect. III. Membr. I. art. 3. p. 316. (b) BONET. Sepulchr. L. I. Sect. XII. Obs. 13 p. 277. Obs. 17. p. 280. Obs. 19. p. 280. Additam. Obs. 7. p. 296. Sect. XIII. Obs. 3. p. 312. (c) Id. ibid. L. I. Sect. XII. Obs. 20. p. 282. Obs. 33. p. 285. (d) Id. ibid. l. c. Obs. 21. p. 282. Additam. Obs. 5. p. 293. (e) Id. ibid. l. c. Sect. XIII. Obs. 23. p. 329. (f) Id. ibid. Sect. XII. Obs. 24. p. 283. (g) Id. ibid. l. c. Obs. 3. p. 373. (h) Id. ibid. l. c. Obs. 27. p. 283. (i) Id. ibid. l. c. Obs. 32. p. 383.

Morbi ab aucto Spir. Nerv. motu à rebus corporis & proprio corpore facti. 77
 tioris cranii, suturarum (k) pravas dispositiones, vitia ipsius (l) duræ men-
 ningis, obstructions (m) vasorum jugularium glutinose exsiccatō humo-
 re, res (n) plane peregrinas in cerebro hærentes, aliasque quam plurimas
 causas cum enumeratis convenientes, istos morbos excitasse observatæ
 fuere.

§. 210. Quodsi vero causa spasmodorum & convulsionum extra caput,
 in aliis vel ipsis affectis partibus delitescit, in mitioribus insultibus, vacil-
 lans æquilibrium inter motum spirituum & sanguinis sufficit: sic adhuc
 nuper puellam vidi, sanguine viscido & mensium anomaliis laborante,
 quæ salvo & incolumi capite per aliquot dies, nunc hujus illiusve pedis
 spasmum non diu quidem durantem, nunc hinc illinc artuum convulsio-
 nes experiebatur: si vero causa mali gravior est, v. gr. calculus in renibus
 vel ureteribus, promotionem sui urgens, vermes in canali intestinorum
 &c. quæ lancinando & rodendo membranas, agunt, effectus quoque
 dirior erit, cum atroceffimis doloribus conjunctus. Quid retardatus san-
 guinis motus per abdominis viscera valeat, ad commovendos dictos affe-
 ctus, dum partim mole sua vasa in latitudinem, partim motu violento qui-
 dem, sed tardiori vasa in longitudinem tendit, quò ipso & nervi tenduntur
 & integumenta cerebri afficiuntur, passio hypochondriaco hysterica evi-
 dentissime docet. Cur in foeminis hystericis ex elevatione brachiorum, ten-
 sis inde musculis & visceribus abdominis pressis, paroxysmus recurrit?

§. 211. Sed pergo ad alios affectus, cum hic non nisi lineas ducere li-
 ceat Pathologia spirituum Nervosorum, & jam *Deliria* se sistunt. Vi-
 gent operationes animæ, si motus humorum per cerebrum & in illo sunt
 placidi, fibrillæque medullares modice tensæ (§ 191): hinc in statu natura-
 li anima occasione impressionum ab objectis in sensum organa factarum,
 res extra se positas sibi repræsentat, ut revera sese habent; & reliquæ men-
 tis operationes sensationibus tanquam fundamento innitantur: quando
 vero cerebrum ita læditur, ut neque sensationes objectis respondeant, ne-
 que imaginatio ideas rite reducere valeat, non potest non fieri, quin & judi-
 cium erret, & motus corporis falsis his ideis congruant: talem hominis
 conditionem *Delirium* nominamus. Cur delirantes erecto corpore sæ-
 pius delirare desinunt, reclinato vero corpore deliria iterum incurrunt?

§. 212. Non jam phænomena in ebrio homine occurrentia ad suas
 rationes revocabo: attendamus ad hominem febre ardente & ex hac de-
 lirio laborantem: sanguinis circulatio & calor hic valde augentur, vche-
 mentior & inæqualis ejus est ad cerebrum appulsus, ejusque motus per il-

K 3

(k) Id. ibid. l. c. p. 185. (l) Id. ibid. Obf. 4. p. 174. (m) Id. ibid. Obf. 2. p. 192. (n) Id. ibid.
 Obf. 26. p. 283.

lud tumultuarius, fibræ medullares cerebri varios inde tremores concipiunt (§. 191.); his cogitationes in mente respondent: iidem tremores varios alios excitant, ipsis aliquomodo similes (§. 181.) raro constantes, sæpissime mutatos, unde tot phantasiæ. Neque objectorum in organa sensoria impressiones, ad cerebrum rite deferuntur, & continui oscillatorii fibrarum medullarium motus illos non accurate suscipere possunt, hinc idæa objecto non respondent, & imaginatione mens adhuc decipitur: sanum nigra veste indutum accedentem ad ægrum delirantem, hic, Diabolum esse sæpius fingit.

§. 213. Eadem propemodum Deliriorum causæ auctæ, *Furorem & Maniam* efficiunt: spiritus enim copiosissime ad partes continuo propelluntur, unde perpetuum fere pervigilium (§. 193.) & solidorum in fluida (§. 149.) actio aucta; hinc maniacorum immane robur (§. 155.) insignis tolerantia frigoris (§. 102. 103.) & inedia. Sed idem hic auctus motus, plus iridem sanguinis calidissimi ad caput devehit, vasa meningum & corticis replet, hinc maniacorum cerebrum plerumque sicquæ & vasa tumida varicosa spisso sanguine referta (a) reperiuntur.

Artic. II.

Morbi ab imminuto Spir. Nerv. influxu à rebus corporeis vel propria corpore inducto, orti.

§. 214. Motum & sensum à sufficiente spirituum nervosorum influxu dependere jam evictum (§. 155. 168): quicquid igitur horum spirituum motum ex cerebro potissimum ad partes retardat vel sufflaminat, pro diverso hujus violentiæ gradu, varios morbos præstat. Cohibitus quippe spirituum è cerebello effluxus mortem inducit (§. 153.).

§. 215. Subitanea sensuum, cogitationum & motuum voluntarium abolitio, cum pulsu plerumque forti & respiratione stertente, dicitur *Apoplexia*. Septuaginta & sex observationes anatomicæ à BONETO (a) collectæ docent, quod vel motus sanguinis ad & per cerebrum ex variis causis interceptus, vel ipse sanguis in cerebro extravasatus, vel alia labe infectus fuerit, quo vel spiritus non secerni vel secreti ad partes emanare non potuerint, unde hæc tensio naturalis (§. 143.) perit, imo ipsa dura mater (b) flaccescit, depauperata influxu spirituum pro conservando

(a) BONET. Sepulchr. L. I. Sect. VIII. Obs. I. p. 105. Obs. 2. p. 108. Act. Med. Berolin. Vol. VII. Art. V. p. 90.

(a) Sepulchr. L. I. Sect. II. tota.

(b) LANCISIUS de mortibus subitaneis p. 249.

no (§.152.) An vero ideo, quod in apoplecticis sanguis in nonnullis adeo concretus fuerit inventus, ut medullam sambucinam referret, in aliis vero grumi sanguinis in carotides delapsi animadversum sint, cum Cl. GOELICKE (a) negandum, interceptum spirituum animalium influxum proxime apoplexiam inducere? quasi vero, in paralyxi ex ligata arteria (§.141.) proxima paralyseos causa non sit interceptus influxus sanguinis?

§. 216. Profundissimus somnus ab omnibus istis (a) causis quæ apoplexiam inducere valent (§.214.), sed levioribus excitatus, dicitur *Carnus*: hujus species adhuc mitiores, *Lethargus*, *Cataphora*, *Coma vigil*, *Coma somnolentum* à spirituum influxu ad partes nunc plus nunc minus suppressio, oriuntur & nomen fortiuntur.

§. 217. Abolitio subitanea sensuum, corpore in illo statu, quem sub ipsa morbi invasione habebat, immoto permanente dicitur *Catalepsis*. Sectiones anatomicæ (a) monstrare, quod sanguis spissus vasis cerebri impactus fuerit, venis ibidem sæpius varicosis: cumque ut plurimum in hoc affectu & pulsus & respiratio sint valde debiles, corpus vero aliquo modo rigidum, videtur, quod simul & semel spiritus ad omnes musculos voluntati inprimis subjectos pari vehementia propulsi fuerint, unde tensio universalis, duramater ad talem subitam constrictionem fortiolem a subsistente sanguine spisso concitata, neque paroxysmus prius solvitur quam sanguis infarctus fluxum recuperaverit, aut homo expirat. Nam secretio spirituum cessat, sanguinis motus valde languescit, omnesque humores in motu suo quasi sistuntur. An vero cessatio sensus & motus non ad adfectus soporosos spectat? cur igitur Illustrem HOFFMANNUM carpit Cl. GOELICKE (b) quod Catalepsin affectuum soporosorum classi adnumeraverit: quod quidem huic *Celeber*. Viro in genere parum faveat *Celeb.* GOELICKE ex ejus præfatione ad *Historia Medicinæ universalis Periodum* inprimis quintam jam dudum innotuit.

§. 218. Cum ad mentis operationes prompte exercendas modica fibrarum medullarium tensio requiratur, hæc vero à sufficiente spirituum copia inprimis obtineatur, patet, quod quicquid horum secretionem & fibrarum tensionem impediat, fatuitatem (a) & stuporem inducat, uti videre licet in apoplecticis, qui quamvis hunc superaverint insultum, mente tamen infirmi ut plurimum manent.

§. 219.

(a) Diff. I. I. §. VI. VII.

(a) BONET sepulchr. L. I. Sect. III. tota.

(a) BONET l. c. Sect. IV. tota.

(b) Diff. III. §. XIV.

(a) BONET l. c. Sect. X. tota.

§. 219. Ineptitudo musculi ad motum, ob amissam tensionem naturalem (§. 143.) dicitur *Paralysis*: hæc si à deficiente spiritu influxu oritur, hujus defectus causa vel in ipso cerebro vel in spinali medulla, aut in ipso nervo, quaerenda est: si in cerebro vel spinali medulla hæret, omnes eæ causæ, quæ apoplexiam inducere valent (§. 214) paralyfin (a) quoque excitant: hæc resolutio si musculos in uno latere totius corporis occupat, dicitur *Hemiplegia*: si omnes trunci & artuum musculos intestit, qui nervos sub cranio egredientes accipiunt *Paraplegia* audit. Sic nuperrime *Celeber. SALTZMAN-NUS* in tribus cadaveribus paralyfi partium inferiorum, dum viverent, affectis, medullam spinalem ea solum parte, qua in duabus superioribus lumborum vertebrais latitabat, præter morem exsiccata & corpori dictarum vertebraarum agglutinata, vix dimidium volumen ordinariæ referentem observavit. Si vero paralysis vitio ipsius nervi oritur, id à quamplurimis rebus fieri potest, nervus quippe vasis sanguiferis & lymphaticis irrigatur, (§. 30) obstructio in his tubulos nerveos premens, spirituum motum intercipit, sicque sensum & motum isti musculo, cui nervus destinatus erat, aufert, vel si iste nervus motui saltem destinatus erat, hunc impedit, quod & ligatura comprobatur (§. 141.): porcus clamosissimum animal, ligato nervo recurrente ipso momento (b) obmutescit.

§. 220. Si tensio partium pro parte relaxata est, & æquilibrium inter spirituum & sanguinis fluxum vacillat *Tremor* partium oritur. Idem hic à spasmodica quadam contractione quoque suscitari potest, reluctante semper sanguine partes ita affectas alluente, v. gr. in frigore externo admissio, item in paroxysmo febrium imprimis intermittentium.

§. 221. Motus spirituum in fibris cerebri medullaribus momentanea hinc inde interceptio, à causis (§. 215.) apoplexiam inducere quidem potentibus, sed jam levioribus & mitioribus effectu isto exclusis *Vertiginem* seu objectorum rotationem & membrorum vacillationem, tandem caliginem oculorum facit. Sic *MALPIGHIVS* (a) in semetipso expertus est, quod intermittente artieriarum pulsû, eadem temporis differentia, si attente in conclavi non multum illuminato objectum intuebatur, oculi momentanea eclipsi tentati fuerint, ac si cilium tunc collabatur, quin multiplici succedente pulsus intermissione corpus ruere, oblati sensu & motu.

§. 222. Ratio instituti hic requirit, ut, cum sapissime observaverim, quod consideratio spirituum nervosorum in pathologia virium risu fuerit excepta, harum virium genuinam formem notionem. A sufficiente tensione partium solidarum, spirituum & sanguinis influxu oriunda, dependent vires:

(a) Bonet. l. c. L. J. Sect. XV. tota. (b) Vesal. l. c. p. 213.

(a) Op. posthum. p. 27.

vires: hujus illiusve influxu conveniente labefactato, & vires decreſcunt, uterque igitur conſervetur neceſſe eſt.

§. 223. Sic nimix hæmorrhagiæ vires admodum proſternunt; partim quod materia deficiat, ex qua ſpiritus ſecernantur, partim quod copia ſanguinis tanta deficiat, quanta requiritur ad ſuperandam vim ſolidorum, (§. 93.) inprimis ſi arteriarum tunicæ jam multo robuſtiores fuerint redditæ (§. 164.). In his igitur & ſimilibus caſibus, quantum fieri poteſt, in id incumbendum, ut vaſa modice replentur, alias motus humorum fatiſcit, & cum illo vita evaneſcit (§. 149). Sic ille adoleſcens apud LOWERUM (a) eſſræni & mortem minitante hæmorrhagia correptus, juſculis recreatus eſt, ita quidem, ut cum ſanguis continuo adhuc emanaret, imo totus fere emiſſus eſſet, juſcula vaſa non ſolum repleverant, ſed & parum mutata per vulnus iterum exibant, uſque dum edomata hæmorrhagia juvenis iſte reſtitutus tandem fuerit.

§. 224. Non vero tantum fluidum quoddam vaſa replens requiritur ſed & iſtud aqua ſpecie gravius ſit (§. 88. 95.) oportet, ut eo fortius in vaſa agere poſſit: hinc cachexia vel chloroſi laborantes laſſitudine continua vexantur, cum eorum ſanguis nimis aqueus & juſto levior ſit: ſic referunt (a) ſanguinem peſte infectorum ad calorem non amplius coire, putrefactioni proximum.

§. 225. Quemadmodum vero & defectus & levitas excedens ſanguinis, vires ſuffurantur, ſic contrariorum exceſſus, copia nempe exſuperans & ſpiſſitudo ſanguinis, admodum quoque debilitant: nimia enim ſanguinis copia, vaſa plus juſto diſtendit, horum in ſanguinem actionem labefactat, hinc iſte ſpiſceſcit, per vaſa minima parciffime & tardiffime, per majora vero magno labore movetur: cur hinc in febris ardentibus internorum æſtus intenſiſſimus, dum extrema ſæpius frigent? cur in iſdem, ſanguis æſtu febrili magis & magis inſpiſſatus, diſſatis humidioribus partibus, reſpirationem anhelofam, anxietates præcordiales, ſummam laſſitudinem &c. creat?

§. 226. Ex omnibus hiſce caſibus apparet, quod, ſive ſanguis deficiat, ſive quantitate excedat, ſive ſit aquoſior, ſive juſto ſpiſſior, ſpirituum ſecretio & motus impediatur; horum interim influxus conveniens in partes, præcipue in cor pro circulo ſanguinis abſolutæ eſt neceſſitatis (§. 150.) iſta igitur impedimenta in dictis caſibus, quæ ſpirituum ſecretionem & motum retardant, ſunt removenda, & ſpiritus impellendi, ſic vires quoque redibunt. Elucſcit ſimul, quod defectus virium à commemoratis ſupra cauſis in-

L

ducta,

(a) Tr. de corde cap. 1. p. 70. ſeq.

(4) BOERHAAVE inſtitut. chem. Tom. 1. p. 238.

ducta, harum primo quidem sit effectus, postmodum vero causa, cur debilitas increseat. Cur quæso in summa ex morbo virium prostratione, situs erectus lipothymiam, imo mortem inducit? sane non tantum, quod sanguis ex inferioribus corporis partibus difficilius ascendat, arteriæ quippe in cadaveribus semper magis exinanitæ, venæ vero magis turgidæ (§. 149) reperiuntur, sed quod sanguis corde expulsus difficilius caput petat, pauper materiâ pro spirituum secretionem; promptius vero descendat, hinc parcior spirituum in cor influxus oriatur; inde vero hujus contractio imminuatur. (§. cit.)

SECT. III. MEMBRUM II.

SPIRITUUM NERVOSORUM AUCTI ET
IMMINUTI MOTUS MORBIFICI AB
ANIMA EXCITATI.

Artic. I.

*Motus Spir. Nerv. aucti & imminuti morbifici à
passionibus Anima inducti.*

§. 227. **I**ndicavi jam (§. 187.) & experientia quotidiana constat, quod animi affectibus certi & proportionati motus in corpore respondeant, & quod hos, spiritus nervosi moderentur; nunquam vero anima vehementius operatur, quam si affectibus agitur, nunquam etiam motus corporis menti obedientes proprium corpus magis lædunt, quam si occasione passionum animi excitati fuerint, perlustremus hos speciminis gratia, in aliquot saltem animæ passionibus,

§. 228. Aversationem imminentis mali *Timorem* dicimus, præsentis vero inopinati mali aversatio *Terror* nuncupatur: in utroque anima se suumque corpus quasi subducere tentat; hinc in timore, habitus corporis contractus, pallidus conspicitur, sanguis interiora versus repellitur, artus ad fugam parati contremiscunt, ab aucto inæquali fortiori spirituum & sanguinis ad musculos præcipue appulsu, ideo & cor palpitat, respiratio fit anhelosa: sic MALPIGHIUS (*) virum alioquin robustum ex timore in pulsus inæqualitatem ejusque obscuritatem incidentem cum respirandi difficultate recurrente, brevi tandem per sputa quandoque rubri sanguinis portionem, quandoque copiosa alba quædam frustula, veluti polypos excernentem & postremo turgentibus superioribus ex coercita sanguinis co-

pia

(*) De Polypocordis p. 316.

pia suffocatum observavit. Terrore infantes perculsi sæpius epilepsiam incurrunt, & adulti ex gravi terrore non raro quasi cataleptici fiunt. *Nabis* (b) Lacedæmoniorum Tyrannus, cum Romani urbem obsidione premerent circumfusio undique pavore, imminente jam occupatione urbis ita obtorpuit, ut nec dicere quod in rem esset, nec audire posset. nec inops modo consilii, sed vix mentis compos esset. Ex *Erythrao* refert PECHLINUS (c), quod Hieronymus Vecchiectus, doctissimus Poeta, accepto nuncio amissæ pecuniæ adeo terrore & dolore percussus fuerit, ut propenodum à vitali calore derelictus expiranti similis reductus sit domum, & soluta ei alvus in femoralia defluerit ac coxendices toras infecerit. Vidit laudatus PECHLINUS, & inter alia huc pertinentia exempla refert, virum cui semiluxati à palæstricis exercitiis humerorum articuli, ad repentinum atque improvisum contactum, subito iterum excidebant, & repositi contrario nisu linimentisque & foru in sede contineri debebant: imo quoties terrificum quid & inopinum ei objiciebatur, toties collisos in se brachii articulos ad levissimum quemque motum sonare, & ad usum tamdiu ineptos fuisse, donec aliquot horarum mora in pristinum eos & rectum situm reducebat.

§. 129. *Ira* est averfatio præsentis idealiter vel realiter mali, cum conatu illud avertendi, vel ulciscendi: ex *Seneca* jam supra (§. 127.) hominis irati schema exhibui, & in vulgus notum est, quod conatus ulciscendi suppressi, proprium corpus magis lædant, minus vero si exercere illos licet. Plura quoque quam decet exempla hominum ex ira morbos incurrentium prostant: singulare interim exemplum suppeditat denuo PECHLINUS (a) Nobilis quidam militari dignitate conspicuus, cui cum multa, ut fieri solet in aulis, invidiosius & contra fidem rei imputarentur, neque excusandi sui apud quemquam copia esset, adeo ira exarsit, ut primum quidem ferociore vultu ac exprobrationibus tumultuario effusis se vindicaret, mox tamen ubi in obtrectantis inimici corium descendere non liceret, servato intus ulciscendi desiderio in anomalam cordis palpitationem pulsusque omnibus modis & partibus difformem incideret; quem ipsum, res prodigiosa! duos annos, dum interim æterus hydropsque corpus misere conficerent, ad mortis usque articulum retinuit: erat autem pulsus, quem sæpius PECHLINO contrectare licuit, jam intermittens, jam caprizans, jam undulans, jam celet & magnus, jam lente deficiens & veluti myurus, verbo talis, qualem in morientibus, corporis illud cum anima divortium luctando testari solet.

§. 230. *Tristitia* est magnum tædium ob præsens vel imminens malum, quod averti non potest, vel cui nos pares non futuros nobis persuademus:

L 2

(b) LIVIUS Lib. 34. p. 726. (c) observ. medic. L. 111. obs. 23. p. 456

(a) l.c. obs. 25. p. 459.

demus : linquimus hinc nos fato , tedium omnium rerum nos capit ; & adversæ nos affligentis fortunæ magnitudinem unice dolemus ; languescunt hinc & animæ & corporis vires , spiritus nervosi languide in partes influunt , sanguis tardius movetur in orbem , inprimis respirationis negotium facessit , unde suspiria ; successively spissescit , hinc difficilius circulum suum absolvit , præsertim in abdomine , unde infarctus vasorum & viscerum ibidem producuntur , tuncque porta malorum ad affectionem hypochondriacam , atrabiliariam , melancholicam &c. aperta est , appetitus prosternitur , nutritio depravatur , hinc (a) fractus spiritus arefacit ossa , (b) multosque dolor extristitia occidit . Sic Artemisia , Mausoli Regis Carixæ conjux , quæ splendidum illud Mausoleum exstruxerat , reliquum post obitum mariti , vitæ luctu consumpsit , eodemque etiam confecta contabuit .

§. 231. *Gaudium* est magna complacentia in bono aut jam obtento aut mox obtinendo ; omnes corporis artus prompti sunt ad illud vel amplectendum vel adipiscendum , varias hinc gestulationes , homines gaudio quodam perfusi exercere solent , inprimis vero hic spirituum nervosorum impellens copiosior influxus , in corde inprimis animadvertitur ; quod & plebeji annotare assolent : exultasse illis præ gaudio cor fassi . Motus cordis hinc augetur , circulatio sanguinis acceleratur , vultus grato perfunditur rubore , & dum sanguis non nihil citius movetur , omnia minima vasa penetrat , referat , hacque ratione (a) cor lætum benefacit sicut medicina . Sed nimium & inopinatum gaudium , & validissimum inde excitatus spirituum nervosorum influxus cordis contractionem validiorem efficiens , quam sanguis statim iterum superare possit (§. 150.) , lipothymiam , imo mortem inducere valet . Sic (b) cum Romani ad lacum Thrasimenum magnam cladem perpeffi essent , & anxie matres de salute filiorum solícite quærent , hinc quarundam foeminarum gaudia insignia essent & luctus ; unam in ipsa porta , sospite filio repente oblato in conspectu ejus expiravit ; altera , cui mors filii falso nunciata erat , mœsta sedens domi ad primum conspectum redeuntis filii gaudio nimio exanimata fuit ,

Artic. II.

Aucti & imminuti Spir. Nerv. motus morbifici , Imaginatione excitati.

§. 232. *Imaginatio* est facultas prompte resuscitandi ideas , absentibus

(a) Proverb. XVII. 22. (b) Siracid. XXX. 23.

(a) Proverb. XVII. 22. (b) Livius L. XXII. c. 7.

bus objectis, quæ illas excitaverant (§. 181.): ex idearum vero, ab objectis in præsentem ortarum, cum aliis quas imaginatio reduxit, combinatione; aut duarum pluriumque sensationum, vel etiam duarum pluriumque idearum imaginatione resuscitatarum correlatione, omnia phænomena, quæ phantasiæ tribuuntur dilucidari possunt. Ex imaginatione multiplici, imprimis cujusdam mali vel proprium vel aliud corpus lædenti, homines morbos imo mortem incurrissè monumenta historica docent: prius quidem, dum sibi dirius quam revera est, triplici commemorato modo illud repræsentant; posterius vero ad suum corpus applicando, quod si hoc vel illud in proprio corpore fieret, quod in alio corpore fieri animadverterunt, vel factum fuisse recordantur: ubique tamen in hisce imaginationibus, quæ proprium corpus lædunt, affectus animi (§. 187.) concurrere observantur: & cum his, motus in corpore respondeant, hoc illis proportionate inde afficitur, idque ope spirituum nervosorum motus in universo corpore moderantium.

§. 233. Dantur quidem adhuc aliæ species imaginationum proprium corpus quidem afficientium, sed proprie non lædentium, idque pro lubitu: verum hæc ad præsentem articulum jam non pertinent. Sic RHODIGINUS (a) ex AUGUSTINO refert, quendam cum vellet, forti imaginatione paralytin, alium apoplexiam & sensus motusque privationem sibi excitare potuisse. Verum enim vero quilibet harum rerum gnarus facile intelligit, neque veram paralytin neque veram apoplexiam id fuisse, sed mentem huic imaginationi, quod ea quibus certa aliqua corporis pars, vel etiam totum corpus afficiebatur, non sentiat, tam profunde inhæsisse, retardando spirituum in partes influxum, ut non animadverterit, quæ revera corpus tangebant. Quemadmodum e. gr. vel quilibet Lectorum, in semet ipso procul dubio observaverit, quod dum collectis animi viribus, aliquid altius rimatus fuerit, non omnia objecta sensus incurrentia attenderit. Sic forti imaginatione CARDANUM paroxysmum podagricum non percepisse refert PECHLINUS (b). Contrarium fere huic exemplum prostat in directione humorum ad certam aliquam corporis partem, hujusque tono arbitrario, in præstantissimi quondam Medici SIMONIS PAULLI filio OLIGERO PAULLI, cui (c) à primis annis ea derivata voluntatis promptitudo & virtus, ut pro lubitu sudare manibus potuerit, quando vel ab amicis rogaretur vel ipsum sese jusserat, cujus facilitatis experimentum olim Regi Friderico III. dederat. Præsentem nempe Rege curiosissi-

L 3

(a) Antiq. Lect. L. XX. C. 16. (b) l. c. Obs. XI. p. 415. (c) vid. BARTHOLIN. Aq. Med. & Philof. Hafniens. Vol. IV. Obs. LXXXII. p. 191.

riolissimo à Patre sudare iussus, sudaverat, manusque madidas ostendebat, quas siccas attulerat.

§. 234. Sed ut ad propositum propius accedam scopum, quid notius est, quam quod meticulosi homines, si ipsis in loco tenebroso aliquid occurrat, vel si strepitum quendam audiant, vel aliquid videant promptissimi sint ad fingendum se spectra vidisse, imo hæc imaginatio, qua sibi persuadent phantasma quoddam adesse, tantum timorem vel terrorem illis incurtere solet, ut (*) convulsiones patiantur; BORRICHIVS (b) de illustrissimo quodam belli Duce febre continua afflicto narrat, quod cum is ex errore famuli, gargarisimum loco analeptici medicamenti hero suo ægro propinantis, deglutivisset, cognito errore, æger ex persuasione omnes gargarismos talia constituere ingredientia, quæ intus sumpta, veneni instar homines perimerent, firmissime sibi imaginabatur, ipsi jam moriendum esse, unde spiritus nervosi in tales concitati fuerunt exorbitantes motus, qui agonizantis hominis schema mentiebantur: verum, firmato ægri à Medico animo, nihil tale gargarismo admixtum fuisse, iste, deposita de veneno opinione, evasit. Similem casum idem ibidem refert, de foemina febre terriana contumaci laborante, quæ per errorem pharmacum digestivum stomachicum, quod in plures hebdomadas suffecisset, simul & semel exhauserat: erroris commonefacta, lethum fores jam pulsare sibi persuadens, anxia in sudores frigidos declinabat, sed bonum habere animum iussu à Medico, præter spem suam innovam vitæ spem erecta, paucis diebus perfecte convaluit.

§. 235. Quid imaginatio in insomniis valeat, comitante imprimis animi quodam affectu inter alia sequens notabilis historia (*) docebit: dum præconsularis quidam minister, insomnio delusus, hominem quendam sibi occurrentem, ac dextra manu lapidem tenentem, huncque propius accedendo in pectus suum vibrantem & regionem supra ventriculum percutientem videre & sentire sibi imaginabatur: expergefactus inde, dolorem in dicta parte corporis percipiebat, accensa hinc candela, in loco dolente maculam nigram orbicularem, pugni magnitudine animadvertibat; Chirurgus mane accersitus scarificando & medicamenta discutientia & resolventia applicando persanabat, erat enim verus cruor extravasatus, cum aliquali contusione partis. Quomodo vero imaginatio talem sugillationem excitare potest? mihi quidem persuadeo, id hoc modo successisse. In somno & muscoli & habitus cutaneus relaxantur (§. 194.), plus igitur

(*) Celeb. HOFFMANNUS Diss. de morbo convulsivo à spectro viso. (b) Act. Med. & Philos. Hafnienf. à BARTHOLINO edit. Vol. V. Obf. L. p. 137. seqq.

(*) SCHOLZIUS Hist. Med. mirabil. L. II, c. 1.

igitur sanguinis influit, & ob relaxatam tensionem illorum tardius movetur, dormientis enim hominis totus habitus externus turget, facies rubet: animus imaginario terrore à vibrato in pectus lapide percussus, de parte affecta sollicitus, vehementem impulsus spirituum, in læsum locum, respondentem habet, quotidiana enim experientia constat, subito terrore corpus concuti (§. 227.), interceptum hinc fuisse sanguinem in loco affecto à celeri & vehementi istius partis strictura per fortiorem subitaneum spirituum nervosorum in illam influxum, patet; à qua constrictione interceptus sanguis vascula dilaceravit, & inde sugillatio orta fuit. Quid incubus sit, notum est, spasmodica nempe musculorum respirationi inservientium constrictione, à sanguinis ut plurimum per thoracem difficiliore motu orta; quantum vero imaginatio hic valeat, plurimæ historiæ prostant. Unam saltem asserere liceat, quam CASP. SCHOTTUS (b) de semetipso consignavit: cum enim per aliquot dies multa de spectris legeret, audiret, meditaretur, post noctis medium, dum semisopitus in lecto jaceret, videbatur sibi audire selem ingredi cubiculum, lecto adrepere tandemque ascendere. Opprimebatur mox tanto pondere, ut nec vocem exprimere, nec brachia movere, tametsi summo conatu anniteretur, potuerit; paulo post perfecte evigilabat, & errorem suum corripbat, additque, nisi perfectum perfecte habuisset morbum, jurasset à spectro felis se oppressum fuisse.

§. 236. Quod si vero ea, quæ in aliis fieri corporibus observamus, atque nobis imaginamur, quid si hæc in nostro corpore peragerentur? miros sæpius producit effectus phantasia: annotavi duo exempla, ubi saltem ex intuitione, quomodo alter catharticum hauriat, vel ventriculus subversus vel alvus turbata fuerit: novi puellam, cui ex relatione gravis cuidam inflicti vulneris, vel cruciatuum, quos quis perpassus fuerit, omnes artus dolent. Determinatur quippe in istis casibus fortior in istas partes spirituum nervosorum impulsus. Vidi servum quendam, cui cæterum satis obtusum erat ingenii acumen, qui cum uxorem ducere vellet, herumque suum de hoc suo proposito confulere, iste vero servum commune faceret, quantum ad rei familiaris curam requiratur, ne præcipitanter in matrimonium ruat, alta hæc secum mente volvens lipothymiam passus est. Parallelum fere exemplum HILDANUS (a) refert, quod nempe cum Geneva in Sabaudiam ad nobilem quendam vocatus esset, hujus famulus illum comitando, eques ad latus ipsi esset, ac huic de miserrimo ac deplorando statu militum Germanorum quædam narraret, eorum vulnera & ulcera describeret,

(b) Phys. curios. L. II. C. VI. p. 227.

(a) Epist. XLIII. Operum p. 699.

beret, famulus ex sola historiae narratione lipothymia correptus fuerit, ita ut parum abfuerit, quin ex equo in terram prosterneretur nisi HILDANUS apprehenso freno equi, illum refocillasset. Ratio fere eadem est, ac in timore vel terrore (§. 227.) fuit.

§. 237. Huc refero vires imaginationis gravidarum in foetus, in vulgus notissimas. Muliercula (a) promissionibus variis, inter quas spes matrimonii & nunquam deserendi juramentum persuasa, sese Italo cuidam corrumpebam cum dedisset, ex eoque concepisset, ille vero promissa sua sus deque habens abierit, nec postea ullum unquam sui, nedum amoris sui fecerit indicium, mulier autem se desertam, vitio infamem, prole gravatam, paupertate oppressam, & omnibus contemptam fore prospiciens, vehementius statum illum suum apprehendere, ex decepto amore in furias & desperationem agi, diras omnes quæ emota sedibus suis mens ex cogitare potest, in perfidum jacere, jam sibi cum malis geniis congressam videri, jam monstri quid se alere, quod parentem similem referret, eo denique adduceretur, ut necesse fuerit ei perpetuas adhibere custodias, ne mortem sibi lugubri quadam tragœdia conscisceret, inter perpetuas hæc furias, novem complentur menses & post gravissimos parturitionis labores, prodit foetus, cacodæmonis picturæ quam humanæ figuræ similior, cujus sceleton citatus auctor ære exculpi curavit. BORRICHUS (b) habet exemplum gravidæ, mutilum manu & pede filium, ex aspectu talismodi mutili perterritæ par-turientis.

§. 238. Foetus interveniente funiculo umbilicali, cum placenta uterina, ipso utero, hinc & cum matre connectitur. Uterus tam vi suæ structuræ musculosæ, quam & à copiosissimis vasis sanguiferis & multis nerveis surculis determinatam obtrinet tensionem: placenta uterina satis arcte cum illo unitur; isti priori intercedente funiculo umbilicali annectitur foetus; ipsa vasa sanguifera adeoque & umbilicalia ex nervis componuntur, perculso igitur utero, tremebit & placenta uterina cum funiculo umbilicali, sic determinatus iste tremor cum foetu quoque communicabitur. Fortiori imaginatione inprimis cum magna averfatione rei cujusdam horridæ ab influxu spirituum nervosorum copiosiori in partes, hæc tremunt (§. 235.) idque in diversis corporis partibus varie: specifico tali tremore & uterus, nec non vi connexionis placenta quoque cum funiculo umbilicali, & huic annexus foetus afficiuntur. Membra foetus adhuc mollissima tenerrimaque sunt, adeoque ejusmodi tremor illa magis lædit: id vero non potest fieri, nisi embryonis fibræ jam aliqualem consistentiam & tensionem obti-

nuc-

(a) KERCKRING. *obf. anatom.* XXIII. p. 56, seq. (b) *Act. Med. & Philos. Hafnienf.* Vol. II. *obf.* LXXII. p. 201.

nuerint, ut tales tremores suscipere queant; hinc ante medium gestationis tempus haud facile ab imaginatione matris foetus laeditur. Pro diversitate vero craseos & motus sanguinis in homine adulto, specifica quoque Spirituum Nervosorum in eodem individuo est indoles: pro utriusque vero, & Spirituum & Sanguinis, tum ratione craseos, tum motus diversitate, partium tensio quoque est diversa (§. 143): mater vero materiam nutritionis foetui ita praeprarat, ut proxime fere ad nutritionem apta sit (§. 74.); defertur quoque fluidissima portio sanguinis arteriosi matris ad foetum, quæ servato quodam à matre ipsi dato impulsu, humorum circuitum in foetu adjuvat, & materno similem reddit. Sicque tum ratione materiae nutritionis, tum motus circulatorii humorum, tum tensionis partium solidarum, embryo matri assimilatur. Ex harmonica hac partium matris & foetus tensione elegantem virium imaginationis matris in foetum explicationem dedit *Celeber. VERDRIES* (1), quod scilicet harmonia quadam inter corpora æque tensa sympathica, constituta, per motum communi cuidam circumfluenti, subinterfluenti, partesque utrinque expandenti & tendenti subtili fluido impressum & communicatum, uno percusso corpore, & alterum moveatur: cuius rei tam in corporibus inanimatis quam animatis plura exempla prostant. Adeoque, si quando ad impressiones vehementiores, cum animi extraordinario motu fibrillæ sensiles in matris cerebro concutiantur, similis in fibrillis cerebri embryonis, æque aut proportionate tensis, impressio oritur; atque hinc nervorum fluidum ad certas partes, de quibus phantasia sollicita est, & quibus metuit, aut quo manus fricatione invitatur, tam in matre quam in foetu dirigatur, ruat, impetum faciat. Et licet solidiori partium matris textura atque tensione impulsus repellatur, in embryonis tamen partibus eo magis efficaciam suam exerat, quo magis illæ sunt tenellæ & molliores, quam ut vehementem impressionem non possint recipere; inprimis cum non cerebrum solum, sed & reliquæ matris & foetus partes ob æqualem & proportionatum influentium motum, harmonice conspirent, atque ita impetus à partibus matris, ad easdem teneriores foetus partes vi dictæ harmoniæ transferatur & impetum à cerebro embryonis venientem au-geat.

SECT. III. MEMBRUM III.

Morbi à vitiata Spirituum Nervosorum Crasi excitati.

§. 239. Postquam sic motus *Spirituum Nervosorum* auctos & imminutos morbificos perlustravimus, restat, ut etiam paucis expendamus, qui morbi

M

à 11-

(1) De æquilib. Mentis & Corporis p. 137. seqq.

à vitiata eorumdem spirituum crassi propullulare soleant. Hos vero spiritus à genuina & sanitati conveniente indole deflectere posse, ipsa eorum natura fusius supra explicata indicat; cur enim hæc defœcatissima lympha ex subtilissima aqua & pinguedine constans, lentorem concipere aut acrimoniam contrahere non posset?

§. 240. Sufficiens influxus spirituum nervosorum sensui, motui & nutritioni famulatur: spiritus vero nostri si ita sunt comparati, ut tardius influant, aut ad motum plane inepti reddantur, sensuum & motuum exercitium depravant, nutritionemque vitiant. Exercuit superiori seculo Medicorum ingenia morbus quidam nova facie indutus, *Rachitis* dictus, qui pueros unice cruciare solet, laborant quippe magna debilitate artuum, præcipue pedum, qui corpori suffulciendo vix, gressui vero raro sufficient, quæ infirmitas aucto morbo in impotentiam artuum transit; habitus corporis est laxus, flaccidus, ossa varie sunt incurvata eorumque inprimis epiphyfes protuberantibus nodis varie deturpatæ, spina diversimode inflexa, thorax ad latera compressus in sternum acuminatus, abdomen subtumidum tensum, muscoli maximam partem extenuati, totum vero caput justam molem excedit, ac ejusmodi ægri infantes acutioris ingenii observantur. Sectiones cadaverum docuerunt adfuisse viscera fere omnia justo grandiora, sed flaccida, inprimis cerebrum admodum magnum, arterias autem carotides & venas jugulares sæpius justo capaciores, sanguinem pituitosum: unde inæqualitas nutritionis & incrementi elucescit. Infirmitas artuum, extenuatio musculorum, & laxitas totius habitus corporis, non à sanguine oriuntur, cum huic nullibi præclusa via fuerit reperta, sed imminutus spirituum influxus, qui alias sufficiens cum sanguine tensionem partium naturalem præstat, hic potius accusandus venit; nam omnes corporis partes, quibus nervi ex medulla spinali dantur, imbecillitate & atrophia laborant, cum reliquæ ut inprimis viscera quæ spiritus accipiunt ex plexibus nervosis à pari vago & intercostali efformatis sufficenter & nutriantur, & crescant, ita ut proportionem cum reliquis superent: sufficiens igitur sanguinis copia quidem generatur, verum cum motu suo per partes relaxatas, isto impetu careat, quem ab ipsis partibus earumque tensione mutuari solet, hinc ad alias plus ruit partes, hinc viscera distendit, mole auget, inde & totum caput cum cerebro justo plus crescit, fecerunt quoque plures spiritus in cerebro justo hic majori, hinc istis infantibus acutius ingenium, & liberum sensuum exercitium obtingit, viscera quoque, quæ spiritus ex cerebro accipiunt, munera sua obeunt, verum cum iste sanguis, qui pro spirituum secretionem ad medullam spinalem ablegatur, non adeo exacte præparetur & subigatur ac ille, qui in eundem finem ad caput ablegatur, infantes rachitici autem sanguine

guine pituitoso laborent, hinc talis & spiritibus nervosis, qui in spinali medulla fecernuntur, hunc suum characterem, nempe lentorem quendam imprimit, qui hinc tardius, tandem tardissime ad partes moventur, unde his tonus perit, & omnia reliqua symptomata eas affligunt, de quibus videatur MAYOW (a). Ab eodem spirituum lentore & para'yces, & omnes morbos ab intercepto spirituum influxu oriri solitos, excitari posse, sponte patet.

§. 241. Jam videamus, quinam morbi à spirituum nervosorum acrimonia oriri soleant: per se vero constat, quod ejusmodi morbi, illas potissimum partes occupare debeant, quæ evidentè ex tubulis nerveis componuntur, tales vero sunt membranæ varii generis, periostia, ligamenta, tendines. Atrox & satis frequens malum est *Podagra*, per hanc intelligitur dolor in ligamentis ossium horumque periostiis, ut plurimum tensivus, vibrans, lancinans, & ossa quasi coarctans, in aliis vero dolor est magis obrusus, cum stupore quodam & movendi impotentia. Caput *Podagra* potissimum pedes, unde & nomen trahit, & tam in juncturis ossium, quam etiam per longitudinem illorum, tyrannidem suam exercet. Pars proprie affecta musculos ibidem locatos in spasmodicam contractionem quoque cogit, quod evidentè in musculis metatarsi interossæis gèrere licet, unde pes rigidus & fere emaciatius apparet: jungitur huic dolori sæpius tumor, inprimis circa paroxysmi finem, interdum etiam mox ab initio, qui sæpius pallet, rarius rubet, nihilominus illo ipso præsentè, spasmodica tamen musculorum coarctatio cognosci potest. Expositi hæcè cruciatibus inprimis sunt, qui Veneri & Baccho strenue litarunt, in otio vivunt, acidis abutuntur, mollioris & respectivè laxioris sunt habitus, succis pleni qui succi in inveterata *Podagra* magnam copiam materiæ cujusdam tartari similem vehunt: sic KERCKRINGIUS (a) ex milite quodam podagrico, cujus spura, urina & omnia excrementa talem materiam ejiciebant, ingentem sputorum ad tartari consistentiam concretorum copiam colligendam curavit, eaque examine chemico exploravit; primum dederunt spiritum quandam inter spiritum tartari & salis armoniaci quodammodo medium, acidiorè nimirum illo, hoc mitiorem: oleum ab oleo tartari vix poterat distingui, tam exactè illud colore, foetore & consistentia referebat, nec sal ex capite mortuo extractus, longe ab eodem sale tartari abludebat, nisi quod sapore quodam extraneo infectus, ingratam quandam stomacho patiebat nauscam. Præcedunt ut plurimum paroxysmos torpor corporis, cruditas primarum viarum, ructus, sæpius acidi.

M 2

(a) De Rachitide.

(a) Obs. XXVIII. p. 66. seq.

acidi. Quodsi jam hæc in summam colligimus, apparet, spasmodicam hancce ligamentorum & periostiorum inprimis tum & musculorum contractionem, cum horum pallore, à copiosiore spirituum influxu (§. 93. 155.) concitari: agros vero ex allegatis causis sanguinem specifico quodam acore inquinatum in venis alere, qui cum spiritibus nervosis, communicatus, & cum his ad partes extremas, in tubulos nerveos ligamentorum & periostiorum rigidiores, angustiores, & à partibus ambientibus pressos, delatus, difficiliter suos permeat tubulos, ibidem vero commorando, pressus nihilominus à tergo, específicos illos commemoratos excitat dolores, plus spirituum & sanguinis allicit, ex quorum inordinato motu, sæpius horrorem & calorem volaticum febrilem, dolorumque augmentum excitat. Annon methodus medendi vulgaris huic malo est magis palliativa? cur lactis cura convenienter instituta, podagricos adeo solatur? an hujus curationis ætiologia ex indole chyli & lymphæ inveniri potest? cur podagricis ob debilitatem harum partium ex repetitis paroxysmis, ira, terrore &c. malum facile recurrit? Similiter, si spiritus nervosi acrimoniam conceperunt, varia dolorum genera, spasmos item & convulsiones excitare possunt. Verum observamus etiam quod DEUS sapientissime prospexerit, ne spiritus animales vel lentore vel acrimoniam adeo facile inquinentur, si perpendimus, quanto cum labore iidem præpatentur & secernantur, ut fluidissimi & insipidi maneant, & omne peregrinum acre ab illis arceatur, serum vero acre excrementitium, ab hac lymphâ caute semper separetur, ut vel & lymphâ ventriculorum cerebri mere insipida deprehendatur.

EPILOGUS.

§. 242. Et hac ratione contra *Celeberrimi* GOELICKII objectiones *Spiritus Nervosorum* existentiam me vindicasse arbitror: qua occasione simul eorundem *Spiritus effectus* in corpore sano, & *affectus* in eodem ægro dilucidavi. Prius vero, quam calamum abjiciam non possum non, quin publice fatear, me non assequi posse rationes, quomodo fieri potuerit, quod *Clariss.* GOELICKIO, qui variis, sane non proletariæ eruditionis speciminibus in orbe erudito famam jam dudum obtinuit, hæc thesis (a) excidere potuerit, quod *mechanicis rationibus usi, idem sit ac artem omnium nobilissimam ad vilissimas & iliberales, qua proprie mechanica (opificia) adpellentur, rejicere.* Per *Machinam* proprie intelligitur talis corporum constructio, qua ad certos proficuos motus edendos, ipsa hac structura determina-

(a) Diff. I. §. 2. p. 4.

minatos, illa apta fiunt: hæc aptitudo proprie constituit machinam: quapropter posterior hæc, accepto impulsu, motum certum structura sua determinatum edit. Hæc vero machinas intercedit differentia, ut quædam continuo impulsu externo indigeant ad motus edendos, quædam vero acceptum impulsu vi suæ structura ad certum tempus fovere, & tam diu quoque ipsi competentes motus exercere possint. Qui igitur ex æstimatione ponderis, numeri & mensuræ corporum intelligere valet, quomodo eadem corpora certo modo invicem combinata apta fiant ad proficuos ejusmodi ac dictum motus edendos, ille proprie *Mechanicus* dicitur, & *Scientia*, quomodo & quare hæc ejusmodi corporum combinatione intentatum motum obtinere possibile sit, vocatur *Mechanica*. Quemadmodum verò *Recipe* quoddam *Medicum* consignare Medicum non facit, sic & elaboratio machinæ cujusdam à Mechanico inventæ per opifices, hos nondum *Mechanici* titulo dignos reddit. An vero, ex pondere, numero & mensura corporum, certo modo constructorum, eorum vires æstimare, qua eadem ratione totius universi ædificium (b) dispositum fuit, *Mechanicorum* (c) ineptias vocare decet? sed taceret ejusmodi objectionibus diluendis immorari, cum responsionem proprie non mereantur, & eorum imbecillitas cuilibet appareat, hinc

Tendimus in portum, & victis valedicimus undis.

(b) *Sapient.* XI. 22. (c) *Cl. GOELICKE* l. c.

F I N I S.



Errata typographica ista corrigantur.

§. 3. lin. ult. revocatis. §. 45. lin. 2. hic. §. cod. lin. 7. reflexus. §. 53.
lin. 5. abeant. §. 54. lin. 3. decreſcentibus, §. 63. lin. 11. pervios. §. 94. lin. 9.
celeritas. §. 103. lin. 1. Hicce. §. 123. lin. 9. infundibuli. §. 136. lin. 7. subcla-
vias. §. 143. lin. ult. annitentur. §. 159. lin. 1. & calore sanguinis. §. 161. lin.
2. exsucca. §. 171. lin. 1. Papillæ. §. 199. lin. 25. tot. §. cod. lin. 45. igitur &
non vult ut. §. 201. lin. 28. legitimæ artuum ad destinatos usus applicationi. §.
cod. lin. 30. artus. §. 210. lin. 4. laborantem, §. 230. lin. 6. respirationi.

